


Johannis



Wallis

Geometriæ Professoris

S. A V I L I A N I

in celeberrima Academia

O X O N I E N S I,

GRAMMATICA

Linguae Anglicanae.

Cui præfigitur,

D E L O Q U E L A

sive Sonorum Formatione,

TRACTATUS

Grammatico-Physicus.

O X O N I Æ,

Excudebat LEON. LICHFIELD

Acad. Typographus. 1653.

JOHANNES WILHELMUS
Geometricæ Institutionis

ITALIANI
in celeberrima Academia
OXONIENSIS
GRAMMATICÆ

Linguae Anglicanae.
Cui præfatus
DE JOHANNES
pro personâ formatione
TRACTATUS
Grammatico-Philosophicus.

OXONIAE
Printed & sold by J. STURGEON
at the University Press



Ad Lectorem Præfatio.



Um morem obtinuisse vide-
am, in operis vestibulo lecto-
rem alloquendi: quædam eti-
am & mihi præfanda iudico,
ut & suscepti operis rationes,
& quid hac in re præstiterim,
paucis ostendam; ipsiusq; lin-
guæ Anglicanæ originem &
progressus tradam.

Lingua illa quam tradimus Anglicana, quæq;
nunc dierum non per Angliam modo, sed
& in Scotia usurpatur, non est vetusta illa lin-
gua Britannica qua primi olim Britones usi fue-
runt, neq; ulla quidem ipsius propago, sed alia
prorsus aliunde advecta.

Obtinnit siquidem apud nos olim lingua ve-
tusta admodum atq; eleganter venusta; nobis
quidem cum finitimis Galliarum incolis communis.
Sive enim hæc Insula cum Gallia olim fuerit
isthmo conjuncta; seu potius mari disjuncta
semper, & nonnisi propter viciniam loci com-
mercio fruens: Sive etiam nos ab illis, seu illi a
nobis primitus acceperint incolas, aut etiam u-
trobiq; cognatæ forsan coloniarum, a Phœnicibus
putæ, aut Trojanis, aut aliunde deductæ, sedes
posuerint: Certè eadem olim utrisq; lingua,
iidem mores fuerunt. Et quidem, quantum ego

Ad Lectorem

iudico, *Gallis & Wallis*, hoc est Gallia seu Francia, & Wallia seu Cambro-britannia populis, communis est denominatio: Nam literarum *G* & *W* frequentissima est commutatio; & quidem *Walliam* quam nos *Wales* appellamus ipsi Galli *Gales* vocant; ipsosq; *Gallos* Germani *Walshen* appellant; certè qui *Walli & Wallones* nunc dicuntur *Gallos* esse in confesso est; nempe Arrethæ partiumq; adjacentium incolas; ut & incolas Longobardia, hoc est Gallia Cisalpinæ; & Gasconie item Vasconia dicitur: Sic Gallorum *guerre*, *garant*, *gard*, *gardien*, *garderobe*, *guise*, *guile*, *gage*, *guichet*, *guimblet*, *guerdon*, *Guillaum*, *gaigner*, *gasser*, *guetter* &c. idem significant ac Anglorum *Warre*, *warrant*, *ward*, *warden*, *wardrobe*, *wife*, *wile*, *wager*, *wicket*, *wimble*, *re-ward*, *William*, *to winne*, *to wast*, *to wait*, &c. Sic *Fuglandes* alibi in Angliâ *French-nuts* (nuces Gallicas) alibi eodem sensu *Wall-nuts* (hoc est *Walsh-nuts*) appellamus. *Galatæ* item seu Gallo-græci, linguam suam secum ex Galliâ deportasse dicuntur; & (referente Strabone) bilingues erant, suâ simul & Græcanicâ linguâ utentes. *Gallovidiæ* etiam in Scotiâ ejusmodi nominis originem forsan obtinuit.

*Magnam
habet cum
Orientali-
bus affinita-
tem.*

Erat autem prisca isthæc Gallis & Britannis communis lingua, ultra omnium historiarum memoriam antiqua; ut non nisi ex conjecturis, aut dubiæ saltem fidei Historicis, ipsius sive linguæ sive etiam populi origines repetendæ sint: & forasse (sicut & aliæ Matrices linguæ) ab ipsâ confusione Babylonicâ ortum duxit. Magnam certè cum linguis Orientalibus affinitatem retinet; non modò in vocum originibus, ut notant *D. Iohannes Davies* passim in *Dictionario* suo *Cambro-Britannico*; & *Samuel Bochartus* in suâ *Geographiâ*.

Præfatio.

Geographiâ Sacra; qui ipsum *Britannia* nomen Arabicæ vel Punicæ originis esse putat, nempe *Βρετανικὴ* dici quasi *ברית אנה* *barat anath*, hoc est agrum seu terram stanni & plumbi, Insulasq; Britannicas (a Pœnis dictas) easdem esse contendit quas Græci *κασιγερῆδες* (eodem significato) appellarunt: Sed etiam in Syntaxeos ratione, quæ *Præfixis*, *Affixis*, & variâ *Status* permutatione peragitur, (ut enim habent Hebræi statum Absolutum & statum Regiminis; sic Cambro-britanni status, ut loquuntur, *Primarium Mollem*, *Liquidum*, & *Aspiratum*, prout varietas constructionis postulaverit;) ut liquet in linguæ Cambro-britannicæ Grammaticis a *Ioanne Daviso*, & a *Iohanne Davide Rheso*, latine editis: Addo etiam, Personarum denominationes, adiunctis nempe *Patris*, *Avi*, aliorumq; forsân *Majorum* nominibus, morem orientalem sapere; nam v.g. *Iohannes David Rhesus*, vel in eorum dialecto *Siôn ap Dafyd ap Rhys*, idem est ac *Iohannes filius Davidis filii Rhesi*: & quamvis nunc dierum habeant quidem ad Anglorum imitationem familiarum nomina; sunt tamen ea plerumq; merè *Patronymica*; sunt enim *Price*, *Powel*, *Bowen*, *Pugh*, *Parry*, *Penry*, *Prichard*, &c. nihil aliud quam *Ap Rhys*, *Ap Howel*, *Ap Owen*, *Ap Hugh*, *Ap Harry*, *Ap Henry*, *Ap Richard*, &c. & *Jones*, *Jenkin*, *Davyes*, &c. sunt merè *patronymica*; *Griffin*, *Morgan*, *Howell*, *Teudor*, &c. sunt *majorum* nomina ommissa tamen voce *ap* (hoc est, *matris filius*) & similiter de aliis plerisq; apud eos nominibus iudicandum est. Verùm his de rebus non est prolixè nobis disserendū. Qui plura cupit, consulat *Pontici Virunnii* Historiam Britannicam; *Giraldi Cambrensis*, Itinerarium & Descriptionem Cambriæ; & Anotationes D. *Davidis*

Powel in duos illos autores ab ipso Latine editos; item tractatus duos philologicos *D. Iohannis Davissi*, quorum alter ipsius *Dictionary*, alter ejusdem *Grammaticæ* præfigitur; similèq; tractatus duos *D. Iohannis Davidis Rhessi* *Grammaticæ* ipsius præfixas; (suum ipsius unum *Cambriçè* scriptum, alterum *Humphredi Prichard* Latine,) *Humphredi Lhuyd*, *Descriptionem Britannia*; Item *Guil. Camdeni* *Britanniam*; *Samuelis Bocharti* *Geographiam sacram*, (part. 2. lib. 1. cap. 39, 41, 42.) Item *Iacobi Vsserii Armachani* *Antiquitates Britannicas*; *Richardi Verstegan* *Antiquitates Angliæ* restituras, Anglice editas; *Henrici Lhoyd* *Historiam Cambriæ Chronologicam per Davidem Powell* Anglice editam; *Brerewoodi* antiquas *Inquisitiones*, Anglice item editas: aliòq; consimilis subjecti scriptores: apud quos multa reconditoris cognitionis monumenta reperiuntur. Et quamvis *Fabulæ* fortasse vetustissimis nonnunquam scriptis immisceantur, prout in antiquissimi temporis historiis omnibus fieri consuevit, multum tamen subesse veri non dubito.

Quomodo
desuevit in
Galliâ, &
præsentis
Gallicanæ
origo.

Verum primæva hæc utriusq; Gentis lingua utrobiq; magnâ ex parte evanuit. Quod ad *Galliam* attinet, postquam ea in *Romanorum* potestatem devenerat, conati sunt *Romani* *Latinæ* linguæ usum introducere, ideòq; edita omnia aliàq; scripta publica *Latino* idiomate ediderunt, adeòq; ut in *Hispaniâ* vetus lingua *Cantabrica*, ita & in *Galliâ* prisca *Gallorum* lingua paulatim desuevit, quasi simul cum populo subjugata; ejusq; ioco rudis ut sit *Latinismus* utcunq; successit, & *Romance*, vel *Romanshe*, hoc est lingua *Romana*, seu *Romanica*, vel *Romanensis*, dicebatur; retentis tamen aliquot vocabulis ex antiquâ linguâ. Quum autem *Franci* seu *Franco-*
nes

nes Germaniæ populus, sub *Faramondo* duce, ex Franconia in Galliam devenerunt, suam etiam secum linguam attulerunt, ejusdem quidem originis cum Germanicâ nostrâq; Anglicanâ, neq; ab his admodum diversam, quæ etiam aliquandiu ab illis retenta fuit & lingua *Francica* dicebatur; usq; dum, ipsis Gallis tandem cum Francis his in unum quasi populum coalescentibus, Franci etiam rudem illum Latiniſmum edidicerunt: admiscuerunt tamen proculdubio ex sua lingua voces non paucas: verum & suam Syntaxeos rationem retinuerunt; quæ eadem quidem est cum Teutonicâ, sed tam a Romanâ quàm a veteri Gallicanâ proſus aliena, adeo ut nec a Romanis recepta nec ab antiquis Gallis transmissa cenſeri poſſit; (quod etiam de ejusmodi syntaxeos ratione apud Italos & Hispanos dicendum videtur, eam nempe Longobardos, Gothos, Vandalosq; ex Germaniâ illuc attuliſſe.) Atq; hinc defluxit hodierna lingua Gallica, quæ tamen, ut ipſe populus, denominationem a *Francis* adhuc retinet. Adeoq; priſca illa Gallo- rum lingua per totam ſerè Galliam penitus ob- ruta eſt, in ſolâ nunc Armoricâ ſuperſtes, ubi lingua *Armoricana* appellatur.

Parem etiam fortunam in Britannia ſortita eſt. Pura ſiquidem manſit hæc priſca apud illos lingua usq; ad Romanorum tempora: Poſtquam autem Julius Cæſar, aliq; poſt illum, Imperium Romanum huc usq; extenderunt, quanquam, propter longiorem a Româ diſtanciam & minorem Romanorum huc conſuentium numerum, minorem inde ſubiit permutacionem antiquitus recepta lingua, quam apud Gallos, Hispanos, Longobardos, &c. utpote vicinioreſ populos, contigerat; multa tamen Latina vocabula admix- ſit Lingua Britannica, quæ adhuc retinentur, ſed

*Quomodo
deſuevit in
Angliâ.*

ita transformata & mutata ut nativas linguæ Britannicæ leges & syntaxin omnino sublerint, neq; insignem aliquam ipsius mutationem præstiterint; nec dubito e contrâ quin & Romani, sive ex Britannia sive ex Gallia, verba Britannica reportaverint. Postea verò, quum *Anglo-Saxones*, Germanicæ item populus, (si saltem Germanicæ fines, quod aliqui faciunt, eo usq; extendere liceat ut Danos etiam & Norwegios comprehendant) in Britanniam pervenerunt, eodem circiter tempore quo Franci in Galliam, & post diuturna bella rerum potiti sunt, Britannos, cum suâ linguâ Britannia, expulerunt; qui tamen montanas Cambriae seu Walliæ regiones adhuc obtinent, *Cambri* & *Walli* dicti, suamq; linguam retinent, ut & Cornubienses aliquot in extremis *Cornubia* sive *Cornwallia* partibus, linguamq; *Cornubicam* appellant: sed & *Hiberni*, (quo nec Romani, quod sciam, nec Saxones olim pervenerunt,) ut & Insulares atq; Monticolæ in Scotia, (*Islanders* & *High-landers* vulgò dicti,) quorum lingua ab Hibernicâ parum differt, linguam adhuc retinent Cambro-Britannicæ affinem, quæ & olim omnino eadem fortassis erat, quamvis nunc dierû a Cambria magis aliquantò differat quâ vel Cornubica, vel Armoricana, vix autem magis quàm hodierna Germanica ab Anglicanâ. *Scaliger* tamen (de linguis Europæ) & eum secuti *Merula* (in ipsius *Cosmographiâ*) aliiq; manifestò errore, linguam *Hibernicam* pro *Matrice* distinctâ reputant, nullamq; cum *Britannicâ* cognationem habere sentiunt; at rem secus esse & *Camidenus* antehac observavit, & res ipsa loquitur. An autem lingua *Cantabrica* Hispaniæ, affinitatem ullam fortiatur, fateor me penitus ignorare, nec impræsentiarum vacat penitus inquirere, & potius contrarium sentio; in paucis saltem illis quæ apud *Merulam* extant

· *Prefatio.*

extant linguæ Cantabricæ speciminibus, nulla quidem linguæ Cambricæ vestigia notare possum: fieri tamen potest ut Hiberni nonnullas voces Cantabricas retineant, si saltem *Hiberni* ab *Iberis*, ut creditur, descenderint; habent certè Hiberni voces non paucas quæ Britannicam originem non sapiunt, at unde habuerint nescio. Verùm *Cambria* appellatio, quanquam quoad sonum *Cantabria* videatur non abfimilis, majorem fortè cum *Cimbris* vel *Cimmeris* (Cimbricæ Chersonesi incolis,) quàm cum Cantabris, cognationem sortiri poscit; nam Cambro-britannus, linguâ suâ, *Cymro* (seu *Cumro*) dicitur, & a *Gamero* (uno ex Japheti posteris) denominationem olim accepisse posse creditur. Sed & Gallos etiam *Cimbras* vel *Cimeros* antiquitus dictos fecisse, Camdenus ostendit.

Quod autem in Galliâ factum diximus, nempe quòd Galli post Francorum adventum, suam tamen linguam (non quidem primogeniam, sed quæ ipsius loco successerat) tandem quasi postliminio (mutato tamen nomine) reduxerint, ideo quidem quòd in unum cum Francis populum coaluerint: Hoc in Angliâ neuriquam obtinuit; Nam Britanni, quanquam mille mala passi, Religioni tamen suæ (Christianismo scilicet) & patrijs ritibus addictissimi; nunquam sustinuerunt ejusmodi cum Saxonibus (tunc quidem Ethnicis) consortium aut coalitionem, sed insensissima odia per multa secula coluerunt, quæ quidem vixdum penitus deposcere.

Anglo-Saxones autem, antiquas ut dictum est Britonum sedes nacti, partem illam quam obtinuerunt Britannix, *Angliam* dixerunt; eamque quam secum attulerunt linguam, *Anglicam*; quam nunc *Saxonicam* vel *Anglo-Saxonicam* vulgò dicimus, ut ab hodiernâ Anglicanâ distinguamus.

Erat

*Lingua
Anglo-
Saxonica,*

Erat autem illa Anglo-Saxonum lingua, antiquæ Teutonicæ propago, ut & Francica illa in Galliam advecta, & hodierna Germanica, Belgica, Danica, Suevica, Borussica, aliæq; affines linguæ. Et ferè pura mansit in Angliâ, seu impermixta, usq; ad *Normannorum* tempora; nisi quòd voces aliquot Cambricas admiserit, ut & Cambrica vice versâ ex hac non nullas. Quamvis enim *Dani* interim hîc pedem posuerint, nulla tamen inde linguæ immutatio secuta est, nam & eorû lingua vel planè eadem erat vel saltem maximè affinis.

Quousq;
Normanni
linguam
Anglica-
nam muta-
verint.

Quum verò *Gulielmus* Normanniæ dux, Conquestor dictus, Normannos suos huc advexerat; Angliam nactus, Anglicanæ linguæ mutationem aggressus est, Gallicanam inducere cupiens, quâ ipse in Normanniâ usus erat. Quamvis enim *Normanni* five *Northmanni*, dum antea *Norwegia* populus fuerant, eâdem olim linguâ usi fuerint quâ & Anglo-Saxones (populus olim vicinus) eâ nempe quæ tunc in Angliâ obtinuit; post eorum tamen in *Neustriam* (*Normanniam* deinceps dictam) adventum, nativâ suâ linguâ Gallicanam (nempe, Romanicam, seu Franco-Gallicam) permutârunt, quam etiam Conquestor secum nunc in Angliam apportare voluit; & propterea Diplomata omnia & Edicta publica, ut & res juridicas, linguâ Neustricâ seu Gallicanâ peragi curavit. Non autem, quod aggressus erat, est assecutus; quippe quòd Normannorum qui huc advenerant, si ad Anglos quibus immiscebantur comparètur, exiguus erat numerus, qui ideo suam citiùs amiserunt linguam quàm Anglicanâ immutare possent. Quamvis autem, hac de causâ, priùs recepta lingua Anglicana permanferit; illud saltem inde infecutum est; ut multa vocabula Gallica, sed Latinæ ut plurimum originis (nam quæ Gallici retinent Germanicæ originis, a Francis illuc deducta,

Præfatio.

deducta, quanquam Gallis forsan nobiscum nunc communia, nobis tamen quam illis potiùs nativa censenda sunt: & quæ ex priscâ suâ lingua retinuerunt, ipsis nunc cum Cambris communia, nos etiam ex antiquâ Britannicâ retinuisse, vel a Cambris potiùs quam a Gallis accepisse censendum est,) in linguam Anglicanam irrepperint, multaq; Anglicana sensim desueverint. Et quidem ex eo tempore admista fuit exoricarum vocum farrago satis superq; numerosa: Non, quòd lingua Anglicana ex se sterilis sit & verborum inops, est enim & verborum & elegantiarum satis abunde plena, & (si libet) ad luxuriam copiosa, nec quicquam deest quin ex propria suppellectili acutissimos sensus valeamus signanter exprimere & ἐμφατικῶς, ut vel ex unius Spenseri poematis abunde liquet, cujus phrasis tersa satis & eleganter compta, & copiarum plena, casta tamen & exotico ornatu minimè adulterata: Sed partim quod, propter varia cum exteris commercia, & frequentia præsertim in Regiis familiis connubia, ægrè potuerit evitari; partim etiam quòd nimia innovandi affectatio (hoc saltem supremo seculo) inordinatâ prurigne multos irritaverit peregrinas voces præter necessitatem conquirendi, qui nihil vel eleganter vel emphaticè dici posse existimant quod non insolitum quiddam aut peregrinum sonum sapiat.

Atq; hisce partim misturis, partim longiori temporis tractu, qui etiam in aliis linguis insignem mutationem præstare solet, factum est, ut lingua illa Anglo-Saxonica in præsentem linguam Anglicanam sensim mutata fuerit. Neq; Angliâ solâ conclusa est hæc lingua, sed Angliæ fines egressa præcipuas etiam Scotiæ partes occupavit: quod eo præsertim tempore factum est, cum

*Hodierna
lingua An-
glicana.*

cùm Normanni Angliam invaserunt : Nam Anglorum Regia familia, & ex nobilibus non pauci, præter alios etiam ex plebe, Anglia pulsi in Scotiam recepti, linguam suam secum portarunt, quæ continuis subinde commerciis confirmata eo usq; invaluit ut eadem nunc sit Anglorum & Scotorum lingua : Nisi potius dicendum videatur, cultiorem hanc Scotiæ partem & Angliæ proximam eosdem cum Anglia incolas natam esse, ex Saxonibus oriundos, & fuisse olim Regni *Nordanhumborum* partem; Nam Scoti Montani (*Highlanders* dicti) hos (qui vocantur *Lowlanders*,) non minùs quàm Anglos, *Sassons* (hoc est *Saxones*) appellant: se verò *Gael* & *Gaiothel* dixerunt olim. At Montani illi Scoti, & Insulani (variarum adjacentium insularum incolæ,) qui magnam quidem, sed incultiorem, Scotiæ partem occupant, ad Septentrionalem & Occidentalem Scotiæ partem positi, antiquam linguam Britannicam, seu potius Hibernicam adhuc retinent : sunt enim *Pictorum* (hoc est, antiquissimorum Britonum, jugum Romanum dedignantium, in montosas hæc & asperrimas regiones pulsorum) reliquæ, admixtæ *Scotis* (a *Scythis* forsan, aut *Gothis*, olim oriundis) ex Hibernia huc advectis.

Est igitur illa quam trado *lingua Anglicana*, antiquæ Teutonicæ propago, sicut & hodierna Germanica, Belgica, Danica, aliæque affines; & quidem pari modo ab his differt, quo & ipsæ inter se.

*Operis sus-
cepti ratio.*

Hujusce autem linguæ Grammaticam institutionem ideo aggressus sum, quòd ipsius cognitionem videam ab exteris non paucis maxime desideratam : quo possint varia illa & maximi momenti scripta intelligere, quæ apud nos nostro

Præfatio.

siro exstant idiomate. Multi nempe sunt, præsertim ex Theologis exteris, qui *Theologiam Prædicam*, prout a nostris tradi consuevit, summo perè cupiunt intueri; qua in re Concionatores nostros, faventibus Divini numinis auspiciis, profectus non vulgares, fecisse in confesso est; partim quidem quoniam minor fuerit necessitas de rebus Controversis ad populum verba faciendi, quam ubi Pontificii Reformatis passim immiscenrur; & partim etiam quòd multi ex populo Anglicano seriò pii, sincero cordis affectu pietatis ἐνέργειαν amplexi, & (pro more populi) ἐννοεῖσθαι, intimiorem Religionis praxin & intelligere desideraverint & exercere, unde & ejusmodi Concionatorum avidi auditores fuerint qui Theologiæ praxin efficacius tradiderunt, eorumq; scripta diligentius evolvere consueverint. Sed & præterea, non Theologica tantum, verum etiam omnigenæ literaturæ scripta, passim exstant Anglicano idiomate edita; adeò ut sine fastu dicere liceat, vix quicquam solidioris eruditionis esse, quod non sit nunc dierum etiam in ipsâ linguâ Anglicanâ saltem mediocriter traditum; & multa quidem quotidie scripta prodeunt desideratissima.

Cùm autem ea quæ jam dicta sunt hujusce lingue desiderium apud multos faciant, conqueruntur tamen exteri non rarò, linguæ nostræ difficultatem tantam esse ut illam non facile assequi valeant; sed & ex nostratibus aliqui, quod tamen mirandum est, nescio quam perplexam somniant & intricatiorem linguæ nostræ rationem, ut ægrè possit Grammaticæ leges subire, adeòq; tam qui discere quam qui docere volunt confusè plerumq; rem aggrediuntur, unde

Ad Lectorem

& tædii multum & molestiæ consequi necesse est. Cui ego malo ut remedium feram hoc quicquid est operis ultrò suscepi, ut linguam in se facillimam brevibus præceptis tradam; unde & exteri facilius illam addiscere valeant, & nostrates veram nativæ suæ linguæ rationem penitiùs perspiciant.

Non ignoro alios ante me hoc aliquando aggressos esse, & aliquid etiam non contemnendum præstitisse, nempe Doctorem *Gill* Latinè, *Benjaminum Johnson* Anglicè, & nuper non malè *Henricum Hexham* Belgicè, (quem tamen mihi non prius videre contigit quam totum opus consummaveram, & quidem ultimæ paginæ sub prælo erant) At nemo eorum, quantum ego existimo, illa infisit via quæ huic negotio maxime est accommodata; omnes enim ad Latinæ linguæ normam hanc nostram Anglicanam nimium exigentes, (quo etiam errore laborât fere omnes in aliis modernis linguis tradendis,) multa inutilia præcepta de Nominum Casibus, Generibus, & Declinationibus, atq; Verborum Temporibus, Modis, & Conjugationibus, de Nominum item & Verborum Regimine, aliisq; similibus tradiderunt, quæ linguæ nostræ sunt prorsus aliena, adeoq; confusionem porius & obscuritatem pariunt, quam explicationi inserviunt.

*Tractandi
methodus.*

Et propterea nova prorsus methodo incedendum esse mihi visum est, quam non tam usitata Latinæ Linguæ, quàm peculiaris linguæ nostræ ratio suadet: totâ nempe Nominis Syntaxi Præpositionum ferè auxilio præstitâ, & Verborum Conjugatione facili Auxiliarium ope peractâ, illud levissimo negotio peragitur, quod in aliis linguis ingentem solet asferre molestiam.

Sunt

Præfatio.

Sunt quidem & apud Latinos nonnulla tam Substantiva quam Adjectiva quæ Aptota sunt & planè Indeclinabilia, ut *nihil, instar, sat* (substantivè positum,) *frugi, nequam, præsto*, &c. quæ tamen ad aliorum imitationem, Genera & Casus habere supponuntur, licèt, per Casus omnes omniâq; Genera, invariata prorsus maneant: At verò, si eorum Substantiva omnia Aptota essent, & Adjectiva planè indeclinabilia; certo certius de *Casibus* & *Generibus* Nominum omnino altum fuisset silentium, & magna simul eorum pars, quæ de Nominum Syntaxi jam necessariò traduntur, nusquam conspiceretur. Atq; idem etiam de variis verborum *Modis* & *Temporibus* formandis planè eveniret, si omnia utriusq; vocis Tempora ejusmodi solùm circumlocutionibus exprimenda essent quales in quibusdam Passivæ Vocis Temporibus conspiciuntur. Apud nos igitur, ubi res omnino secùs se habet quam apud Latinos, cur hujusmodi *Casuum, Generum, Modorum, Temporumq;* fictam & ineptam planè congeriem introducamus citra omnem necessitatem, aut in ipsa lingua fundamentum, nulla ratio suadet.

Recepta tamen apud Latinos artis vocabula, quanquam linguæ nostræ non usquequaq; accommodata, retinenda censeo, partim quod significationis jam notæ sint, partim etiam quod nollem præter necessitatem quidpiam innovare. Ut autem tedium quantum fieri potest evitetur, succincta phrasi usus sum, & ea quæ minoris momenti & *χρῆσις ἔχει* videri possint distincto caractere secernenda curavi.

Pronunciationem, sive Literarum Soni De Pronun-
quod attinet, conatus sum eodem modo expli- ciatione &
care quo in aliis linguis fieri solet; collatis scilicet Sonorum
et similibus aliarum linguarum sonis cum nostris; formatura.

ut,

ut, cum e Anglicum eodem sono efferri dico quo Gallorum é masculinum.

Quoniam verò nonnunquam contingat ut hoc modo ignotum per ignotius explicare videar, cum alii fortasse non magis intelligant sonum Gallicum quam Anglicanum; neq; tamen aptior modus occurrere soleat in hujusmodi scriptis quo, sine viva voce, literarum soni explicentur; novâ etiam & hîc viâ incedendum esse censeo, idèq; variam literarum formationem ore aliisq; loquelæ instrumentis peractam tradidi; unde non minùs accuratè debiti soni indigitari posse videantur, quàm si vivâ voce efferantur.

Hoc autem fusiùs aliquantò & peculiari Tractatu præfixo tradere mallet, quàm ipsi Grammatices Systemati immiscere, partim quòd non magis ad linguam Anglicanam spectare videatur quam ad quamvis aliam; partim etiam quòd omnino novum sit, nec ab aliis; quòd sciam, tentatum: Quamvis enim quarundam literarum formatura sparsim apud nonnullos tradita conspiciatur, nescio tamen an quispiam totam loquelæ rationem conjunctim & Systematicè tradiderit. Dum autem hoc aggredior, novam me, præter aliorum methodum, literarum distributionem inducere, lector non mirabitur.

De Etymologia.

Tandem sub calcem operis adjunxi de Etymologia tractationem breviusculam; quâ vocum cognatarum invicem tam Convenientiam quam Discrepantiam breviter adnotavi, & simul præcipuarum apud nos servilium Terminationum usum; atq; voces exoticas in linguam nostram inferendi morem; deniq; & frequentem apud nos *ὀνοματοποιαν*, seu vocum, ipso sui sono varias rerum significatarum affectiones indicantium, formationem insinuavi; non quidem ejusmodi

Præfatio.

jusmodi voces omnes recensendo, sed ejusmodi saltem aliquot monstrando qualium ingentem quilibet numerum observare poterit.


Si quis autem, ex nostratibus præsertim, hoc totum quicquid est operis penitus omitti posse credat, neq; rem magnam esse dicat vernaculam linguam callere, ejusq; minutias observare: hoc solum replico, Multa esse, quæ, quamvis cognita non magnam mereantur laudem, eadem tamen ignorata, non leve possunt dedecus imprimere.

Atq; hæc sunt quæ Lectorem, Præfationis nomine, monendum esse duxi.

A a

INDEX





INDEX.

Tractatus Proœmialis.

De Loquelâ; five Literarum
omnium genuino Sono, earumq; in ore aliisq; vocis
organis Formatione.

SECT.

1. De loquelâ in genere, ejusq; affectibus. pag. 1.
2. De Vocalibus, earumq; formatione. 5.
3. De Consonantibus, earumq; formatione. 14.
4. De Sonis Compositis. 37.

Gram.

Grammatica Anglicana.

CAP.

1. De Linguae Anglicanae Pronunciatione; five literarum Sono apud Anglos. 45.

SECT.

1. De Literis ingenere, & primò de Consonantibus. 45.
2. De Vocalibus. 51.
3. De Diphthongis. 61.
4. De Consonis aliquot Conjunctis. 65.

CAP.

2. De Nomine Substantivo. 67.
 3. De Articulis, *A* & *The*; eorúmque usu. 71.
 4. De Præpositionibus, earúmque usu. 73.
 5. De Adjectivis. 75.
 6. De Gradibus Comparisonis. 84.
 7. De Pronominibus, seu Nominibus Personalibus. 85.
 8. De Verbo. 91.
 9. De Verbis Auxiliaribus mutilis; *Do, shall, will, may, can, & must*: eorúmque usu, 93.
- 10.

10. De Verbis Auxiliaribus integris,
Have, & Am: eorúmque usu. 96.
11. De sede Vocis Nominativæ & Ac-
cusativæ; aliisque ad Verborum Syn-
taxin spectantibus. 98.
12. De Verbis Anomalis. 102.
13. De Adverbiis, Conjunctionibus,
Præpositionibus, & Interjectioni-
bus. 108.
14. De Etymologiâ; five Vocum De-
rivatione, seu cognatione mutuâ.
111.
15. De Poesi. 127.



1. The first of these is the

fact that the

second of these is the

third of these is the

fourth of these is the

fifth of these is the

sixth of these is the

seventh of these is the

eighth of these is the

ninth of these is the

tenth of these is the

eleventh of these is the

twelfth of these is the

thirteenth of these is the

fourteenth of these is the

fifteenth of these is the

sixteenth of these is the

seventeenth of these is the

eighteenth of these is the

nineteenth of these is the

twentieth of these is the

twenty-first of these is the

twenty-second of these is the

twenty-third of these is the

twenty-fourth of these is the

twenty-fifth of these is the

twenty-sixth of these is the

twenty-seventh of these is the



ERRATA.

ERrata Typographica, non adeò multa quidem, eaq; ut plurimùm leviuscula, non piguit tamen adnotare; quæ sic restituenda sunt.

Pag. 2. lin. 13. lege *significet*, p. 6, l. 2, *cenfeatur*.
p. 11, l. 20, *bombardâ*. p. 17, l. 16, *currebam*; aliter.
ibid. l. 20. *litera*. p. 19, l. 11, *obtinuerit*, p. 20, l. 25.
in margine ponatur *W*. p. 23, in margine, pro
Dh ponatur *S*. p. 25, l. 13. *invaluerit*. p. 33, l. 5,
praying. p. 34, l. 6, *nescientes*. p. 38, l. 14, *descendar*.
p. 47, l. 14, *needlefs*. p. 51, l. 22, *geminum*. p. 56, l.
18, *i exile*. p. 61, l. 3, *circumflexo*. p. 63, l. 23. *effe-*
runtur. p. 68, l. 27, *multum*. p. 71, l. penult. ut. p.
84, l. 13, *loco*. p. 99, l. 22, *urât*. p. 103, l. 26, *prolatas*.
p. 110, l. 4, *periphrases*. p. 113, l. 18, *bearing*, *audiens*.
p. 115, l. 24, *ingender*. p. 118, l. 23. *youth*. ibid. l.
31, *ferè*. p. 125, l. 13. *expend*. ib. 25, *confecro*.




THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
Cambridge, Mass.

1911

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
Cambridge, Mass.

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
Cambridge, Mass.

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
Cambridge, Mass.



Tractatus Proœmialis,

DE LOQUELA,

sive

Literarum omnium Formatione
& genuino Sono.

SECT. I.

De Loquela in genere, ejusq; affectibus.



X conjunctis *Vocibus* Sententias, ex conjunctis *Syllabis* Voces, & ex conjunctis *Literis* Syllabas, fieri; Sententias item in Voces, voces in Syllabas, easque tandem in Literas, resolvi; notius est quàm ut dictu opus sit. Cùm autem in Literis terminetur analysis, seu vocum resolutio, tanquam in primis Elementis non ulteriùs resolvendis, (quare

B

&

Litera,
quid.

& *στοιχεῖα* Græcis dicuntur:) Litera dicenda est *Sonus in voce simplex seu incompressus, in simpliciores indivisibilis*. Et peculiari plerumque caractere designatur.

Unde dicatur.

Sin malit aliquis non *Sonum* ipsum simplicem, sed *Characterem* soni simplicis indicem, *Literam* appellare; fruatur, per me licet, arbitrio suo: ego, hac ex parte, nullam movebo litem. Fateor enim Græcorum *ἔδωκα* a scribendo, & Latinorum *Literam* vel a lineando (ut Scaligero videtur) vel potius (ut ipsa *linea*) a linendo dici: ut illud significet vox utraque quod chartæ inscriptum est vel oblitum.

Quodsi occurrat aliquando character aliquis sonum exprimens non omnino simplicem, sed ex duobus pluribusve conflatum, & in totidem resolvablem; non tam *Litera* dicendus est *Character* iste, quàm *literarum aliquot abbreviatura*, sive in unam notam contractio, tot reverâ literas in se continens quot sunt simpliciores illi soni ex quibus conflatur potestas ejus. Hoc in Latinorum *ϕ*, *χ*, Græcorum *ξ*, *ψ*, *ς*, Hebræorum *ג*, aliisque aliquot, notissimum est: conflantur enim ex *et*, *cs*, *κς*, *πς*, *στ*, *ου*.

E contrâ verò, *Sonus simplex*, quamvis pluribus fortasse *Characteribus* describatur,

batur, pro unicâ literâ censendus est. Sunt enim *th*, *ph*, non minus quàm *θ*, *φ*, *ψ*, literæ simplices.

Literas efferendi, & universam quidem loquelam perficiendi, instrumenta sunt præcipua, Pulmo & Larinx, cum adjacente Asperâ Arteriâ; item Lingua, Nares, Labia, variæque Oris partes.

Ex Pulmone per Asperam Arteriam efflatur Spiritus, sive inspiratus aer, qui quasi vocis sive loquelæ Materiam subministrat. Ex hujus enim variâ collisione Sonorum oritur varietas, tam quoad Tonos, quam quoad Articulationem. Hæc autem diversificatio non ab ipso Pulmone, sed aliunde, provenit, ut mox dicetur. Nulla enim alia a pulmone provenit Sonorum variatio, nisi quatenus majori minorive violentiâ spiritum extrudit; unde vox evadit (cæteris paribus) magis minusve fortis & sonora. Illud enim præstat in loquelâ Pulmo, quod in Musicorum Organis Folles.

Instrumenta loquelæ, eorumque usus.

Sonorum fortitudo & debilitas, unde.

Tonorum varietas, quoad Gravitatem scilicet & Acumen, partim ex Trachæa, sive asperâ arteriâ, ortum habet: nam, ut tubus, sic trachæa, longior & strictior Sonum efficit magis Acutum; brevior autem & magis dilatata Graviorem.

Tonorum Gravitatis & Acumen, unde.

(Unde, saltem ex parte, oritur Tonorum varietas in diversarum personarum vocibus, aut quidem ejusdem personæ in variis ætatibus:) Sed præcipuè ex Larynge, seu nodo gutturis: Prout enim Laryngis rimula magis minùsve aperitur; ita & vocis Tonus magis Gravis est aut Acutus. Estque hæc tótius modulationis Musicæ sedes.

Susurrus ab apertâ loquelâ, quomodo differt.

In quibus literis sentiatur.

Ex eâdem etiam sede petenda est ratio diversitatis, mollioris *Susurri*, ab apertâ loquelâ. Nam, si inter loquendum tremula fiat Laryngis & Trachææ concussio, (nempe propter tensionem,) fit aperta loquela; Sin minùs, fit *Susurrus*, (*Whispering*, vulgò dicimus,) laxiori nempe trachæâ & minùs tensâ. Non sunt autem literæ omnes huiusce diversitatis capaces; sed ex solummodò quas Vocales, Semivocales, & Semimutas deinceps dicemus, (& quæ ex Semimutis ortum ducunt:) Nam quæ simpliciter Mutæ sunt *b*, *t*, *c*, (vel *k*) earumque aspiratæ, concussionem illam nunquam admittunt; nec differt eorum sonus in apertâ loquelâ, ab eo quem in susurru habent.

Raucedinis causa.

Ad eandem etiam sedem referenda est *Raucedo*, catarrhi sæpe comes, Laryngis illam & Trachææ concussionem impediens.

Vocum

Vocum *Articulatio*, five diversarum Li-^{Vocis Arti-}
 terarum formatio, tunc incipit, postquam ^{culatio, ubi}
 Spiritus extra Laryngem pervenerit : Et, ^{fiat.}
 Naribus, Ore, Linguâ, Labiis, ferè tota
 perficitur.

Literarum autem aliæ *Vocales*, aliæ ^{Literarum}
Consonæ, dici solent. ^{diviso in}
^{Vocales &}
^{Consonas.}

S E C T. II.

De Vocalibus.

Vocalium numerus, apud diversas ^{Vocalium}
 gentes, (saltem si Characteres spe- ^{Distributio,}
 ctemus,) omnino idem non est. Plures ^{& Nume-}
 autem audiri Vocalium sonos, quàm sunt ^{mus.}
 Characteres vulgò adhibiti, apud omnes
 ferè in confesso est. Ego illas omnes in
 tres omnino classes distinguendas esse ju-
 dico; *Gutturales*, *Palatinas*, & *Labiales*;
 prout in Guttore, Palato, aut Labiis for-
 mantur. Quibus respondent totidem A-
 rabum *Vocales*; *Phatha*, *Kesra*, *Damma*;
 iisdem sedibus formatæ: Hebræorum
 item tres literæ י נ א; quas *Matres lectio-*
nis vocant; atque olim omnium vocali-
 um instar, ante inventa puncta vocalia,
 fuisse creditur.

Si verò pro numero Sonorum vocali-
 um,

um, qui nunc dierum audiuntur, Vocalium Numerus (ut par est) censeatur, omnino *Novem* esse dicendum erit: tres in Gutturē, tres in Palato, & in Labiis totidem; pro triplici nimirum, in singulis sedibus, oris aperturā, *Majori*, *Mediocri*, *Minori*.

Gutturales. Gutturales in summo Gutturē formantur, seu posteriori linguæ & palati parte, aere moderatè compresso.

à ò aperta. Et quidem, si aperturā majori, seu pleno rictu, spiritus exeat; formatur Germanorum *â* vel ò apertum. Neque Germani solum, sed & Galli, aliique non pauci, eodem sono suum *a* plerumque efferunt. Angli sonum illum correptum, per ò breve; productum verò, plerumque per *au* vel *aw*, rariùs per *â* exprimunt. Nam, in *fâll*, *folly*; *câll*, *collar*; *lawes*, *losse*; *cause*, *cost*; *aw'd*, *odd*; *saw'd*, *sod*; aliisque similibus; idem prorsus Vocalium sonus auditur in primis syllabis, nisi quod illic producat, hîc corripiatur.

è *fœmini-*
num.

Eodem loci, sed aperturā faucium *Mediocri*, formatur Gallorum *e* fœmininum; sono nempe obscuro. Non aliter ipsius formatio differt à formatione præcedentis *â* aperti, quàm quod magis contrahantur fauces, minùs autem quam in formatione

matione Vocalis sequentis. Hunc sonum Angli vix uspiam agnoscunt : nisi cum vocalis *e* brevis immediatè præcedat litteram *r* ; (atque hoc quidem non tam quia debeat sic efferri , sed quia vix possit aliter ; licet enim, si citra molestiam fieri possit, etiam illic sono vivido, hoc est masculino, efferre;) ut *vertue*, virtus; *liberall*, liberalis; *liberty*, libertas, &c.

Ibidem etiam , sed *Minori* adhuc fau- ò ù obscura.
cium aperturâ, sonatur ò, vel ù, obscurum. Differt à Gallorum *e* fœminino, non aliter quàm quòd, ore minùs aperto , labia propiùs accedant. Eundem sonum ferè efferunt Galli in postremâ syllabâ vocum *serviteur*, *sacrificateur*, &c. Angli plerumq; exprimunt per ù breve , in *turn*, verto ; *burn*, uro ; *dull*, segnis, obtusus; *cut*, seco, &c. Nonnunquam *o* & *ou* negligentius pronunciantes eodem sono efferunt , ut in *come*, venio ; *some*, aliquis ; *done*, actum; *company*, consortium ; *country*, rus ; *couple*, par ; *covet*, concupisco ; *love*, amo; aliisq; aliquot ; quæ alio tamen sono rectius efferri debent. Cambro-Britanni ubique per *y* scribunt ; nisi quòd hanc litteram in ultimis syllabis plerumque ut *i* efferant.

Vocales Palatinæ in *Palato* formantur; *Palatinae*.
aere

aere scilicet inter palati & linguæ medium moderatè compresso : Dum nempe concavum palati, elevato linguæ medio, minus redditur quàm in gutturalibus efferendis. Sùntque hæ in triplici gradu, prout concavum magis minúsve contrahitur : quæ quidem diversitas duobus modis fieri potest ; vel fauces contrahendo,manente linguâ in eodem situ; vel, faucibus in eodem situ manentibus, linguæ medium altiùs & ad anteriores palati partes elevando : utrovis enim modo fiat, vel etiam si utroque, perinde est.

á exile.

Majori aperturâ formatur Anglorum *a*, hoc est, á exile. Quale auditur in vocibus, *bat*, vespertilio ; *bate*, discordia ; *pal*, palla Episcopalis ; *pale*, palidus ; *Sam* (Samuelis contractio,) *same*, idem ; *lamb*, agnus ; *lame*, claudus ; *dam*, mater (brutorum;) *dame*, domina ; *bar*, vectis ; *bare*, nudus ; *ban*, exsecro ; *bane*, perniciēs, &c. Differt hic sonus à Germanorum *a* pingui seu aperto ; eo quod Angli linguæ medium elevent, adeoque aerem in Palato comprimant ; Germani verò linguæ medium deprimant, adeoque aerem comprimant in Guttore. Galli ferè sonum illum efferunt ubi *e* præcedit literam *m*,
vel

vel *n*, in eâdem syllabâ, ut *entendement*, &c. Cambro-Britanni, hoc sono solent suum *a* pronunciare.

Ibidem item, sed *mediocri* oris aperturâ, ^{é masculinum.} formatur Gallorum *é* masculinum: Quo sono Angli, Itali, Hispani, alique hanc literam efferre solent; *vivido* & acuto sono. Est enim sonus medius inter vocalem præcedentem, & eam quæ mox sequetur. Hunc sonum Angli non modò per *e*, sed & (ubi producitur) non rarò per *ea*, & aliquando per *ei* exprimunt. Ut, *the* (articulus;) *there*, ibi; *these*, hi; *sell*, vendendo; *seal*, sigillum; *tell*, nuncio; *teal*, querquedula; *steal*, furari; *set*, sisto; *seat*, sella; *best*, optimus; *beast*, bestia; *red*, rubicundus; *read*, lego; *receive*, recipio; *deceive*, decipio, &c. Quanquam reverâ voces per *ea* scriptæ rectiùs pronunciarentur, si, præter sonum ipsius *e* producti, etiam sonus Angliei *a* (raptissimè pronunciati) adjungeretur: prout olim pronunciatas fuisse verisimile est, atque in aliquibus locis, præsertim septentrionalibus, etiamnum pronunciantur. Quæ verò per *ei* scribuntur, rectiùs item per conjunctum utriusque literæ sonum efferri possent.

Ibidem etiam, sed *minori* adhuc oris *ee*, *i* *exile*.
aperturâ,

aperturâ, formatur *i* exile; Gallis, Hispanis, Italis, & plerisque aliis familiare. Hunc sonum, quoties correptus est, Angli per *ī* breve exprimunt; quum verò producitur, scribunt ut plurimum per *ee*, non rarò tamen per *ie*, vel etiam per *ea*, Ut *sit*, sedeo; *see't*, id video; *fit*, idoneus; *feet*, pedes; *fill*, impleo; *feel*, tactu sentio; *field*, ager; *still*, semper, quietus; *steel*, chalybs; *ill*, malus; *eel*, anguilla; *in*, in; *inne*, hospitium; *sin*, peccatum; *seen*, visum; *friend*, amicus; *fiend*, caco-dæmon; *near*, prope; *dear*, charus; *hear*, audio, &c. Quanquam reverâ, eorum quæ per *ea* scribuntur, nonnulla etiam (& quidem meliùs) scribuntur per *ee*, alia potius per *e* masculum efferuntur, adjuncto etiam si libet exilis à sono raptissimè pronunciati. Cambro-Britanni sonum hunc, non modò per *i*, & (in ultimâ syllabâ) per *y*, sed & per *u* scribunt, quam literam hoc sono semper efferunt, adeóq; diphthongos *au* *eu* omnino ut *ai* *ei* pronunciant.

Labiales.

Vocales Labiales, in ipsis *Labiis* (in rotundam formam collectis) formantur; aere ibidem moderatè compresso. Sùntq; hæ etiam in triplici gradu, seu differentiâ.

Majori

Majori labiorum aperturâ formatur ô *ô rotundum*.
 rotundum; quo sono plerique efferunt
 Græcorum ω. Hoc sono Galli plerumq;
 efferunt ipsorum au. Angli ita ferè sem-
 per efferunt o productum, vel etiam oa,
 (ipso a nimirum, nunc dierum, quasi e-
 vanescente; de quo idem hîc judicium
 ferendum est, ac suprà de ea:) Ut one, unus;
 none, nullus; whole, totus; coal, carbo;
 boat, cymba; oat, avena; those, illi; chose,
 elegi, &c. At ubi o breve est, ut plurimùm
 per ô apertum, (de quo suprà,) rariùs
 per ô rotundum pronunciatur.

In labiis item, aperturâ mediocri, for- oo, û pin-
 matur Germanorum û pingue: quo sono gue.
 etiam Hispani, Itali, aliique non pauci
 utuntur. Galli per ou: Cambro-britanni
 per w: Angli plerumque per oo, (rariùs
 per u vel ou,) exprimunt; ut foot, pes;
 shoot, (arcu vel bombordâ) projicio; full,
 plenus; fool, stultus; pull, vello; pool,
 piscina; good, bonus; stood, steti; wood,
 lignum; woo'd, procatus sum; mood, mo-
 dus; mourn, lamentor; course, cursus;
 source, scaturigo; could, possem; would,
 vellem; should, deberem, &c. At doe, ago;
 goe, eo; & siqua sunt similia, rectiùs per
 ô apertum, quam per û pingue, efferun-
 tur.

Ibidem

6 *exile.*

Ibidem etiam, sed *minori* ad huc apertura, formatur *u* *exile* ; Anglis simul & Gallis noti simum. Hoc sono Angli suum *u* longum ubiq; efferunt; (non nunquam etiam *eu* & *ew* quæ tamen rectius pronunciantur retento etiam sono *e* masculi:) Ut *muſe* muſa, *tune* modulatio, *Lute* barbitum, *dure* duro, *mute* mutus, *new* novus, *brew* misceo, (cerviliã) coquo, *knew* novi, &c. Hunc sonum extranei ferè assequuntur, si diſ hthongum *iu* conentur pronunciare; nempe *z* *exile* literæ *u* vel *w* præponentes, (ut in Hispanorum *ciudad* civitas.) Non tamen idem est omnino sonus, quamvis ad illum proximè accedat; est enim *iu* sonus compositus, at Anglorum & Gallorum *u* sonus simplex. Cambro-britanni hunc fere sonum utcunq; per *iw*, *yw*, *uw*, describunt; ut in *lliw* color, *llw* gubernaculum navis, *Duw* Deus, aliisq; innumeris.

Vocalium
Numerus,
quo pacto
augeri possit.

Hos ego novem sonos vocales esse agnosco; nec scio plures. (Anglorum enim *i* latum, sonum esse simplicem, haud existimo; ut post dicetur.) Non nego tamen, in quâlibet vocalium sede, ubi ego tres tantum gradus aperturæ proposui, fieri posse, ut plures fortasse, vel nunc dierum alicubi, vel saltem posteris aliquan-

do

do seculis, observentur; adeóq; posse sonos quosdam intermedios efferri, (qualis forsan est Gallorum *e* neutrum, inter vocales Palatinas *á* & *é* :) est enim aperturæ mensura, instar quantitatis continuæ, divisibilis in infinitum. Ut enim, in ventis enumerandis, olim quatuor, deinde duodecim, tandem triginta duo numerantur: Ita etiam, cùm Arabes, & forsan Hebræi antiquiores, non nisi tres vocales (hoc est, in singulis sedibus unam) habuerint, nostro autem seculo in singulis sedibus saltem tres manifestè distinguendas observemus; quid impedit, quin posteri etiam hifce intermedios quotlibet interponant?

Sunt autem hæ vocales omnes tam productionis quam contractionis capaces, (unde syllabarum *longarum breviumq;* discrimen oritur :) licet quædam rariùs producantur, (ut *ñ* obscurum & *e* fœmininum;) aliæ rariùs corripiantur, (ut *ô* rotundum & *æ* exile, saltem apud nos.) Sed & consonæ etiam productionis capaces sunt, (illæ præcipuè quæ ad vocalium naturam propiùs accedunt :) exceptis *p*, *t*, *k*, (vel *c* durum,) quæ absolute Mutæ sunt; nec ullum per se sonum edunt, sed solummodo sonum (sive præcedentem, sive subsequenter) modificant.

*Syllabarum
longitudo &
brevitas
unde.*

SECT.

SECT. III.

De Consonantibus.

*Consonarum
distributio.*

Consonas item in tres Classes distribuimus, non secus ac vocales, *Labiales, Palatinas, & Gutturales*; prout labiis, palato, aut gutture formantur: Nempe dum spiritus, ex pulmonibus emissus, his in sedibus vel *Intercipitur*, vel saltem fortius *Comprimatur*.

*Spiritus
directio
triplex.*

Notandum autem est insuper, triplicem observari posse *spiritus Directionem*. Dirigitur nempe vel ¹ totus *ad fauces*, per labia scilicet egressum appetens; vel ² *ad nares* ferè totus dirigitur, inde exitum quarens; vel deniq; ³ quasi æqualiter *inter fauces naresq;* dividitur. Hujus autem *Directionis diversitatem*, ex variâ *Uvulæ positione*, totam provenire credo.

*Consonæ
Primitivæ,
seu Clausæ.*

Cùm verò spiritus singulis hisce tribus Modis emissus, possit etiam in singulis illis tribus Sedibus penitus *intercipi*; Novem diversæ Consonantes hinc originem fortuntur, quas *Primitivas* sive *Clausas* appellare libet: Si verò non penitus *Intercipiatur* spiritus hisce sedibus, sed solummodò arctius *Comprimatur*, viam nempe (ægrè licet) exeundi inveniens; pro vario com-

compressionis modo, variū adhuc alii consonarum soni efficiuntur, quas consonas Derivatas five *Apertas* appellabimus.

Si Spiritus, per fauces ad labia directus, *Muta.*
occlusis *Labiis* intercipiatur; formatur litera *P*; Græcorum π , Hebræorum *Pe* *P.*
dageffatum; Arabes hanc literam non agnoscunt (sed ipsius loco substituunt vel *Be* vel *Phe*;) Persæ tamen agnoscunt, qui præter Arabum *Be* habet & suum *Pe*, quod a *Be* tribus subscriptis punctis distinguitur. Si verò ad Labia non perveniat, sed in *Palato* penitus intercipiatur, (admoto nempe linguæ extremo ad palati partem anteriorem, seu, quod idem est, superiorum dentium radices;) formatur consona *T*; Græcorum τ , Hebræorum *W*, vel τ dageffatum; Arabum *Te* (vel etiam *Ta*.) *T.*
Si verò ne huc quidem pertingat, sed summo *Gutture* intercipiatur, (admotâ linguæ parte posteriori ad posteriorem palati partem;) formatur *K*, (vel *C* durum,) hoc est, Græcorum κ , Hebræorum \aleph dageffatum, & \aleph ; Arabum *Ceph* & *Kaph*. Atque hoc sono Cambro-britanni suum *C* semper effe-
runt. Has autem tres Consonas absolutè *Mutas* dicimus; nullum enim per se sonum edunt, aut quidem edere possunt, spiritu *C.*

spiritu nuspiam in liberum aerem exeunte; nam ad nares non pervenit, per fauces non exit.

Semi-muta.

B.

D.

G.

Si Spiritus, inter nares & fauces aequaliter divisus, occlusis Labiis Intercipiatur; formatur consona *B*: Græcorum β, Hebræorum ב dageffatum; Arabum *Be*. Si, in Palato; formatur *D*: Græcorum δ, Hebræorum ד dageffatum, Arabum *Dal* (ut & *Da* & *Dad*.) Sin Intercipiatur in Gutturē, (nempe inter posteriorem linguæ & palati partem;) formatur *G*: Græcorum γ, Hebræorum ג dageffatum, Arabum (non *Gjim*, quamvis ea sit affinis littera, sed) *Gain*. Cambro-britanni sic semper efferunt suum *g*. Atque has ego *Semi-mutas* appello; exiguum enim sonum in naribus efficiunt, qui per se quidem audiri potest nullo ulterius literæ sono accedente.

Semi-vocales.

M.

N.

Si verò Spiritus totus, (vel ipsius, si ita placet, pars præcipua,) ad nares dirigatur, (aerem in oris concavo manentem solummodo in transitu concutiens;) obturatis tantum Labiis, formatur *M*: Græcorum μ, Hebræorum מ, Arabum *Mim*. Sin obturatio in anteriori Palato fiat, formatur *N*: Græcorum ν, Hebræorum נ & Arabum *Nun*. Si autem in Gutturē (hoc est,

est, in posteriori palati parte) sit obturatio, formatur sonus ille, quem exprimunt Græci per γ ante κ , γ , χ , ξ : Latini verò olim aliquando per g , ut *Agchises*, *agceps*, *aggulus*, &c. (testibus Prisciano & Varrone) at nunc (sicut & aliæ nunc dierum gentes) per n ante ejusmodi consonas (præsertim in eâdem syllaba) puta k , q , x , item c , g , ch , duro (hoc est, genuino) sono prolatas. Alius enim auditur sonus literæ n in vocibus *thin*, dilatum; *sin*, peccatum; *in*, *in*: alius in *thing*, res; *thinke*, cogito; *sing*, cano; *single*, simplex; *sink*, subido; *ink*, atramentum; *Lynx*, &c. Item in *hand*, manus; *band*, ligamentum; *ran*, currebam. Aliter sonatur n quàm in *hang*, pendeo; *bank*, collis; *rank*, series, &c. Imo in iisdem vocibus, prout variè dividuntur syllabæ, alius atque alius erit ipsius litera sonus; aliter sonabitur n in *longer*, *stron-ger*, *an-ger*, *drin-ker*, *in-gruo*, *con-gruo*: aliter verò in *long-er*, *strong-er*, *ang-er*, *drink-er*, *ing-ruo*, *cong-ruo*: Item, dum dicunt alii *in-quam*, *tan-quam*, *nun-quam*, &c. alios audiemus ita loquentes acsi scriberetur *inq-wam*, *tanq-wam*, *nunq-wam*, vel *ink-wam*, *tank-wam*, *nunc-wam*. In prioribus ubique, dum n sonatur, extremitas linguæ anteriorem palati partem, prope superiorum dentium radices, ferit; in posterioribus,

eadem linguæ extremitas potius ad inferiorum dentium radices deflectit, posterior verò linguæ pars ad palati partem posteriorem elevatur, sonumque illic intercipit: eodem nempe modo in ore formatur quo G, at illam spiritûs directionem sortitur quam habet N. Estque hic, ni fallor, sonus ille quo multi vellent Hebræorum *Y* pronunciari; dum per *ng*, *ngb*, *gn*, *ngbn*, &c. proferendum docent: innuunt nempe sonum quendam qui nec literæ *n*, neque literæ *g*, perfectè respondeat, sed quiddam habeat quasi cum utrâque commune. Eundem etiam sonum nescio an Hispani efferant quoties literam *n* supernè notatam ponunt.

Has ego tres consonas, *Semi-vocales* appello; majorem quippe sonum sortiuntur quàm quas *Semi-mutas* nuper diximus.

Fiunt autem hæ novem (quas jam recensui) consonæ, spiritu prorsus intercepto, ne nempe per os omnino exeat: quas igitur *Clausas* diximus. Eâdem verò manente formaturâ, Si Spiritus, acutè compressus, exitum (ægrè licèt) inveniat; formantur Consonæ quas *Apertas* dicimus; illarum nempe omnium a quibus derivantur (*Semi-vocalibus* exceptis) *Aspirations*: *Subtiliores* quidem seu *Tenuiores*, si per rimulam

Consonæ
Derivativæ
sive Apertæ;
vel Aspiratæ
tam Subtiliores
quam Pin-
guiores.

rimulam oblongam ; Crassiores verò seu *Pinguiores*, si per rotundum quasi foramen, spiritus exeat. Referuntur autem ad easdem classes cum Clausis seu Primitivis quibus sunt affines. Semi-vocalibus verò, quas diximus, nullas literas *Aspiratas* subjungo ; non quòd, si illas pronunciaturò spiritus erumpat, nullus audiretur sonus ; sed quòd sonus qui sic efficitur nondum (quòd sciam) in literarum censu locum obtinuit : vel enim boum *mugitum*, vel *gemitum* humanum refert, illum nempe si in Labiis, hunc præsertim si in Palato vel Guttore, fiat.

Literam *P* pronunciaturò, si spiritus erumpat, fit ipsius Aspiratio *F*, vel *Ph* : hoc est Græcorum *φ*, Arabum *Phe*, Hebræorum *Pe* raphatum, Cambro-britannorum *ff*. Nec multùm refert utrum per *rimulam*, an per *rotundum foramen* exeat : Quamvis enim eo modo subtilior, hoc pinguior, sonus audiatur ; tantillum tamen est utriusque discrimen, ut nescio an ullibi pro distinctis literis habeantur.

Literam *B* pronunciaturò, si spiritus per *rimulam* exeat, formatur Anglorum *V* consonans: Hebræorum *Bbeth* raphatum. Hispani eodem sono etiam *b* non rarò efferunt, literas *b* & *v* promiscuè usurpantes.

Labiales:
F.

V.

pantes. Cambro-britanni hunc sonum per *f* designant (sonum autem præcedentem per *ff*.) Anglo-saxones vel sonum hunc non habebant, vel per *f* scribebant, nam *v* consonam non agnoscunt, variâq; passim per *f* scribebant (ut & post illos Angli per aliquot secula) quæ nunc per *v*, non minùs quam quæ nunc per *f* scribuntur; ut *gif*, *heofon*, &c. quæ nunc *give*, *heaven*, &c. scribuntur. Arabes & Persæ hunc sonum non habent: Turcæ tamen sic proferunt suum *Vaw*; ut & non pauci *Vau* Hebræorum (quòd alii potius ut Arabum *Waw*, seu *W*, rectius efferri putant.) Atque hoc sono Æolicum Digamma *F*, pronunciatum fuisse non dubito; cùm enim antea habuerint Græci characterem ϕ , non opus erat ut eidem sono exprimendo novum characterem *F* excogitarent. Quid quod, & Priscianus agnoscit Latinorum *F* ita fuisse olim pronunciatum; eodem nempe sono quo postea *V* consona prolata fuit, adeoque tandem literam *f* ad sonum ϕ , seu *ph*, transiisse.

Si verò spiritus per foramen rotundum exeat, (genis nempe contractis, & ore rotundato, formatur Anglorum *W*, Arabum *Waw*. Quo sono & Hebræorum *Vau* pronunciatum esse multi sentiunt. At Germanorum

manorum *W*, ni fallor, sonum exhibet compositum ex hoc & præcedente, illum nempe huic præponendo; nempe quod Germani per *Wa*, Angli per *Vwa* scribe-
rent.) Non multum differt hic sonus ab Anglorum *oo*, Gallorum *ou*, Germanorum ū pingui, raptissimè pronunciatis: adeoque a quibusdam pro vocali fuit habita, cum tamen reverà consona sit, quam ipsi vocali admodum sit affinis. Cambro-britanni tam vocalem illam quam hanc consonam eodem charactere *w* scribunt; nempe, cum accentu supernè notatur vocalis est, & producto sono effertur, alibi sæpe pro consonante habetur correpto sono prolata: ut *g[^]wydd* (disyllabum) anser, *gwy[^]dd* (monosyllabum) arbusta; sic *g[^]wyr* curvus, *gwy[^]r* viri. In vocibus Latinis quoties hic sonus literis *s*, *q*, *g*, jungitur, ut in *suadeo*, *quando*, *lingua*, &c. a plerisque pro vocali habitus est; & quidem ab illis fortasse qui in Anglorum *wade*, *perswade*, *sway*, &c. consonam agnoscerent: utrobique tamen idem omnino sonus est. Sed & in diphthongis *au*, *eu*, *ou*, ritè pronunciatis, vocalis quæ dicitur subjunctiva; non alia est quam hæc consona: quâ de re videatur tractatus ille quem de *Bivocalibus* edidit acutissimus Gatakerus nostrâs.

Quum verò idem Vir Clarissimus contendit (ut & alii magni viri) eodem sono Latinorum V consonam semper olim fuisse pronunciatam (quomodo etiamnum alicubi gentium pronunciatur:) Ego quidem aliquatenus assentio; illo nempe sono in multis saltem vocabulis fuisse pronunciatam: At verò an ubique ita fuerit pronunciatam, non ausim affirmare. Existimo potius utrumque sonum, non modò nunc dierum, sed & olim, eidem characteri affixum fuisse; quædam nempe vocabula hoc, quædam illo sono, fuisse prolata, fortasse & eadem nonnunquam vocabula, variis in locis, aut a variis personis, utroque sono promiscuè prolata: Hoc præsertim argumento ductus, quòd videam Latina nomina per consonam V scripta, cùm in Græcam linguam transferuntur, quandoque per β, quandoque verò per ς, Græce scribi; atque illud quidem olim obtinuisse: Nulla enim mihi apparet ratio cur non (verbi gratiâ) Latinorum *Flavius* Græce φλαύς (& quidem semper) scriberetur, potius quam φλάβις, (quod & de innumeris vocabulis dici potest,) nisi consona illa V propius accedat ad sonum Æolici Digamma: Præsertim, cùm illam V consonam

sonam in multis quidem vocabulis ab ipso Digamma Æolico ortum duxisse, sit in confesso: Quis enim aliam causam assignat cur in Latinorum *video, vis, vesper, vinum, venter, vestis, vescor, Venetus*, &c. conspiciatur *V* consona, (quæ in Græcorum $\epsilon\dot{\nu}\omega$, $\iota\varsigma$, $\epsilon\dot{\nu}\omega\epsilon\rho\theta$, $\omicron\dot{\nu}\theta$, $\epsilon\dot{\nu}\tau\epsilon\epsilon\rho\nu$, $\epsilon\dot{\nu}\omega\iota\varsigma$, $\epsilon\dot{\nu}\omega\iota\omega$, $\epsilon\dot{\nu}\epsilon\eta\theta$, non conspicitur,) quàm, quòd soliti fuerint Æoles suum Digamma hujusmodi vocibus præfigere? Neque mirum videri debet, si lingua Latina, quæ tunc ipsis erat vernacula, parem cum aliis linguis vernaculis sortem obtinuerit; ut nempe ejusdem literæ non sit eadem ubique & constans pronunciatio. Fortasse etiam & Hebræorum *Vau* non erat idem ubique sonus, ideoque Græcè $\alpha\upsilon\beta\acute{\iota}\alpha$, non $\alpha\upsilon\upsilon\acute{\iota}\alpha$ legitur: Quod de Ψ certum est. Jud. 12. 6.

Literam *T* pronunciaturus, si spiritus *Palatina*. pinguis exeat, & quasi per foramen; formatur Græcorum θ , Hebræorum *Thau* raphatum, Arabum *The*; hoc est Anglorum *Th* in vocibus *Thigh*, femur; *thin*, tenuis; *thing*, res; *thought*, cogitatio; *throng*, caterva, &c. Anglo-saxones olim scribebant hanc notâ θ quam *Spinam* vocabant. Cambro-britanni per *Th* semper scribunt.

Si verò subtilius exeat, & quasi per rimulam, Dh.

lam, (elevatâ paulùm eâ linguæ parte quæ extremitati proxima est, ut spiritus in tenuiorem quasi laminam seu bracteam comprimatur, in formam nempe latiorē sed minus crassam;) formatur Græcorum *σ*, Hebræorum *Samech* & *Sin*, Arabum *Sin* & *Sad*; Latinorum & Anglorum *s* vero (hoc est, stridulo & acuto) sono pronunciatum; ut in vocibus *yes*, ita (affirmandi particula;) *this*, hic; *us*, nos; *thus*, sic; *hisse*, sibilo; *lesse*, minor; *send*, mitto; *strong*, fortis, &c. Hoc etiam sono pronunciamus *c* mollius, (nempe ante *e*, *i*, & *y*,) ut in *grace*, gratia; *mercy*, misericordia; *peace*, pax; *since*, postquam; *principall*, principalis, &c. Galli eodem sono efferunt *c* nonnunquam etiam ante alias vocales, (at tunc plerumque caudam affigunt,) ut *ça*, *adesdum*; *garçon*, *puer*, &c.

Dh. Literam *D* pronunciaturus, si spiritus erumpat modo *pinguiori*, & quasi per foramen; formatur Arabum *Dhal*, Hebræorum *Daleth* raphatū, Hispanorum *d* mollius, qualiter nempe efferri solet ea litera in medio & fine vocabulorum, ut *Majestad*, *Trinidad*, &c. Hunc sonum Angli eodem prorsus modo scribunt quo sonum alium paulo supra nominatum, nemper per *th*,
ut

ut in vocibus *thy, thine, tuus; this, hoc; though*, quamvis, &c. Anglo-saxones olim sonum illum per *p*, hunc verò per *ð* scribebant, prout ex eorum scriptis liquet, (quanquam & characteres illos nonnunquam confundebant:) Sequentibus autem seculis Angli eodem characterè *þ* utrique sono adhibuerunt, qui paulatim degeneravit in characterem *v*, qui in libris quamplurimis manu scriptis perpetuò conspicitur in iis vocabulis quæ nunc per *th* scribuntur: Atque hinc est quod mos olim invaluit, qui etiam adhuc non raro retinetur, *y^e, y^t, y^u*, pro *the, that, thou*, &c. Cambro-britanni sonum illum per *th*, hunc per *dd* perpetuò scribunt; nisi quod aliqui meliùs scribi posse contendunt per *dh*, qui non tamen obtinuerunt ut mos olim receptus immutetur. Nos autem (ut dictum est) utrumque sonum promiscue scribimus per *th*: Sed malè quidem; cùm neuter eorum sit sonus compositus, sed planè simplex, a sonis literarum *t* & *d* eodem ferè modo deflectentes quo *f* & *v* a sonis literarum *p* & *b*. Fateor tamen qua ratione pro *f* scribitur *ph*, eadem etiam *bh, th, dh*, scribi

scribi posse; ut nempe literarum aspiratarum Affinitas simul & deflectio ab iis a quibus oriuntur aliquatenus innuatur. Compositum autem ex his literis genuinū sonū, omnino alium esse quam qui est literarum aspiratarum, patet ex vocibus *Cob-ham, Chat-ham, Wit-ham, Mait-ham, Wad-ham, Wood-house, shep-heard, Clap-ham, Mep-ham, &c.* (Item in *Oc-ham, block-head, hog-heard, Cog-hil, hous-hould, dis-honour, mis-hap, dis-honest, dis-hearten, Mas-ham, Caus-ham, Wis-heart, &c.* alios omnino sonos audimus quam quos vulgò scribimus per *ch, gh, sh.*) Utrumque autem sonum quem nos per *th* scribimus, Galli, Belgæ, aliique non pauci, vix aut ne vix efferunt; dum illam autem efferre conantur, Galli plerumque *t*, Belgæ *d*, alii nonnunquam *s* substituunt. Neutiquam tamen est difficile genuinos hosce sonos efferre, si quis eorum formationem paulò attentius observet; nempe, omnibus eodem modo manentibus ac si prolaturus esset literas *t, d*, nisi quòd spiritus erumpere permitatur: caveatur autem ne, etiam non attendenti, assurgat aliquantulum linguæ pars extremitati proxima, adeoque literas *S* & *Z* efficiat; ut enim *S* ad *t*, sic *Z* ad *d*, ut jam dicemus.

Z.

Si eandem literam *D* pronunciaturus, spiritum subtiliori formâ & quasi per rimulam protrudat, (elevatâ quidem in illum finem linguæ parte extremitati proximâ,) formatur Latinorum *Z*, Græcorum *Ζ*, Hebræorum *Zain*, Arabum *Ze*: quem sonum etiam Angli per *Z* exprimunt. Nonnunquam tamen Angli etiam literam *S* (sicut & Galli) eodem sono efferunt; præsertim ubi inter duas vocales ponitur, & in fine dictionis: ut in *pleasure*, voluptas; *ease*, quies; *laws*, leges, &c. Et, quod ferè solenne est, ubi ex Nomine per *s* durum in ultimâ syllabâ pronunciato, fiat Verbum; hoc verbum per *s* molle (hoc est, per *Z*) pronunciatur: Sic *a house*, domus; *a lowse*, pediculus; *a mowse*, mus; *a price*, pretium; *advise*, consilium; *close*, contiguum; *brasse*, æs; *glasse*, vitrum; *grasse*, gramen; *grease*, pinguedo; *a fleece*, vellus, per *s* durum: at *to house*, in domum recipere; *to lowse*, pediculos captare; *to mowse*, captare mures; *to prise*, æstimare; *to advise*, consulere; *to close*, conjungere; *to braze*, obærare; *to glaze*, vitrum adaptare; *to graze*, gramine pasci; *to grease*, pinguedine oblinere; *to freeze*, deglubere, per *s* molle efferuntur. Sed & eodem modo etiam aliæ literæ analogam

gam alleviationem fortiuntur; nam ex Nominibus *Wife*, uxor; *life*, vita; *strife*, lis; *half*, semissis; *calf*, vitulus; *safe*, salvus; *breath*, spiritus; *cloth*, pannus; per sonos duriores prolatis: fiunt verba *to wive*, uxorem quærere; *to live*, vivere; *to strive*, litigare; *to halve*, bisecare; *to calve*, vitulum parere; *to save*, salvum reddere; *to breathe*, spirare; *to clothe*, vestire. Itali literam Z (præsertim geminatum,) non rarò fortiùs efferunt, ut Hebræorum *z* vel *tz*; atque eodem sono efferunt non pauci in vocibus Latinis *t* ante *i*, sequente etiam alia Consonâ: Nempe *Piazza*, *Venetia*, &c. efferuntur *Piazza*, *Venetzia*, &c.

Eidem literæ *D*, vel (si placet) literæ *N*, subjungere etiam licet duas alias literas eâdem sede, nempe in Palato, formatas; *L* & *R*. Has autem literis *D* aut *N*, potiùs quàm literæ *T*, subjungo; propter laryngis concussionem, & spiritûs ad nares emissionem, quæ his proferendis fiunt; quarum litera *T*, & quæ ab eâ descendunt omnes, sunt incapaces.

- L.* Litera *L* formatur, si literas *D* vel *N* prolaturus spiritum a latere (sive altero, sive utroque) in buccam leviter emittat, & per buccarum

buccarum anfractus ad aperta labia, adjuncto etiam linguæ tremore. Estque hujus literæ apud omnes, ni fallor, gentes idem sonus, nempe ut Hebræorum ב, Græcorum λ.

Habent autem Cambro-britanni alium etiam sonum huic quidem affinem, sed fortiolem; (quem per // scribunt, ut a literâ l distinguant;) spiritu nempe multò fortius in buccas extruso: Unde fit sonus spumosior, & quasi ex θλ conflatus. Apud alias gentes sonus ille (quantum scio) non auditur.

//.

Litera R (quæ canina dici consuevit) formatur etiam in Palato; si nempe extremitas linguæ, literas D vel N pronuntiaturæ, introrsum flexa spiritum exiturum forti quidem & frequenti concussione verberet: Ex quo conflictu horridus ille sonus auditur. Estque hujus literæ sonus apud omnes idem: Nempe ut Hebræorum Resh, Græcorum ρ. Cambro-britanni huic literæ frequenter subjungunt h; eorumque Rh respondet Græcorum ρ aspirato. Americanos ferunt; *Novangliæ* conterminos, (aut eorum saltem magnam partem,) literas L & R pronunciare non posse, sed ipsorum loco N substituere; adeoque *Nobstan* dicere pro *Lobstar*.

R.

Rh.

Literam

Ch.

Literam *K*, vel *C* durum, pronuntiatur, si spiritus *subtilis* erumpat, & strictius compressus, formatur Græcorum *χ*, Hebræorum *Cheth*, Arabum *Cha* (rectè pronunciata;) sonus nempe medius inter *G* & *H*. Estque hic sonus Germanis familiaris, ut & Cambro-britannis; utrique per *ch* scribunt. Apud Anglos penitus desuevit; nostrum enim *ch* alio longè sono effertur, ut post dicetur.

H.

Si verò *pinguis* exeat spiritus, & minùs compressus (ob laxiorem linguæ positionem & latiore exitum;) formatur Latinorum *H*, Hebræorum & Arabum *He*, Græcorum spiritus aspiratus. Estque hic sonus plerisque gentibus familiaris. Galli sæpe scribunt *h*, sed rarò pronunciant. Non differt a sono prioris literæ, nisi quòd illic spiritus fortiori conatu & per angustiore quasi rimulam exeat (ideoque Aspiratio duplex dici solet;) hîc verò liberius & quasi per foramen latius.

Græci, quasi non esset litera (quoniam exiguus quidem sonus est) *Aspirationem* dixerunt & (saltem nunc dierum) in literarum directâ lineâ non scribunt, sed literæ vertici imponunt; verû olim in ipsâ literarum serie vocalibus præponebant, (at consonæ *ç*, ni fallor, postponebant;) atque

atque hinc est quod apud eos H est centenarii nota; quod enim nunc *ἥγaton* scribitur, olim scribebant *Heγaton*. In aliis linguis nil video cur non pro consonâ habeatur; Non enim quia ipsius sonus ab aliquibus (præsertim Gallis) inter pronunciandum aliquando omittatur ideo litera censenda non est, illud enim & multis literis est commune, præsertim Hebræorum (aliorumque Orientalium) literis quiescentibus & *Ain*, (ne opus sit Gallorum hac in re nimiam licentiam attingere;) Neque etiam quod apud Latinos Poetas ipsius interventio, vocalium elisionem non impediebat; nam neque *M*, nec (olim) *S*, impedimento erant quominus ejusmodi contractio fiat. Fateor tamen Latinos hac in re eousque Græcorum æmulos fuisse, ut meritò dubium videri possit num ipsi *h* pro literâ habuisse censendi sint necne; præsertim cùm Grammaticos reclamantes videam.

Literam *γ* (seu *G* durum) pronunciaturo, si spiritus *arctius* compressus per subtiliorem quasi *rimulam* exeat; formatur sonus qui per *gh* exprimitur. Hunc sonum Anglos in vocibus *light*, lux; *night*, nox; *right*, rectum; *daughter*, filia; &c. olim protulisse sentio: at nunc die-

Gh.

rum,

rum, quamvis scripturam retineant, sonum tamen ferè penitus omittunt : Boreales tamen, præsertim Scoti, ferè adhuc retinent, seu potius ipsius loco sonum *h* substituunt. Hiberni in ipsorum *gh* hunc sonum exactè exhibent, ut in *logh* lacus, &c. Differt a Germanorum *ch* sicut ipsum *g* a *c*; directione nempe spiritus partim ad nares, quam nec *c* nec *ch* omnino patiuntur. Germani tamen easdem voces ferè per *ch* scribunt, quas Angli per *gh*; eorum enim *nacht*, *recht*, *liecht*, *sechten*, *tochter*, respondent nostris *night*, *right*, *light*, *fight*, *daughter*, aliâq; sunt similia non pauca. Latini, Græci, Hebræi, & Arabes sonum hunc non agnoscunt; nisi fortè Hebræorum *Gimel* raphatum sic efferri possit. Persæ eo sono suum *Ghaf* pronunciant, quod tribus supernè punctis ab Arabum *Kef* distinguitur.

T Si verò liberius & quasi per latius foramen exeat spiritus; formatur Anglorum *y* consona, Germanorum *ſ* consona, Arabum *Ye*; quo sono etiam Hebræorum *Jod* multi pronuntiandum contendunt. Sono nempe vocalis *i* exilis raptissime pronunciatae admodum affinis est. Ideoq; Diphthongi (ut vocantur) *ai*, *ei*, *oi*, vel *ay*, *ey*, *oy*, ferè promiscuè scribuntur per *i* &

i & *y*: apud Anglos præsertim & Gallos. Est autem sonus ille qui pro vocali sub-
 junctivâ censetur reverâ Consona; eo-
 dē nempe prorsus modo sonabitur litera
y in *saying, paying, &c.* sive ad priorem syl-
 labam (ubi pro vocali habebitur) sive ad
 posteriorem (ubi habebitur pro Conso-
 nâ) referatur; nempe sive sit *say-ing, pray-
 ing, sive sa-ying, pra-ying.* Parem scilicet
 affinitatem agnoscimus inter *oo* (seu *u*
pinge) & *w*, quæ est inter *i* exile & *y*. De
 utrisq; videatur acutissimus *Gatakerus* in
 tractatu suprâ citato.

Sed & alibi etiam *y* pro *i* non raro po-
 nitur, ubi scilicet *i* vocalis est. (præser-
 tim in dictionum fine:) quo casu non
 modo antiquiores Anglo-saxones, sed &
 per multa secula qui ipsis successerunt
 Angli, literam *y*, quoties pro vocali *i* po-
 neretur, puncto supernè posito semper
 notabant, hoc modo *ẏ*.

Affinitatem autem maximam esse hu-
 jus literæ cum *g* & *gh*, inde manifestū est,
 quod ea quæ nunc per *gh* scribimus *light,
 might, thought, &c.* in manuscriptis libris
 sæpissimè per *y* consonâ scripta legimus,
 eodem nempe caractere quo *yet, yonder,
 &c.* Triplicem nempe habuerunt figu-
 ram; unam *ẏ* pro qua nunc scribitur *th*,

ut supra dictum est; alteram y quæ loco i vocalis solebat pingi, & a priori non nisi puncto suprâposito distinguebatur; & tertiam z quam pro y consonâ perpetuò scribebant, quæ etiam in illis vocibus (ut dictum est) reperitur quæ nunc per gh scribuntur: Hunc autem characterem, prout tunc pingi solebat, nescienter forsân posteriores librarii, ipsius loco characterem literæ z fœdissimo errore substituerunt; unde monstra illa vocabulorum *thouzt, souzt, &c.* pro *thought, sought, &c.* seu potius pro *thouyt, souyt, &c.* (prout tunc nempe per y consonam scribi solebant) in impressis Chauceri aliorumq; veterum poetarum libris conspiciuntur. Longè melius doctissimus *Wheelocus* (Anguarum Arabicæ & Saxonice apud Cantabrigienses Professor) ejusmodi voces per h scribit, in Venerabilis *Bedæ Historiâ Ecclesiasticâ*, aliisq; scriptis, Saxonice per illum editis: ubi [*cnihte, mighte, þurh, &c.*] passim occurrunt quæ nunc *knight, might, through, &c.* scribuntur. Adde etiam, Ea ipsa vocabula non pauca quæ nunc apud nos per y scribuntur, a Saxonibus olim (atq; etiamnum ut plurimum a Germanis) per g scripta reperiuntur; nostra enim *slay, occîdo, sayl, ve-*
lum;

lum; *say*, inquam; *day* dies; *rayn* pluvia; aliaq; innumera, partim apud Anglo-Saxones, partim à Germanis dicuntur *schlagen*, *segel*, *segen*, *sag*, *tag*, *regen*, &c. Et contra, multa quæ nunc per *g* scribuntur, fuerunt olim per *y* scripta; ut *agayn*, iterum; *agaynst*, contra; *given*, datum, &c. olim *ayen*, *ayenst*, *yeoven*, &c.

Atq; ita literarum sonos simplices, quos suo, omnes enumeravi, eorumq; formaturam tradidi, eosq; in suas familias seu classes distribui. Quos omnes uno aspectu sic intueri licet.

Literarum omnium Synopsis.

		Aperturâ		
		majori.	media.	minori.
Vocales	Gutturales.	â aperta.	e fæmin.	û obscurû.
	Palatinæ.	á exile	é mascul.	ee exile.
	Labiales.	ô rotund.	oo û pingue	ú exile.

Consonæ	Labiales	Muta	P F F	
		Semi-muta	B V W	
		Semi-vocal.	M mugitus	
	Palatin.	Muta	T S Th	
		Semi-muta.	D Z Dh	—
		Semivocalis.	N gemitus	L. R.
	Guttur.	Muta.	C Ch H	—
		Semi-muta.	G Gh Y	
		Semi-vocal.	ñ gemitus	

Subtiliores	Pinguiores
-------------	------------

Aspi-	ratæ.
-------	-------

SECT. IV.

De Sonis Compositis.

R Eliqui soni omnes sunt planè Compositi; quamvis eorum nonnulli pro simplicibus vulgò habeantur. *Litera Composita.*

Diphthongi, quæ vocantur, *ai, ei, oi, ay, ey, oy, au, eu, ou, vel ay, ey, oy, aw, ew, ow*, rectè pronuntiatæ componuntur ex vocalibus præpositivis, & Consonantibus *y* & *w*, quæ tamen pro Vocalibus Subjunctivis vulgò habentur. Nempe in *ai, au, vel ay, aw*, præponitur *a* exile: in *ei vel ey, e* femininum: in *eu vel ew, é* masculinum: in *oi, ou, vel oy, ow*, præponitur aliquando *o* apertum, (ut in Anglorum *bóy*, puer; *tóy*, nuga; *sóul*, anima, *bówl*, poculum;) aliquando *o* obscurum, (ut in Anglorum *bòil*, coquo; *tòil*, labor; *òil*, oleum; *boul*, globus; *owl*, bubo; &c. quanquam non negem etiam horum nonnulla a quibusdam per *o* apertum pronuntiaci.) Has autem diphthongos in variis linguis varias fortiri a genuino sono deflectiones non ignoro; de quibus nunc agendū non est: poterunt autem illi omnes inter sonos a nobis traditos (ab iis quorū id in-

interest in singulis linguis) reperiri, adeoq; ad suos locos referri,

i

Anglorum *i* longum seu pingue, est planè sonus compolitus ex *e* fœminino & *y* consonâ; estque idem omnino sonus cum Græcorum *ei*.

j Consona.

Anglorum *j* consona, vel *g* molle, vel etiam *dg*; componitur ex consonis *dy*. Nam eorum *jar*, discordia; *joy*, gaudium; *gentle*, generosus; *lodging*, habitatio, seu locus commorandi, &c. sonant *dyar*, *dyey*, *dyentl*, *lodying*. &c. Atq; eodem sono effertur Arabum *Gjim*; quæ litera quamvis ab Hebræorum *Ghimel* discendat, non tamen ipsius sonum retinet.

Gallorum *j* consona, vel *g* molle, componitur ex consonis *zy*. Nam eorum *je* ego, *age* ætas; &c. sunt *zye*, *a-zye*, &c. Hunc sonum Persæ per suum *zye* scribunt; quod tribus supernè punctis ab Arabum *ze* dignoscitur.

At Germanorum *j* consona, est sonus planè simplex; idem nempe cum Anglorum *y*; ut supra dictum est.

sh, ch, sch.

Anglorum *sh*, Gallorum *ch*, Germanorum *sch*, Hebræorum & Arabum *shin*, sonant *sy*. Nam Gallorum *chambre* camera, Anglorum *shâme* & Germanorum *scham*, pudor; sonant *syâmbre*, *shâme*, *syâm*.
Cam-

Cambro-britanni hunc sonum perſcribunt, cum notâ productionis in vocali ſequente : ideòque apud illos *Siôn* (Johannes) eſt vox monosyllaba ; at *Sîon* (Sionis mons) eſt vox diſſyllaba.

Anglorum *ch* vel *tch*, ſonat *ry*. Nam *orchard*, hortus; *riches*, divitiæ, &c. ſonant *ortyard*, *riytes*, &c. Hoc ſono Itali ſuum *c* efferunt ante vocales *e* & *i*. Perſæ huic ſono exprimendo, præter Arabum alphabetum, aſſumunt ſuum *che*, quod tribus infernè punctis ab Arabum *Gjim* diſtinguunt. Si voci Anglicanæ *yew taxus*, ſigillatim præponantur *d*, *t*, *ſ*, *z*, ſunt *dyew*, *tyew*, *ſyew*, *zyew*, hoc eſt Anglorum *Jew* Judæus, *chew* maſtico, *ſhew* oſtendo, & Gallorum *jeu* luſus. Qui ſyllabis *yan-yer*, præpoſuerit *ſ*, *z*, formabit Gallorum *changer*, hoc eſt *ſyanzyer*; at ſi præpoſuerit *t*, *d*, formabit Anglorum *changer*, hoc eſt *tyandyer*.

Latinorum (& allarum ferè gentium) *x*, & Græcorum *ξ*, componuntur ex *cſ*, *κσ*. Hanc literam Hebræi, aliq; orientales, non agnoſcunt, ſed ipſius loco literas ſimplices ſcribunt ex quibus componitur: Quod etiam non rarò faciunt Germani; eorum nempe *ochs* bos, *wachs* cera,

sechs, *seix*, *sechst* *sextus*, &c. sunt Anglis *ox*,
wax, *six*, *sixt*. Cambro-britanni hunc sonum,
 per *cs*, semper scribunt.

K

Latinorum *K* olim pro *Ca* ponebatur:
 scribebant enim promiscue *calendæ* &
klendæ. Nunc apud plerasq; gentes eun-
 dem planè sonum simplicem obtinet
 quem Græcorum *κ* (unde defluxit,) aut
 Latinorum *C*: essetq; litera planè super-
 flua si *C* genuinum suum sonum semper
 retineret; ideoq; Cambro-britanni (qui-
 bus litera *c* sonus ubiq; constans est) li-
 teram *k* non habent; ut nec alii ali-
 qui.

Latinorum *Q* olim pro *Cu*, vel poti-
 ùs *Cw*, scriptum, fuisse rectè contendit
Gatakerus: At nunc dierum (ubi subjun-
 gitur litera *u*) planè idem sonat ac *C*
 vel *K*, estque litera superflua. Cam-
 bro-britanni hanc literam non agnos-
 cunt; sed pro *qu* semper ponunt *cw* vel
chw.

Wh.

Anglorum *wh* pronunciatur omnino
 ut *hw*. Idem nempe sonant Anglorum
whit & Gallorum *huiēt*, sed sensu longè
 diverso. Anglo-saxones olim literam *b*
 priori loco posuerunt; (quì autem fa-
 ctum

Etum sit ut Angli postponant, planè nescio:) sic pro eorum [hæt, hylc,] dicunt Angli *what, which*, at Scoti etiam *quhat, quilk*.

Est autem observatu non indignum, consonasy & *w* (licèt non attendentibus, & inobservatas,) plerumq; inter pronunciandum subjungi consonis affinis ante affines vocales. Nempe *y* subjungitur sæpe Gutturalibus consonis *c, g*, sequente vocali palatinâ: sonantur enim *can* possum, *get* acquiro, *begin* incipio, &c. acsi scriberentur *cyan, gvet, begyin*: vix enim transire potest lingua ab his gutturalibus consonis ad vocales palatinas formandas, quin, etiamsi nolit, pronuntiabit *y*: At ante alias vocales non item; ut in *câll* voco, *gâll* fel, *go* eo, *gun* bombardâ, *goose* anser, *come* venio, &c. *W* subjungitur nonnunquam consonis labialibus *p, b*, præsertim aut *o* apertum, ut in *pot* olla, *boy* puer, *boile* coquo, &c. quæ sonantur acsi scripta essent *pwot, bwoy, bwöile*, &c. sed neque semper, neque ab omnibus sic efferruntur.

Latinorum *e, æ*; Anglorum *ea, oa, æ, œ, ea, ee, oo*, & quandoque *ei, ie, ou, au*, item *oa, ee, oo*.
ih, ph; (quibus similes apud alias

as gentes reperiuntur;) quanquam duplicibus characteribus scribantur, sunt tamen (saltem prout nunc dierum pronunciari solent) soni simplices: prout suis in locis supra ostendimus.

Atq; hætenus sonos literarum omnes, qui ubiq; ferè gentium occurrunt, tam simplices quàm compositos, quantum mihi sufficere videtur, exposui: & vix quidem ullos audiri credo quin possint ad explicatorum aliquos reduci.

Notandum tamen est, apud varias gentes nonnihil diversitatis inter pronunciandum reperiri, quæ non tam singularum literarum, quam totius potiùs loquelæ communis est affectio. Angli nempe totam prononciationem quasi promovent, versus anteriorem oris partem, & faucibus apertioribus loquuntur; unde & soni fiunt distinctiores. Germani potiùs retrahunt versus posteriorem oris partem & gutturis imum; unde fortius & magis strenuè pronunciant. Galli propiùs ad palatum omnia formant, & faucibus minùs dilatatis; unde prononciatio evadit minùs distincta, & quasi admisto murmure confusa. Item; Itali, & præsertim Hispani productiori tenore loquun-

loquuntur; Galli magis properantur;
Angli tenore medio. Aliáque hujusmo-
di etiam apud alias Gentes discrimina,
cuilibet, prout se res offert, observanda
relinquo.

Grammatica

GRAMMATICA

Linguae Anglicanae.

CAP. I.

De linguae Anglicanae pronuntiatione.

SECT. I.

*De Literis in genere, & primo
de Consonantibus.*

Ermonis Anglicani rudimenta traditurus, a *Literis*, earumq; apud nos pronuntiatione, exordium sumendum esse duco. Ideoq; ex generali qui praecessit *De loquelâ* tractatu quaedam feligenda sunt, aliâq; quæ ad hanc linguam speciatim spectant adjungenda.

Sunt apud nos literarum characteres hi qui sequuntur.

a. b. c. d. e. f. g. h. i, j. k. l. m. n. o. p.
q. r. s, t. u, v. w. x. y. z.

Consona-

Consonarum pleræq; nihil difficultatis habent quo minùs a quibusvis pronuncientur, cùm eundem habeant apud nos sonum, quem & alibi ferè ubiq; gentium obtinent: præsertim *b, d, f, h, k, l, m, n, p, q, r, z*. De paucis tamen quædam sunt monenda.

C ante vocales *e, i, y*, (aut etiam Apostrophum absentis *e* non rarò indicem) ubiq; molliùs sonatur; ut litera *f*, genuino sono prolata: alibi semper duriùs, & suo sono, nempe ut Græcorum *κ*.

Galli *c* molliùs quandoq; per *ç* scribunt; quem characterem etiam apud nos non incommodè adhiberi posse sentio: eò tamen minor est novi characteris necessitas, quia regula tradita nullam (quam scio) patitur exceptionem; quoties enim *c* durum sonandum occurreret ante vocales *e, i, y*, perpetuò vel adjungitur vel substituitur *k*; ut, in *skin* pellis, *skil* scientia, *keep* servo, *publick*, *publicus*, &c. (nam *publique* &c. est potiùs scriptio Gallica quàm Anglicana; Galli verò ideo substituunt *qu* quia literam *k* non habent.) Si verò *c* alibi forsan molliùs sonare velent, (puta in fine syllabæ, vel ante consonam, aut vocales *a, o, u*.) adjungunt *e* mutum, quo sonus mollior indicetur: ut *chance* casus, *advancement* promotio, *forceable* (*forcible*) violentus, &c.

S acuto & stridulo sono effertur ubi genuinum suum sonum obtinet: At ubi dictionem

ditionem claudit, ferè semper, &, ubi media inter duas vocales aut diphthongos occurrit, non rarò, obscuriùs seu molliùs effertur ut z.

Hanc ego literam, quoties molliùs efferenda est, breviori semper caractere scribi vellem, ut *his* suus, *advise* consulo; alibi semper longiori, ut *hisse* sibilo, *advise* consilium.

Quatuor monosyllaba (nec enim plura memini) s finale durum habent; *yes* ira (affirmandi particula,) *this* hoc, *thus* sic, *us* nos. Nam qui scribunt *needles*, *coynes*, *lightnes*, &c. pro *needle* non necessarium, *coynesse* delicatia, *lightnesse* levitas, &c. vel saltem pro *neeless*, *coyness*, *lightness*, omnino errant; ex dissyllabis enim faciunt monosyllaba, sunt enim *needles* acus, *coynes* moneta, *lightnes* (vel *lightneth*) fulgurat, monosyllaba per e mutum. At qui scribunt *greenes*, *fines*, &c. pro *greenesse* viriditas, *finesse* accuratio, &c. adhuc errorem duplicant.

T ante i, sequente aliâ vocali, sonatur ut s stridulum: Alibi suum sonum retinet.

T

Illud potissimum in vocibus quæ a Latinis descendunt, non tamen in solis illis, conspicitur. Sic *nation* natio, *potion* potio, *meditation* meditatio, *exspatiate* exspatior, &c. sonantur *nasion*, *posson*, *meditasion*, *exspasiate*, &c. At in *question* quæstio, *mixture* mixtio, *combustion* combustio, *fustian* gossypium, & sicubi aliàs t sequantur literas s vel x, genuinum suum sonum obtinet.

X

X

X, sonatur ut *cs*, vel *ξ* Græcorum.

Quâ de re Gallos præsertim monendos vellem, qui solent sonum *c* suppressere. Sed & Hispani molliùs quam par est eam literam eiferunt.

W

W sonatur, ut *u* in vocibus Latinis quando, lingua, suadeo, aliisq; post *q*, *g*, *f*.

Hanc literam nos pro consonâ semper reputamus; sono tamen non multum differt a Germanorum vocali *û* pingui, raptissimè pronunciata. Præcedit, apud nos, non modo quasvis vocales, (si saltem *u* excipias) sed & consonam *r*; Subjungitur consonis *f* & *th*: ut *want* careo, *went* ibam, *winter* hyems, *wont* solebam, *wrath* ira, *wrîte* scribo, *wry* curvatus, *swim* no, *perswade* suadeo, *thwart* perversus; (at post *g* & *q* potiùs substituitur *u*, ut *acquaint* assuesco, *anguish* dolor acris, &c.) Sequitur etiam vocales *a*, *e*, *o*, cum quibus quasi in diphthongum coalescit, eodem prorsus modò quo *u*, ut *sow* sus, *sow* sero, *saw* vidi, *few* pauci, &c. Præcedit etiam literam *h*, sed revera post illam sonatur; *when* quando, *what* quid, &c. sonantur *hwen*, *hwat*, &c.

Y

Y consona, apud nos, sonatur ut Germanorum *j* consona; sono nempe quam proximè accedente ad sonum vocalis *i* raptissimè prolata.

Arabes *y* per suum *ye*, sicut & *w* per suum *waw*, exprimunt. Præcedit solas vocales, præsertim *a*, *e*, *o*; easq; sequitur & cum illis quasi diphthongescit, eodem modo & sono quo *i*: idem nempe sonant

sonant *ay, ey, oy*, ac *ai, ei, oi*; sed in fine dictionis frequentius per *y* scribuntur, in medio sæpius per *i*.

Sed & *y* nonnunquam vices sustinet vocalis *i*; præsertim in dictionum fine. Nam promiscuè scribimus *mercy* misericordia, *pity* commiseratio, &c. ac *mercie, pitie, &c.* In medio dictionis rarius pro *i* occurrit nisi in vocibus quæ à Græcis descendunt per *v* scriptis. Quoties autem pro vocali censenda est hæc litera, supernè puncto notari vellem, hoc modo *y*, ut a consonâ *y* distinguatur; quod olim semper factum fuisse video.

V consona effertur apud nos eodem *v.*
sono quo apud Gallos, Hispanos, Italos, aliósque; sono nempe ad literam *f* proximè accedente.

Differunt enim *F* & *V*, eodem modo quo *P* & *B*. Scribitur nunc dierum ferè semper hoc caractere *v*, ut ab *u* vocali distinguatur. Præcedit apud nos solas vocales, & quidem omnes; non autem consonam *r* ut apud Gallos, nec *l* ut apud Belgas: sequitur non modo vocales sed & consonas *l, v*, in ejusdem syllabæ parte posteriori, (sed sequente *e* muto, aut ipsius vice apostropho, ne vocalis censeatur;) ut *vain* vanus, *vertue* virtus, *vîce* vitium, *vóice* vox, *vulgar* vulgaris, *have* habeo, *leave* linquo, *live* vivo, *love* amo, *carve* sculpo, *calves* vituli, &c.

ʒ consona durius apud nos sonatur *ʒ.*
quam apud plerosque alios; nempe ut
dy.

Productiori charactere nunc dierum pingi solet, hoc modo, *j*; ut distinguatur ab *i* vocali. Syllabam semper inchoat, & solis vocalibus immediate præponitur: Nam siquando sonus ille in syllabarum fine sonandus occurrit, per *g* molle, aut etiam *dg* exprimitur, sequente tamen *e* muto ut mollior sonus literæ *g* innuatur; ut *age* ætas, *rage* furor, *knowledge* scientia, &c.

G.

G genuino sono prolatum sonat ut Græcorum *γ*: Sed ante vocales *e*, *i*, *y*, (aut apostrophum absentis *e* indicem) plerumque, nec semper tamen, mollius effertur, eodem nempe sono quo *j* consona.

Quoties autem molliori sono proferendum sit, optarem ego ut puncto supra posito semper notetur hoc modo *ḡ*, quo à *g* duro distinguatur: quod exteris linguam nostram addiscentibus quàm maximum esset adjumentum. In vocibus *give* dono, *forḡve* condono, *geṭ* acquirō, *forḡer* obliviscor, *beḡet* gigno, *geḡd* castro, *beḡin* incipio, *toḡether* simul, eorūque derivatis, genuinum sonum retinet. Item in *anger* ira, *hunger* fames, *linger* morasnecto, *eager* acris, *vineḡer* acerum, *swagḡer* Thraſonice gloriōr, *stagḡer* ebriorum more vacillo, *dagḡer* ſica, & ſiqua ſint alia quæ per *gḡer* ſcribuntur. Item in derivatis a *long* longus, *ſtrḡong* fortis, *biḡ* magnus, *beḡ* mendico, *ſirḡ* cano, *brinḡ* afferō, aliisque quorum primitiva in *g* duro terminantur. In quibusdam ſubjungitur *u* vel *h* (ſicut apud Gallos) ut ſonns fortior literæ *g* innuatur, ut *guiḡſt* donum, *guḡde* ductor, *guḡle* dolus, *guiḡlt* reatus, *guiḡld* deauro, *leaguer* caſtra, *tongue*

tongue lingua, *guet* hospes, *gbesse* conjecturam facio, *Guilbert*, *Guifford*, (propriis nominibus,) aliisque forsan aliquot; in quibus *u* nihil sonat, ut neque in *buy* emo, *build* ædifico.

SECT. II.

De Vocalibus.

Vocalium Characteres sunt *a*, *e*, *i*, *o*, *u*; & *y* pro *i*. Quæ plerumque cum syllabam claudunt, producantur; secus autem ut plurimum corripuntur.

A plerumque pronunciatur sono magis exili quam apud alias plerasque gentes: eodem ferè modo quo Gallorum *e* sequente *n* in voce *entendement*, sed paulò acutiùs & clariùs.

A.

Non autem ut Germanorum *a* pingue; quem sonum nos plerumque exprimere solemus per *au* vel *aw*, si producat; aut per *ö* breve si corripitur.

Pauca tamen sunt in quibus *a* sono illo pingui efferri solet, nempe cum in fine dictionis *a* præcedit genuinum *ll*; ut *áll* omnes, *táll* procerus, *báll* aula, *cáll* voco, *wáll* murus, *báll* pila, *fáll* cado, &c. cum eorum Derivatis & Compositis, ut *állthough* quamvis, *állways* semper, *állmost* fere, *tállness* proceritas, *cálling* vocatio, *wáll-flower* parietaria, &c. Quo casu suaderem ego ut ac-

centu circumflexo supernè notetur , ut pinguior ille sonus innuatur. At *walk* ambulo, *talk* colloquor, &c. rectiùs per *a* Anglicum efferuntur ; quæ tamen negligentius loquentibus sonantur *wau'k*, *tau'k*, &c, quo sono Gallos imitamur qui pro *al* non rarò substituunt *au*.

E. E profertur sono acuto claróque , ut Gallorum é masculinum.

Vix unquam profertur sono obscuro ut Gallorum *e* foemininum , nisi fortè cum *e* breve præcedit literam *r* , ut in *vertue* virtus , *stranger* extraneus , &c. ubi non tam requiritur sonus ille quàm ægrè evitatur ; difficiliùs enim transit lingua ab *e* masculino ad *r*.

E mutum.

At *E* , quotiescunque in fine dictionis simplex occurrit, omnino mutum est nec quicquam (nunc dierum) sonat : Ut in *make* facio, *have* habeo, &c.

Præterquam in Articulo demonstrativo *the* , quod per *e* simplex scribitur (ut distinguatur a Pronomine *thee* te) & Nominibus aliquot Propriis, aliunde deductis , ut *Phæbe*, *Penelope*, &c. Vix enim aliàs ullibi pronuntiatur *e* simplex in dictionum fine. Nam *he* ille , *she* illa, *be* esse, *we* nos, *me* me, & siqua sunt similia, rectiùs scribuntur (prout etiam pronunciantur) per *ee* geminum, *bee*, *shee*, *bee*, *wee*, *mee*. Quoties autem vox aliqua terminanda occurrit ejusmodi sono ; vel subiungitur aliud *e* mutum , ut in *Pharisee* Pharisæus ; vel subiungitur *a*, ut in *sea* mare, *sea* pullex,

lex, *plea* argumentatio judicialis, *pea* pīsum, *yea* ita (affirmativa particula,) nec, quòd *seiam*, in pluribus; vel denique subjungitur *y*, ut in *Marshallsey*, *Winchelsey*, *Langley*, *Hendley*, & paucis forsan aliis nominibus propriis.

Originem verò hujus *e* muti, nequis miretur *Ipsius origo.* unde devenerit, hanc esse judico. Nempe, quòd antiquitus pronunciarum fuerit, sed obscuro sono, sicut Gallorum *e* fæmininum: Adeoque voces *take* accipio, *one* unus, *wine* vinum, &c. quæ nunc sunt monosyllabæ, fuerint olim dissyllabæ, *ta-ke*, *o-ne*, *wi-ne*, &c. ideoque etiam vocalis prior syllabam terminaverit, fueritque propterea longa. Sonus autem ille obscurus, finalis *e*, sensim evanuit, usque adeo ut tandem prorsus negligeretur (quod & de Gallorum *e* fæminino sæpissimè accidit, quod ipsi multoties celeriter loquendo prorsus omittunt quamvis eorum Grammatici nondum id jubeant) retentâ tamen præcedentis vocalis quantitate, reliquisque omnibus literis eodem prorsus modò pronuntiatis ac si etiam ipsum *e* pronunciandum esset. Atque hoc eò magis patet, quia ejusmodi *e* mutum antiquitus videmus perpetuò annecti vocabulis plurimis, ubi jam plerumque omittitur, ut *darke* obscurus, *marke* noto, *selfe* propria persona, *leaf* folium, *waite* exspecto, aliisque innumeris, in quibus nulla patet vel probabilis conjectura cur annecteretur, nisi quod pronunciarentur *dar-ke*, *mar-ke*, *sel-fe*, *lea-fe*, *wai-te*, &c. Nam ad producendam syllabam (qui præcipuus nunc est ipsius *e* usus) omnino inutile est: vel enim syllaba non producit, vel diphthongo illud satis innuitur. Quid quod & in vocibus *have* habeo, *crave* peto, *dove* columba, &c. consona *v* conspicitur ante *e* finale mutum, quæ tamen nusquam

invenitur syllabam claudere. Item in vocibus *force vis*, *space spatium*, *strange extraneus*, *rage iracundia*, aliisque multis; ante *e* finale mutum reperiuntur *c* & *g*, molliori sono prolata; nulla verò vel conjectura suppetit cur naturalem suum sonum exuerent nisi propter sonum sequentis *e*. Præsertim cum hujusmodi vocum magna copia ad nos a Gallis devenerint, apud quos etiamnum manet non modo eadem scriptura, sed & prolatio *e* finalis foeminini: Quamvis & apud eos parcius nunc dierum quam olim prolaturum videatur; & quidem a celeriter loquentibus sæpissimè supprimitur, (licet eorum Grammaticæ nondum doceant supprimendum;) eaque prolatio, quæ quotidie parcius evadit, brevi forrassè tam apud illos quam apud nos penitus evanitura est. Certissimum autem hujus rei indicium est ex antiquis Poetis petendum; apud quos reperitur illud *e* promiscuè vel constituere vel non constituere novam Syllabam, prout ratio carminis postulaverit; (quod & de Gallorum *e* foeminino aliquatenus verum est, quod, etiam non suadente Grammaticâ, poëtas ratione sæpe abjicitur.) Unde colligitur, ipsum sonari quidem, quia quandoque, sed debilius, quia non semper, syllabam constituat; Nempe ut fit nunc dierum in *heaven* cœlum, *ever* semper, &c. quæ promiscuè vel pro monosyllabis vel pro dissyllabis apud Poetas occurrunt, ultimo scilicet *e* vel prolato vel quasi per Syncopen extrito prout carminis ratio postulaverit.

Ejus usus.

Quamquam verò nunc dierum non sonetur illud *e* mutum, non tamen prorsus otiosum est. Nam, præterquam quod indicio est voces illas pluribus olim syllabis quam nunc pronuciari, his tribus saltem usibus adhuc inservit. 1. Ut præcedentis

præcedentis vocalis quantitas conservetur, quæ si producta olim fuerit, (vel nunc futura esset, si pronunciaretur *e* finale,) manet etiamnum productum quamvis illud *e* nunc sit mutum: Ita vocabula *bat* vespertilio, *mat* teges, *hat* pileus, *fil* impleo, *mil* mola, *wil* voluntas, &c. corripuntur; at *bate* contentio, *mate* sodalis, *bate* odi, *file* lima, *mîle* milliare, *wile* stratagema, &c. producuntur; utraque tamen monosyllaba. 2. Ut literarum *c*, *g*, & *th*, sonus mollior innuatur, quæ secus fortius pronunciandæ forent: ut *hige* grande, *breathe* spiro, *seethe* coquo, *wreath* torqueo, *since* postquam, &c. quæ si *e* deesset fortius essent pronuncianda, ut *hug* amplector, *breath* spiritus, *see'th* videt, &c. 3. Ut *v* consona post vocalem, distinguatur ab *u* vocali, ut in *have* habeo, *craue* precor, *save* conservo, &c. ne putentur ut *bau*, *crau*, *sau*, pronuncianda: cum autem nunc dierum *v* consona ab *u* vocali distincto caractere scribatur, fieri potest ut *e* mutum hoc in casu posthac aliquando omittratur.

Quando autem nulla prædictarum rationum urget continuationem ipsius *e*, ab accuratioribus typographis nunc dierum omittritur: nisi quòd post *l*, alii consonæ subiectum, a plerisque adhuc retineatur, ut in *candle* candela, *handle* tracto, *riddle* punctulum, *fiddle* fidicula, *wrangle* litigo, *possible* possibilis, *legible* legibilis, &c. in quibus nulli nunc inservit usui, adeoque non incommodè omitti poterit: At in *idle* otiosus, *trifle* nugæ, *riddle* titulus, *fable* fabula, *table* rabula, *able* potis, *noble* nobilis, &c. potius retinendum videtur, ut præcedentis vocalis productionem notet; Verùm *child* puer, *wild* sylvestris, immansuetus, *mild* mitis, & similia, rectius sine finali *e* scribuntur; quamvis enim producat vocalis *i*, non potest

Quando
redundat.

potest tamen illud ex appposito e finali satis insinuari; si enim illud e non modò apponeretur, sed & pronunciaretur, non tamen i sed l clauderet priorem syllabam, acsi scriberentur *chîl-de*, *wîl-de*, *mîl-de*, quare & i nihilominus pro vocali brevi reputanda videretur, utpote quæ syllabam non terminet; non autem *chî-lde*, *mî-lde*, *wî-lde*, cum *ld* nunquam inchoent syllabam: Atque idem dicendum est de *mînd* mens, *find* invenio, *bind* ligo, &c. Verùm in voce *Chrîst* (quæ apud nos productio sonò proferri solet) productio vocalis ex appposito e satis innui poterit, acsi scripta supponatur *Chrî-ste*; nam & ejusmodi divisionem patitur analogia linguæ Anglicanæ, & in *Xeu-sôs*, unde descendit, ejusmodi agnoscitur syllabarum divisio; sed hîc mos aliter obtinuit, ut *Chrîst* scribatur, & quidem ipsius derivata, *Christian*, &c. pronunciantur per e exile seu breve.

Quando
manet in
medio.

Vocabula per e mutum terminata, quamvis deinceps (sive in derivatis, sive in compositis) incrementum finale adsciscant, retinent tamen, si opus est, suum e mutum, quod eodem nunc munere quo priùs fungitur.

Vix autem uspiam in medio dictionis reperitur e mutum quod non originaliter fuerat finale. Sic *mîles* milliaria, *wîles* stratagemata, *graves* sepulchra, *lîves* vitæ, *defiles* polluit, *beleeves* credit, *rarely* rarè, *finely* accuratè, *chargeable* sumptuosus, *changeable* mutabilis, *unchangeableness* immutabilitas, *likenesse* similitudo, *enducement* argumentum, *enforcement* coactio, *commencement* principium,

principium, comitia, advancement promotio, improvement melioratio, candle-stick candelabrum, aliæque innumera, retinent e mutum; quia in *mîle, wîle, grave, life, defile, beleave, rare, fine, charge, change, unchangeable, like, enduce, enforce, commence, advance, improve, candle, &c.* ejusmodi e mutum eisdem rationibus adscriptum fuerat quæ adhuc manent; ideo tamen in illis non sonatur, quia nec in his; utrobique tamen non dubito fuisse aliquando pronunciatum non minùs quàm in voce *Commandement* mandatum, ubi adhuc pronunciari solet.

Siquandò tamen voces per e mutum terminatæ ejusmodi augmentum finale assumant, ut accidentaliter literarum illigabilium necessitas postulat, interventum vocalis, illud e quod priùs mutum erat nunc sonabitur, vel (siquis ita loqui malit) e sonans ipsius loco interferetur. Atque hoc præsertim accidit in formando Nominum numero plurali, Adjectivis possessivis, & in tertiis personis Verborum; Ut in *Churches* Ecclesiæ, *houses* domicilia, *prises* pretia, *boxes* pyxides, *vices* vitia, *rages* furit, *chooses* eligit, &c. Ubi non tam analogia flexionis, quàm concursus literarum illigabilium, sonum illum postulat: (Non potest enim sonus finalis s, immediatè sequi consonas f, z, x, sh, vel etiam c, g, ch, molliùs prolatas.) Nam, ubi hæc necessitas non postulat, e vel non apparet, vel saltem non sonatur, ut in *hands* manus, *lands* terræ, *mîles* milliaria, *tends* tendit, *makes* facit, &c. At in *tendeth, maketh, &c.* sonatur e, non quod erat mutum, sed quod est terminationis eth.

Quando terminatio, post e mutū assumpta, a Vocali incipit, illud e plerumque prorsus evanescit, & consona præcedens in eandem syllabam cum sequente terminatione coalescit. Ideoq; meliùs scribuntur *ha-ving* habens, *gi-ving* dans, *lo-veeth* amat, *dan-ceth*

dan-ceth saltat, &c. quàm have-ing, give-ing, love-eth, dance-eth, &c. Pertinent enim consonæ finales non propriè ad syllabam præcedentem, quamvis propter defectum propriæ vocalis ad illam necessariò relegatæ fuerant, (ut cùm Græcè *μετ* vel *μετ'*, per Apocopen, vel Apostrophum, pro *μετὰ* scribitur;) ideòq; , adveniente vocali novâ, cum illâ potiùs coalescit: Quod etiam apud Hebræos (quos hac in re imitatur) perpetuò fit: ut in voce *טוֹב* *tobh* bonus, consona *ב* propter defectum propriæ vocalis vocali præcedenti subjungitur, sed coactè quidem quum *ו* *bolem* sit vocalis longa, quæ (etiam apud illos) deberet potiùs syllabam claudere; ideòq; in *טוֹבִים* *to-bha* bona, *טוֹבִים* *to-bhim* boni, ubi advenit nova vocalis, consona *ב* in unam cum illâ coalescit syllabam, priorem vocalem deferens cui non sine quâdam quasi violentiâ fuerat annexa; quod si consona brevis fuisset quæ suapte naturâ consonam ad se trahit, vocalis de novo adveniens postularer vel præcedentis vocalis productionem (ut illa syllabam claudat,) vel *Daghes* finali consonæ inscribendum, ut, duplicatâ consonâ, non desit vel quæ priorem claudat, vel quæ novam inchoet syllabam; prout ex illius linguæ analogiâ satis liquet.

Ubi autem (apud nos) vocalis ultimæ syllabæ brevis est, potest ea suapte naturâ consonam unam vel plures post se admittere, eâsq; in suâ syllabâ retinere quantumvis alia accedat vocalis. Sic *long* longus, incremento accedente fit *long-er*, vel *lon-ger*, longior; nam analogia linguæ utrumvis patitur; at potior videtur hæc syllabarum divisio *'ong-er*, partim quia sonus literæ *n* ita ab usitato ipsius sono paulum deflectit ut solet ante literas (rectè pronunciatas) *c, g, k, x*, in eâdem syllabâ

syllabâ, partim quia *g* sonum fortio-rem nactum est, ideoq; *e* mutum post se non habuisse credendum est, si enim radix fuisse putetur *longe*, per *g* molle potius prolata foret, ut in voce *strange* extraneus. Sic a *drinke* vel *drink* potō, fit *drin-ker* potator, tanquam a *drin-ke*, vel *drink-er*, ut ab origine *drink*; sed posterius videtur potius eligendum, quia *n* ita profertur ut quando *k* sequitur in eadem syllabâ. Sic *barking* latrans, vel a *bar-ke* vel a *bark* duci potest, ut sit vel *bar-king*, vel *bark-ing*. At *dan-ger* periculum, *stran-ger* extraneus, dicendum est; non *dang-er*, *strang-er*, propter molliorem sonum literæ *g*. In *changeable* mutabilis, dici potest vel *change-able* (quæ videri possit scriptio potior, propter retentum *e* mutum,) vel etiam *chan-geable*, ut maneat *e* solummodo ut index mollioris soni, sed quoad alia quasi syncopata habeatur; quod fieri videtur in voce *George*, si nempe pro monosyllabâ habeatur; quodq; fit perpetuò apud Italos in vocibus a *G* inchoatis, sequente *a*, *o*, vel *u*, in eadem syllabâ. Atq; hætenus de *e* muto diximus.

I vocalis, quoties brevis est sonatur plerumq; (ut apud Gallos aliósq;) exili sono.

Ut in *bīt* morsus, *wīll* volo, *stīll* semper, *wīn* lucro, *pīn* acicula, *sīn* peccatum, *fīll* impleo.

At quoties longa est, plerumque effertur ut Græcorum *αι*.

Ut *bīte* mordeo, *wīle* stratagema, *stīle* stilus, *wīne* vinum, *pīne* rabe consumo, &c. eodem ferè modo

modo quo Gallorum *ai* in vocibus *main* manus, *pain* panis &c. Nempe sonum habet compositum ex Gallorum *e* scæminino, & *i* vel *y*. Hunc autem sonum suaderem ego sic semper pingi *i*, supraposito Latinorum accentu circumflexo, ut a sono exiliori distinguatur.

Si quando sonus *i* exilis occurrat producenda, scribitur illud plerumq; non per *i*, sed per *ee* vel *ie*; ut in *steel* chalybs, *jeen* visum, *feel* tactu sentio, *field* ager, *shield* scutum, &c.

0

O breve eodem modo pronuntiatur quo Germanorum *a* vel *o* apertum seu pingue, nisi quod corripiatur.

Eundem sonum productum exprimunt Angli per *au* vel *aw*, rariùs per *â*: Idem enim est sonus primæ vocalis in *mollify* emollio, *maul* malleus; *fond* indulgens, *fawn* hinnulus; *folly* stultitia, *fall* casus, &c. nisi quod hic productus, illic correptus sit.

Non rarò tamen (sed malè) pro ò brevi, sonatur *u* obscurum, ore nempe minùs aperto, (in quo solo ad illo differt,) ut cùm *condition* conditio, *London* Londinum, *compasse* circuitus, &c. negligentius efferuntur acsi scripta essent *cundition*, *Lundun*, *campasse*, &c. & sic serè proferri solent *come* venio, *done* factum, *some* aliquis, *sonne* filius, & pauca forsan alia. Sonus hic, si quando opus sit, norari poterit vel aliquantulum murato charactere literæ *o*, vel, propter characterum defectum, accentu gravi supra posito, ò.

O longum effertur ore rotundo; ut Græcorum *ω* & Gallorum *au*.

Ut

Ut in vocibus *sōle* solus, *solea*, *chōse* elegit, *mōre* magis, plus, &c. Distinctionis gratiā, accentu circumflexo supernè notari potest.

U vocalis, quando corripitur effertur sono obscuro.

u

Ut in *but* sed, *tut* seco, *bur* lappa, *burst* ruptus, *curs* maledictus, &c. Sonum hunc Galli efferunt in ultimā syllabā vocis *serviteur*. Differt a Gallorum e scēminino, non aliter quā quod ore minū aperto efferatur. Discrimen hoc animadvertent Angli dum pronunciant voces Latinas *iter*, *itur*.

U longum effertur ut Gallorum *u* exile.

Ut in *lūte* barbitum, *mūte* mutus, *mūse* musa, *meditor*, *cūre* cura, &c. Sono nempe quasi composito ex *i* & *u*. Hunc sonum a superiori distinguere licet, vel punctulo, vel accentu supra posito; sic *ū*, *ū*.

SECT. III.

De Diphthongis.

Ai vel *ay*, sonum exprimit compositū ex *ā* Anglico (hoc est, exili) correpto, & *y*. *ai*, *ay*.
Ut in voce *day* dies, *praise*, laus, &c.

Au vel *aw*, rectè pronunciatū, sonū exhibet *au*, *aw*.

beret compositum ex Anglorum *â* brevi, & *w*. Sed a plerisq; nunc dierum effertur simpliciter ut Germanorum *â* pingue: sono nempe literæ *â* dilatato, & sono literæ *w* prorsus suppresso.

Eodem nempe sono efferruntur *âll* omnes, *awl*, *awl*, subula; *câll* yoco, *caul*, *cawl*, omentum, vel etiam tiara muliebris; &c.

ea.

Ea effertur nunc dierum ut *é* longum: sono ipsius *a* penitus suppresso, & sono literæ *e* producto.

Nempe illud solum præstat *a*, ut syllaba reputetur longa. Ita *met* obviam factus, *meat* victus; *set* sisto, *sedere* facio, *seat* sella, &c. non sono differunt nisi quod vocalis illic correpta, hic producta intelligatur.

ee, ie.

Ee, vel *ie*, effertur ut Gallorum *i* (hoc est, *i* exile) productum.

Eundem nempe sonum quem scribunt Galli *fin*, *vin*, scriberent Angli *feen* *veen*, vel fortè *fien*, *vien*. Hoc modo scribunt *fien* *cacodæmon*, *feen* visum, &c.

ei, ey.

Ei vel *ey* sonatur per *é* clarum seu masculinum, & *y*: vel etiam simpliciter per *é* clarum, suppresso sono *y*.

Ut in *receive* recipio, *seize* apprehendo, *deceit* dolus

dolus, &c. Nonnulli tamen plenius efferunt, acsi per *ai* scripta essent.

Eu, ew, eau, sonantur per *é* clarum *Eu, ew, eau.*
& *w*.

Ut in *neuter* neutralis, *few* pauci, *beauty* pulchritudo. Quidam tamen paulò acutius efferunt acsi scriberentur *niewter, fiew, bieuty*, vel *nimter, fiv, biwty*; præsertim in vocibus *new* novus, *knew* sciebam, *snew* ningeat. At prior pronuntiatio rectior est.

Oo sonatur ut Germanorum *û* pingue, seu Gallorum *ou*. *oo.*

Ut in vocibus *good* bonus, *stood* stabam, *root* radix, *foot* pes, *loose* laxus, *loose* laxo, amitto. &c.

Oi, oy, efferuntur per *ó* apertum seu *oi, oy.*
clarum, sed correptum, & *y*.

Ut in *noise* strepitus, *boys* pueri, *toys* nugæ, *toyl* labor, *oil* oleum. Nonnulli tamen in quibusdam saltem vocabulis potius per *ò* vel *â* obscurum efferunt, ut *toil*, *oil*, vel *tüyl*, *üyl*.

Ou & *ow*, duplicem sonum obtinent; *ou, ow.*
alterum clariorem, alterum obscuriorè.

In quibusdam vocabulis effertur sono clariori per *ö* apertum, & *w*.

Ut in *soul* anima, *sould* vendebam, *snów* nix, *knów* scio, *siw* sero, suo, *ow* debeo, *bowl* poculum, &c.

&c. quo etiam sono & ð simplex nonnunquam efferrur, nempe ante *ld*, ut in *gôld* aurum, *scôld* rixor, *hòld* teneo, *côld* frigidus, *ôld* senex, antiquus, &c. & ante *ll* in *pôll* caput, *tôll* vectigal, &c. Sed & hæc omnia ab aliis efferruntur simpliciter per ð rotundum, acsi scripta essent *sôle*, *sôld*, *snô*, &c.

In aliis vocabulis Obscuriori sono efferruntur; sono nempe composito ex ð vel ñ obscuris, & *w*.

Ut in *hòuse* domus, *mòuse* mus, *lòuse* pediculus, *bòul* globulus, *òur* noster, *òur* ex, *òwl* bubo, *tòwn* oppidum, *fòul* immundus, *fòwl* volucris, *bòw* flecto, *bòugh* ramus, *sòw* sus, &c. At *would* vellem, *should* deberem, *could* possem, *course* cursus, *court* aula, curia, & pauca forsân alia, quamvis (ut proximè præcedentia) per *ou* pronunciari debeant, vulgo tamen negligentiùs efferrî solent per *oo*.

Optandum esset ut Typographi sonum illum clariorem ab hoc obscuriori distinguerent; quod fieri potest, si non distinctis characteribus, saltem si vel illum semper accentu acuto, (vel si libet circumflexo,) notarent; vel huñc accentu gravi: Aut etiam si illum per *ow* hunc per *ou* semper scriberent.

SECT.

SECT. IV.

De Consonis aliquot conjunctis.

Gh in vocum principio ut nudum *g* *Gh.*
durum pronunciatur.

Ut in *Ghōst* spiritus, *Gheſſe* conjecturam facio.

Aliàs verò nunc dierum ferè prorsus
omittitur; syllabam tamen producen-
dam innuit: A quibusdam tamen (præ-
sertim septentrionalibus) per molliorem
saltem aspirationem *h* effertur.

Ut in *might* potestas, *light* lux, *night* nox, *right*
rectus, *sight* vilus, *sigh* singultus, *weigh* pondero,
weight pondus, *though* quamvis, *thought* cogita-
tio, *wrought* operatus est, *taught* docuit, &c. In
paucis vocabulis effertur plerumq; per *ff*, nempe
cough tussis, *tough* tenax, *rough* asper, *laugh* rideo,
proferuntur *cōff*, *tuff*, *ruff*, *laff*. *Inough* (singula-
re) fat multum, sonatur *inuff*; at *inough* (plurale)
fat multa, sonatur *enow*.

Ch effertur ut Italarum *c* ante *e* & *i*;
sono nempe composito ex *ty*.

Ch.

Excipe vocabula à Græcis & Hebræis deducta
(præsertim nomina propria, & ubi sequitur con-
sonans;) hæc enim durius, ut per *c* vel *k* effe-
runtur.

Sh effertur ut Gallorum *ch*, vel *ſy*.

Sh.

Ph effertur ut *f*: usurpatur vix alibi
quàm in vocibus a Græcis per *φ* scriptis.

Ph.

Tb duplicem admittit sonum; alterum
molliorem, affinem literæ *D*; alterum
Fortiorem, affinem literæ *T*.

Tb.

F

Molliorem

Molliorem habet in Pronominibus, Relativis, & Conjunctionibus, omnibus.

Ut *thou* tu, *thee* te, *thy*, *thine* tuus, *the*, *this*, *that*, *hic*, *ille*, *these*, *those*, *hi*, *illi*, *they* illi, *them* illos, *their* illorum, *there* illic, *thence* inde, *thither* eò, *whither* quo, *ether* sive, *whether* utrum, *neither* neque, *though*, *although*, *quamvis*.

In paucis item nominibus & verbis, presertim in *ther* finitis.

Ut *Father* pater, *mother* mater, *brother* frater, *leather* corium, *weather* tempestas, *feather* pluma; *Smooth* lavis, *neather* inferior; *Seethe* coquo, *wreathe* torqueo, *bequeath* (testamento) lego.

Alibi ferè semper Fortiorem sonum obtinet.

Ut in Præpositionibus *with* cum, *without* sine, *within* intra, *through* per: in verbis *think* cogito, *thrive* cresco, *disce* disco, *throw* projicio, *thrust* trudo, &c. *loveth* amat, *teacheth* docet, *hath* habet, *doth* agit, &c. in Substantivis *thought* cogitatio, *thigh* femur, *thing* res, *throng* turba, *death* mors, *wrath* iracundia, *length* longitudo, *strength* fortitudo, &c. & Adjectivis *thick* crassus, *densus*, *thin* rarus, *dilutus*, *tenuis*, &c.

Atq; hætenus, quæ ad puram & genuinam linguæ Anglicanæ pronunciationem spectare videntur, satis prolixè tradidi. Singulas verò variorum locorum dialectos, aut affectatas muliercularum ineptias, aliòsve barbarismos, operæ pretium non est ut tradam; ut neq; negligentiores quorundam sonorum prolationes sive quæ passim apud vulgus, sive quæ etiam apud Aulicos, aut affectare dellicatulos obtinuerunt; hæc enim ego omnia dediscenda

dediscenda potiùs quam imitanda duco. Quamvis enim non existimem linguam nostram a Gallicanæ linguæ sive elegantia sive morbo penitùs immunem esse, quin ut inter celeriter loquendum litera nonnunquam una aut altera vel omitatur vel negligentius proferatur: illud tamen (ubi mos obtinuit) patimur magis quàm jubemus; & pro tolerando potiùs errore, quàm laudandâ praxi ducimus; adeóq; siquis accuratiùs loqui velit, id ei laudi potiùs quam vituperio cederet.

Si cui autem nimis hâc in re prolixus videar; sciat ille me non hoc velle, ut quilibet extraneus, dum linguam nostram addiscere satagit, singulos minoris notæ apices exactè calleat, aut se discendo fatiget: sufficiet enim ad laudabilem hac in re progressum, ut selectiores quasdam magisq; generales regulas, easq; non adeo multas, observet: Cætera vel exercitatio docebit, vel sine magno incommodo ignorari poterunt. Atq; idem etiam de sequentibus iudicium ferendum est, quoties ad minutiora descendo.

CAP. II.

*De Anglicanæ Linguae structurâ; & primum
De nomine Substantivo.*

HActenus de Pronunciatione egimus: *Anglicanæ* sequitur ut de totâ Anglicani Sermonis structurâ agatur. *linguæ facilitas.* Hæc autem lingua quanquam a quibusdam extraneis difficilior habita fuerit, (ideo forsan quia vel nullis, vel non benè ordinatis præceptis in discendo usi fuerint;) est tamen

reverâ omnium quas scio linguarum facillima, & paucissimis regulis tota ipsius fabrica tradi poterit.

Has autem dum traditurus sum, nollem expectetis ut singula artis vocabula, quæ Grammaticæ Anglicanæ cum aliarum linguarum Grammaticis sunt communia, sigillatim explicarem; ut Quid sit *Nomen*, *Pronomen*, *Verbum*, *Participium*, &c. Quid *Substantivum*, *Adjectivum*, *Simplex*, *Compositum*, *Primitivum*, *Derivativum*, *Activum*, *Passivum*, *Transitivum*, *Intransitivum*, &c. Quid *Genus*, *Casus*, *Numerus*, *Persona*, *Modus*, *Tempus*, &c. aliâq; similia. Esset enim planè supervacaneus labor; cum nemo sit, Latinæ linguæ non prorsus ignarus, qui isthæc ignorare possit.

Neq; tamen expectetis vellem, ut in hac linguâ nostrâ omnia Latinorum linguæ penitus respondeant. Est enim tum in hac tum in modernis ferè omnibus, à Græcæ Latinæq; linguæ syntaxi immanis discrepantia; (inde præsertim orta, quod Casuum diversitates non agnoscamus.) Quam rem dum pauci animadvertunt, in nostrâ pariter & aliis modernis linguis tradendis, plus intricati laboris suscipiunt quam opus esset.

Genera, Casus, & Numeri.

Nomina Substantiva, apud nos, nullum vel *Generum* vel *Casuum* discrimen fortiuntur. Adeóq; multum tædii, quod in linguis aliis, præsertim Græcâ & Latinâ, his de rebus reperitur, prorsus abscinditur. *Numerorum* tamen discrimen agnoscimus in Substantivis, atq; etiam in Verbis.

Sexuum

Sexuum discrimen si quando velimus exprimere; non fit illud variis nominum Generibus; Masculino puta, Fœminino, & Neutro; quæ ne quidem apud Latinos sexus distinguunt; sunt enim *Scortum*, *mancipium*, *amassum*, &c. Neutrius Generis, at Sexum vel Masculum vel fœmineum referunt; & contrà, *Gladius*, *vagina*, *arcus*, *sagitta*, aliâq; innumera, quanquam neutrius Sexûs sint, sunt tamen Generis vel masculini vel fœminini. Sed nos sexus eodem planè modo quo Ætates (aliâq; accidentia) distinguimus; distinctis vocabulis, vel adjunctis Adiectivis, (sicut & Latini non rarò faciunt;) ut *vir a man*, *mulier a woman*, *juvenis a youth*, *virgo a mayd*, *puer a boy*, *puella a girle*: *Equus a horse*, *equa a mare*, *equus castratus a gelding*, *pullus a còlt*: *Lepus mas a male hare*, *lepus fœmina a female hare*: *Dama a deer*, *dama mas a buck*, *dama fœmina a doe*; *Cervus a stag*, *a hart*, *cerva a hînd*; *damula*, *hinnulus*, *a fawn*: *Anser mas a gander*, *anser fœmina a goose*, *anserculus a gossin*: *Caper a hee-goat*, *capra a shee-goat*, *capellus a kid*.

Substantiva singularia fiunt Pluralia addendo s: cui etiam aliquando præfigitur e, quoties nempe necessitas pronuntiandi illud postulat.

Numerus
Pluralis.

Necessitas autem pronuntiandi hoc postulat quoties immediatè præcedunt *s*, *z*, *x*, *sh*; vel etiam *c*, *g*, *ch*, sono molliori prolata. Ut *a hand* manus, *a tree* arbor, *a house* domus, *a fox* vulpes, *a fish* piscis, *a maze* labyrinthus, *a prince* princeps, *an age* ætas, *a tench* tinca; pluraliter *hands*, *trees*, *houses*, *foxes*, *fishes*, *mazes*, *princes*, *ages*, *tenches*. Estq; hæc sola (nunc dierum) pluralis numeri regularis formatio.

At

At olim etiam per *en* vel *yn* formabant pluralia; quorum pauca admodum adhuc retinemus. Ut *an ox* bos, *a chick* pullus (avium,) pluraliter *oxen, chicken*; (nam qui dicunt in singulari *chicken*, & in plurali *chickens*, omnino errant.) Item *a fere* filix, pluraliter *fern*; (verum nunc plerumq; *fern* utroq; numero dicitur, sed & in plurali *ferns*; nam *fere* & *feres* propè obsoleta sunt.) Dicunt etiam nonnulli (sed rariùs) *housen, eyn, shoon, &c.* pro *houses, eyes, shooes, &c.* Dicunt nonnulli *a pease* pisum, pluraliter, *peasen*; at meliùs, singulariter *a pea*, pluraliter *peas*.

Sunt etiam & alia quædam hujus formationis vestigia, sed quæ alio etiam nomine ut plurimum sunt irregularia; ut *a man* (olim *manne*) homo, vir, *a woman* mulier, pluraliter *men, women, (wemen, weomen,)* per syncopen pro *manen, womanen*; (Saxonicè olim dicebant *a man* homo, *a weapon-man* vir, *a wyfman* mulier.) Sic *a brother* frater, *a child* puer, pluraliter *brethren, children*. Item *a cow* vacca, pluraliter *keen* vel *kîne* (quasi *cowin*.) Sic & *swîne* sues (quasi *sowin*) a singulari *sow*; (at nunc *sow* tantum de sue fœminâ dicitur; *swîne* verò in utroq; numero, de utroq; sexu.) Sed & harum nonnulla retinent etiam formationem analogiam; ut *brothers, cows, sows*.

Sunt & alia pauca irregularia; *a mouse* mus, *a louse* pediculus, *a foot* pes, *a goose* anser, *a tooth* dens; pluraliter *mice, lice, (vel meece, leece,)* *feet, geese, teeth*; & vix plura. *Sheep* ovis, *bose* caliga, promiscuè dicuntur in utroq; numero; sicut etiam *swîne, chicken, fearn, peas*, ut supra dictum est.

Finite in *f* plerumq; alleviantur in plurali numero, substituendo *v.* ut *wife* uxor, *life* vita, *knife*

knife culter, *sheaf* fasciculus, *shelf* abacus vel scamnum cui aliquid imponitur, *wolf* lupus, *self* propria persona, *half* semilis, *calf* vitulus, &c. pluraliter *wives*, *lives*, *knives*, *sheaves*, *shelves*, *wolves*, *selves*, *halves*, *calves*, &c. Eadémq; alleviatio est etiam in *s* & *th*, quamvis retento charactere, in *house* domus, *clôth* pannus, *path* semita, &c. pluraliter *houses*, *clôthes*, *pathes*, &c.

CAP. III.

De Articulis.

Substantivis non rarò præfigimus duos *Articuli.* (quos vocant) *Articulos*; *A* & *The*.

Sunt autem reverâ nomina Adjectiva, & eodem planè modo usurpantur quo reliqua adjectiva. His respondent Gallorum articuli *un* & *le*; Germanorum *ein* & *der*.

A (seu, ante vocales, *an*.) est articulus Numeralis; atq; idem omnino significat ac *one* unus, sed minùs emphaticè.

A.

Notat vocis generalis particulari cuidam (sive speciei, sive individuo, saltem vago) applicationem: (ut *Patience is a vertue* patientia est virtus, vel quædam virtus:) Ideoq; soli numero singulari præfigitur (necessitate materiæ, non formæ) ut & vox *unus*. Si verò pluribus particularibus (sive speciebus sive individuis) vox generalior applicetur, illud numero Plurali innuitur; (estq; hic revera solus numeri Pluralis usus:) sic *men* homines, de individuis dici manifestum est; & *vertues* virtutes, de virtutis vel speciebus vel individuis.

The

The est articulus Demonstrativus, idemq; significat ac *that* illud, sed minùs emphaticè.

Notar Particularium unius pluriùmve (quibus actu applicatur vox Generalis) Determinationem. Sic [Terram] dicimus *earth* ubi ipsam speciem, seu elementum, terræ designamus; at *the earth* si globum terrenum (quod Individuum quoddam determinatum est) intelligamus. Attribuitur tam numero singulari quam plurali; quia tam de uno quam de pluribus individuis possumus determinatè loqui.

Neuter horum articulorum præfigitur vel voci generali generalitèr significanti, (utpote cujus significatio particularibus actu non applicatur;) vel nomini proprio, (quod ex se satis innuit & individuum & quidem determinatam;) vel etiam ubi aliud aliquod adjectivum adest quod hos articulos virtualiter contineat, (redundarent enim,) ut vir unus *one man*, vir aliquis *some man*, vir quilibet *any man*; Mundus *the world*, hic mundus *this world*. Ubi *one, some, any*, virtualiter includunt *a*; & *this* etiam virtualiter includit *the*.

Peculiares sunt phrasæ *many a man*, *never a man*; differunt enim ab his *many men*, *no men*, sicut *every man* ab *all men*: priores enim significant multos homines, nullos homines, omnes homines, sigillatim sive distributivè acceptos, posteriores saltem conjunctim seu collectivè acceptos. Nec hisce prorsus ab similes sunt, ubi (post adverbia comparationis *as, so, tam, too* nimis, at vix alia,) articulus *a* Substantivo & suo Adjectivo præcedenti interponitur (qui solet aliàs urriq; præponi;) ut, *Too smàll a reward*, *for so great a labour*, *and as great a benefit*, Nimis exigua merces pro tantò (tam magno) labore, tantòq; etiam beneficio.

CAP. IV.

De Præpositionibus.

Diversitatem Casuum (quos habent *Præpositio-*
 præsertim Græci & Latini) Angli- *num usus.*
 cana Lingua (ut dictum est) neutiquam
 agnoscit : Sed Præpositionum auxilio
 rem omnem illam præstant quam Græci
 & Latini partim Præpositionibus partim
 Casuum diversitate perficiunt.

Ideoque Præpositionum doctrinam , dum de
 nominibus Substantivis ago , (solis enim Sub-
 stantivis , aut Substantive positis , præfiguntur ,
 suntque horum quasi communis affectio ,) præter
 aliorum methodum placuit interserere. Pauca-
 rum enim harum vocularum significatu cognito ,
 tota ferè nominum syntaxis simul intelligitur.

Præpositio enim , Substantivo quod regitur
 præfixa , ostendit quem habeat illud respectum
 ad vocem illam (sive verbum sit , sive nomen , a-
 liæve orationis pars) a quâ regitur. Præpositio-
 nes enim ut plurimum Argumentis (ut loquun-
 tur) Logicis , sive Locis Topicis , innuendis in-
 serviunt.

Vox Substantiva verbo præfixa ut Lati- *Vox Nomi-*
 norum casus Nominativus , (quam igitur *nativa , &*
Vocem Nominativam , distinctionis ergo , vo- *Accusati-*
 cabimus ;) Aut etiam *Absolute posita* (ut *va.*
 loquuntur

loquuntur Latini;) Aut denique *verbo transitivo postposita* ut Latinorum casus Accusativus (quam igitur *vocem Accusativam* dicemus;) nuda semper ponitur sine præfixâ Præpositione.

Notandum autem est, Substantivum apud nos Absolutè poni, non modò ut Latinorum casus Ablativus absolutè positus qui nempe à nullo regitur: Sed etiam ut eorum casus Nominativus Absolutè positus, qui nempe nulli verbo præponitur; putà in librorum titulis, ut cùm poema Virgilianum inscribitur *Æneis*; & ubi casus Nominativus quasi suspenditur, alio nempe ante Verbum interferro, ut *Alexander magnus, ille quidem orbem vicit*, qualis constructio in Latinâ linguâ rariùs occurrit, in Græcâ Hellenisticâ sæpiùs, in Hebraica sicut & nostrâ Anglicanâ sæpius.

of.

Præpositio *Of* idem omnino innuit quod Latinorum casus Genitivus, & eandem cum illo significationis varietatem admittit, sive Substantivis, Adjectivis, aut Verbis postponatur.

Ut Opera Aristotelis, *The Works of Aristotle*. Pro illo autem non rarò ponitur Adjectivum Possessivum, de quo suo loco dicetur.

Sed & significat Objectum circa quod, ut Latinorum *De*; ut & Materiam ex quâ, ut Latinorum *Ex*,

Ut

Ut Tractatus de virtute, *A treatise of virtue*,
(aut concerning virtue;) Poculum ex auro, *A cup*
of Gold.

Off separationem significat; ut ali- *Off, On.*
quando Latinorum *abs*, *ex*, ut *abscindo*,
exuo: Cui opponitur *On*, continuatio-
nem innuens (*exuo to put off*, *induo to put*
on;) hinc *up-on* super.

From innuit terminum a quo; ut La- *From.*
tinorum *Ab*.

To vel *un-to*, innuit terminum ad quem, *To, unto.*
atque item terminum Relationis; quæ
Latini partim per casum Dativum, par-
tim per præpositionem *Ad* insinuant.

Notandum autem est hanc præpositionem
nonnunquam tam inter loquendum quam scri-
bendum aliquando omitti; ut quum dicimus *like*
mee mihi similis, *give mee* da mihi, *tell mee* dic
mihi, *near mee* mihi propinquum, &c. ubi ponitur
me ellypticè pro *to mee*.

Till, un-till; Usquedum. Tantùm de *Till, until.*
tempore dicitur.

For innuit finem cui, vel pro quo: i- *For.*
démque valet quod Latinorum *pro*, &
quod (nonnunquam) casus Dativus.

Quod mihi (seu pro me) paratur, alteri da-
tur;

datur ; *What was prepared For mee, is given To another.*

By.

By innuit Latinorum *per* ; ut & Ablativum causæ efficientis (tam principalis, quàm instrumentalis, & moralis,) cui non rarò præponunt Latini præpositionem *Ab* : Item *juxta* vel *præter*, (non modò in significatione locali, sed & exceptivâ.)

Unde *Be-side* *juxta*, *præter*, (quasi, *juxta* *latus*;) *be-neath*, *be-low*, *infra*, (quasi in humili,) *be-fore* *ante* ; *be-hind* *post*, *a tergo* ; *be-yond* *ultra* ; *be-hither* (*on this side*) *citra* ; *between*, *betwixt*, *inter*, (saltem de duobus dicitur, at *among* *inter*, non nisi de pluribus.)

Ab *hoste* *occisus* *est* *per* (*juxta*, *prope*) *aquæ fontem*, sed *primum* *suo ipsius metu*, *deinde* *hostis gladio vulneratus*, *Hee was slain By his enemy*, *By* (*beside*, *near*) *a spring Of water*, *but wounded first By his own fear*, *then By his enemies sword.*

With.

With indicat instrumentum, ut Latinorum Ablativus Instrumenti ; atque etiam concomitantiam, ut Latinorum *Cum*.

Gladio occisus, *slain with a sword* ; *mecum* *moratur*, *he abideth with me.*

Through

Through indicat Medium; & propriè *Through*. quidem medium Locale, sed & etiam medium Phycum & Morale.

Radii solis, incredibili celeritate transeunt, a cœlo per aerem ad terram, calore & lumine præditi, quibus nos oblectat, & plantas vivificat, quas Deus nobis paravit, nobisq; dedit, in usum nostrum & ipsius gloriam. *The beames Of the sun, With incredible speed, passe From heaven Through the air To the earth, indued With light and heat, By (with, through) which it comforteth us, and quickeneth the plants which God hath prepared For us, and given To us, For our use and his glory.*

After post, *against* contra, *among*, *amongst*, *inter*; *near*, *nigh*, *prope*; unde *next* (quasi *nigh'st*) *proxime*. *After, &c.*

In respondet Latinorum præpositioni *in* cum Ablativo; & significat quasi præsentiam in loco. *In.*

Unde *within* intra, οὐν τοῖς ἐσω.

Into respondet Latinorum præpositioni *in* cum casu Accusativo; & significat quasi motum in locum. *Into.*

Out vel *out of* valet *ex*. Unde *with-out* extra, *ab-out* circa. *Out.*

At (apud) indicat existentiam in loco. *At, &c.*

Pro quo in compositione plerumque ponitur *a*, & (ante vocalem) *ab*; ut *a-bed* in lecto, *a-broad* foras, (quasi in lato,) *ab-ove* (over) supra; *a-low*, *a-fore*, *ab-aft* (pro *be-low*, before, after;) *a-board* in navi (quasi, super tabulatum;) *ab-out* circa (quasi, in extremitatibus;) *a-doing*, faciens, facturus, infaciendo; *a-dying* moriens, in moriendo; *a-frayd*, *a-fear'd*, territus, in timore positus; *to a-fright* terrefacio; *at-length*, *at-last*, tandem (quasi, ad longitudinem, ad extremum;) *at-least* saltem (quasi, ad minimum;) &c. Forſan & *a-gainſt* contra, *a-mong*, *a-mongſt*, inter; hinc etiam deduci poſſunt.

Ward.

Ward verſus, ſemper poſtponitur.

Ut *to-ward* erga, ad-verſus; *hither-ward* huc, huc-verſus; *up-ward* ſuſum, ſus-verſum; *down-ward* deorſum, de-verſum; *fore-ward* prorſum, antrorſum, præ-verſum, anteriùs-verſum; *back-ward* retrorſum, retroverſum; *heaven-ward*, *to-ward-heaven*, *to-heaven-ward*, cœlum verſus.

Touching,
&c.

Touching, concerning, (ſpectans, attingens, concernens) propriè ſunt Participia, at uſurpantur ſæpe ut Præpoſitiones: Sic *according to* conſonans, *belonging to* attinens, aliæque forſan aliqua participia.

Præpoſitiones non rarò degenerant in Adverbia: Sicut & Latinorum, ſine ſuis caſibus poſitæ.

C A P.

CAP. V.

De Adjectivis.

Adjectiva, sine omni vel Casuum, vel *Adjectivo-*
Generum, vel etiam Numerorum *rum usus.*
discrimine, suis Substantivis adjungun-
tur: Eodem planè modo quo Adverbia
verbis aliisve orationis partibus. Et qui-
dem plerumque immediatè præfiguntur, *Eorum*
si saltem sola veniunt nec suo (quod re-
gunt) satellitio comitata. *sedes.*

Ut Vir bonus *a good man*, bona mulier *a good woman*, res bona *a good thing*, pluraliter *good men, good women, good things.*

Substantivum autem cum suo Adjectivo (sicut & vox rectrix quæcunque cum toto suo quanto-
cunque satellitio) habetur quasi una vox com-
posita: Unde & illud Aggregatum non rarò a-
liud assumit Adjectivum (vel etiam aliam quam-
vis affectionem) eodem prorsus modo ac si esset
una vox: (atque hoc demum tertium, & sic de-
inceps.) Ut *Vir a man*, vir senex *an old-man*, se-
nex prudens *a wise old-man*, senex valdè prudens
a very-wise old-man, tres prudentes senes *three wise-old-men*. Ubi Substantivo *man* præfigitur
articulus Adjectivus *a*; deinde eidem substantivo
man præfigitur Adjectivum *old*, & Substantivo
old-man articulus *an*; item Substantivo *old-man*
Adjectivum *wise*, aut etiam Adjectivum Adver-
bio modificatum *very-wise*, & toti item huic ag-
gregato Adjectivum *a*, vel (pluraliter) *three*.

Ubi verò vel plura sunt Adjectiva quasi
col-

collateraliter copulata, vel etiam unum cum suo satellitio, plerumque postponuntur Substantivo.

Ut, Vir prudens pariter & fortis, *a man both wise and valiant*; vir summè prudens, *a man exceeding wise*; vir multis rebus peritus, *a man skilfull in many things*: Sed etiam dicimus *A wise and valiant man*, *An exceeding wise man*, *A skilfull man in many things*.

Duo tamen sunt Adjectivorum genera, a Substantivis immediatè descendencia, quæ semper Substantivis suis præponuntur. Eadèmq; omnium fere Præpositionum vices supplent.

Adjectiva Possessiva.

Primum quidem Adjectivum Possessivum libet appellare. Fit autem a quovis Substantivo (sive singulari sive plurali) addito *s* (aut *es*, si necessitas pronunciationis postulaverit.) Illud autem innuit quod præpositio *of*, cùm Latinorum Genitivo Possidentis aut etiam Efficientis respondet.

Ut *Mans nature, the nature of man*, natura humana vel hominis; *mens nature, the nature of men*, natura humana vel hominum; *Virgils poems, the poems of Virgil*, poemata Virgilii vel Virgilianna.

Atque idem omnino fit ubi substantivum aggregatum occurrit, (hoc est, substantivum primarium

marium cum suo quasi satellitio,) toti nempe aggregato postponitur s possessivi formativum. *The Kings Court*, Aula Regia, vel Regis; *The King-of-Spain's Court*, Aula Regis Hispaniæ; (vel *the Court of the King*, *the Court of the King of Spain*;) toti nempe illi aggregato *the King of Spain*, tanquam uni Substantivo, postponitur litera formativa s.

Si tamen Substantivum Plurale exeat (ut plerumque fit) in s; duo s (nempe formativum pluralis, & formativum possessivi,) in unum coincidunt, seu potius prius (euphoniæ gratiâ) eliditur: ut *the Lord's House*, *the House of Lords*, Domus Dominorum, seu Magnatum; *the Common's House*, *the House of Commons*, Domus Communium; pro *the Lords's House*, *the Commons's House*.

Quod idem etiam fieri non rarò solet in numero Singulari, quoties nomen Proprium exit in s: ut *Priamus Daughter*, *the Daughter of Priamus*, Priami filia; *Venus Temple*, *the Temple of Venus*, Veneris templum: pro *Priamus's Daughter*, *Venus's Temple*.

Qui autem arbitrantur illud s, loco vocis *his*, adjunctum esse, (priori scilicet parte per Aphæresin abscissâ,) ideòq; Apostrophî notam semper vel pingendam esse vel saltem subintelligendam; omnino errant. Quamvis enim non negem quin Apostrophî nota commodè nonnunquam affigi possit, ut ipsius literæ s usus distinctius, ubi

opus est, percipiatur; ita tamen semper fieri debere, aut etiam idè fieri quia vocem *his* innuat, omnino nego. Adjungitur enim & Fœminarum nominibus Propriis, & Substantivis Pluralibus, ubi vox *his* sine solœcismo locum habere non potest: atque etiam in possessivis *ours, yours, theirs, hers*, ubi vocem *his* innui nemo somniaret: & quidem ipsa vox *his*, ut & interrogativum *whose*, nil aliud sunt quam *hee's, who's*, ubi *s* idem omnino præstat quod in aliis possessivis: Scribitur autem *his* pro *hees*, eodem errore quo nonnunquam *bin* pro *been*; item *whose* pro *who's*, eodem errore quo *done, gone, knowne, growne*, &c. pro *doen, goen, knownen, grownen*, vel *do'n, go'n, know'n, grow'n*; utrobique contra analogiam linguæ.

Respectiva. Alterum Adjectivorum (quod innuebatur) genus est, quod Adjectivum *Respectivum* (quoniam aptius non occurrit vocabulum) appellare libet: Quo Respectus alii ferè omnes (præter eos qui Adjectivo Possessivo innuuntur) innui solent: Qui tamen multò distinctius, ubi illud requiritur, per Præpositiones exprimuntur. Est autem nihil aliud quam ipsa vox Substantiva Adjectivè posita: & quidem non rarè sequenti voci per *Hyphen* conjungitur, quasi fieret vox composita.

Sic *a Sea-fish*, *a fish of the Sea*, piscis marinus, vel maris, (in mari, ex mari, ad mare pertinens;)

tinens;) a river fish piscis fluvialis; a wine-vessel, a vessel for wine, vas vinarium, seu vino destinatum; a Turkey-voyage, a voyage to Turkey, navigatio Turcica, seu in Turciam; a sea-voyage, a voyage by sea, iter marinum, seu per mare; home-made, made at home, domi factum, vel apud domum; self-love φιλαυτία, sui amor; self-murder, αυτοχειρία, sui cædes; man-slaughter, the slaughter of man, homicidium, humana cædes, cædes hominis; a gold-ring, a ring of gold, annulus aureus, vel ex auro; & infinita alia.

Neque solis Substantivis, sed & Adjectivis, Participiis, aliisque forsan orationis partibus, huiusmodi Adjectiva Respectiva adjiunguntur: ut a sun-shiny day, dies ἡλιαυγής, solis splendore clarus; a self-tormenter, vel self-tormenting man, Heautontimorumenus, ἐαυτὸν τιμοῦμενος.

Cum autem Adjectiva non nisi Substantivis adjungi soleant; Dicendum est, vel illa hic loci (ut alia etiam Adiectiva) in Adverbia degenerare; vel potius supponenda sunt cum Substantivis primò conflare, ut sun-shine solis splendor, self-torment αὐπτιμωεία, sui tormentum; & deinde ex his aggregatis formari Adjectiva, sun-shin-y, self-torment-ing.

Si quis autem hæc omnia pro Compositis haberi contendat; ego non prorsus abnuo, modò talia composita dicat esse qualia sunt ὅστις, ὧν-τινων, ἐκέτι, τοιγαῦν, etiam, quare, quamobrem, quandoquidem, nihilominus, respublica, senatus-consultum, huiusmodi, &c. in quibus & voces ipsæ & syntaxis manet integra.

Notandum autem est, quod huiusmodi Ad- *Materialia*
jectiva nonnulla, quoties Materiam significant,

(& Materialia igitur dici possunt,) terminationem en aliquando assumunt : ut a *gold-ring*, a *golden ring*, annulus aureus ; a *brasse-vessel*, a *brazen vessel*, vas æneum ; a *horn top*, a *hornen top*, trochus corneus ; Sic a *leaden pipe* tubus plumbeus , a *woodden beam* trabs lignea , an *earthen vessel* vas fictile, vas terreum ; & rarò alia.

Sed nec hæc Adjectiva Materialia tam strictam subeunt legem quin aliquando possint suis substantivis postponi ; Ut nec alia Adjectiva (præter duo jam enumerata genera) sive primitiva sint ; sive a Substantivis aut aliunde formata ; quorum non pauca genera suo loci recensentur.

Adjectiva Substantivè posita (hoc est, omisso suo Substantivo,) pro Substantivis habentur : Et, Adverbialiter posita, Adverbiascunt.

CAP. VI.

De Comparationibus.

NOMina Adjectiva (ut apud Latinos) Comparationem fortiuntur ; Gradus nempe adsciscunt Comparativum & Superlativum.

Gradus
Comparationis.

Gradus Comparativus formatur a Positivo addendo *er* ; Superlativus addendo *est*.

Ut *fair* formosus, *fairer* formosior, *fairest* formosissimus. Sed & uterque gradus per circumloquutionem formatur, ut apud Latinos ; ut, *more fair*, *most fair*, *very fair*, magis formosus, maximè formosus, valdè formosus.

Tria

Tria quidem (& vix plura) formantur irregulariter. *Good* bonus, *better*, *best*, (pro *bet'st*;) *Bad*, *ill*, *malus*, *worse* (& *worser*;) *worst* (pro *wors'st*;) *Little* parvus, *lesse* (& *lesser*;) *lest* (pro *les'st*.)

Multi pro *lest* scribunt *least*, (ut distinguatur a conjunctione *lest* ne, ut non,) verum omnino contra analogiam Grammaticæ. Mallem ego Adjectivum *lest*, Conjunctionem *least* scribere.

Ex quibusdam sive Præpositionibus sive Adverbiis formantur (ut apud Latinos) Adjectiva Comparativa & Superlativa. Sic *Be-fore*, *former*, *fermost*, (& *first*, quasi *for'st*) præ, prior, primus; *Ab-ove*, *over*, *overmost*, vel *up*, *upper*, *upmost*, & *uppermost*, supra, superior, supremus: *Be-neath*, *neather*, *neathermost*, infra, inferior, infimus: *Be-hind*, *hinder*, *hindmost*, & *hindermost*: *Late*, *later*, *latest*, & *la'st*, post, (serò,) posterior, postremus: *Much* multum, & *many* (olim *moe*) multi, faciunt *more*, *most*, quasi *mo'r*, *mo'st*.

Ut alia Adjectiva, ita præsertim Comparativa & Superlativa sæpissimè Adverbiascunt.

Ut *ill-done* malè factum, *much lesse* multò minus, *lesse pleasant* minùs volupe, *most learned* maximè doctus.

C A P. VII.

De Pronominibus, seu Nominibus Personalibus.

Nomina quædam *Personalia*, vulgo *Pronomina* dici solent; ideo quia alterius Nominis quasi vicem supplent.

Sunt quidem revera Nomina, sed aliquantum irregularia.

Pronominum status duplex.

Hæc autem, tam singularia quam pluralia, duplici ferè formâ seu statu occurrunt: alterum ego *Rectum* appello, alterum *Obliquum*. Habentque sua Adjectiva Possessiva, licèt peculiari plerumq; modo formata.

In statu recto usurpantur quories vel Absolutè ponuntur; vel Verbo præcedunt ut Latinorum casus rectus: In statu verò obliquo, ubi vis alias; quippe cùm Verbo, Præpositioni, aliive voci restricti postponuntur.

Pronominum enumeration.

I.

Primam personam designat in Recto Singulari *I* ego, in Obliquo *me*, cuius Possessivum *my*, *mine*; in Recto Plurali *we* nos, in Obliquo *us*, cuius Possessivum *our*, *ours*, noster.

Thou.

Secundam personam designat *thou* tu, in obliquo *thee*, unde Possessivum *thy*, *thine*; Pluraliter (tam in recto quam obliquo) *ye*, *you*, vos, unde Possessivum *your*, *yours*, vester.

Hee.

Tertiam personam, ubi de Maribus fit sermo, *hee* ille, in obliquo *him*, unde Possessivum *his* (pro *hee's*.) Sin de Fœminis agatur, *shee* illa, in obliquo *her*, Possessivum *her*, *hers*: Si autem de neutro sexu agatur,

agatur, *it* illud (tam in statu recto quam obliquo,) unde Possessivum *its*. In plurali (sive de maribus, fœminis, aut neutris agatur,) *they* illi, illæ, illa; in obliquo *them*; Possessivum *their*, *theirs*.

Interrogativum, in utrovis numero, de Personis est, *who* quis, in obliquo *whom*; De Rebus (tam in recto quam obliquo) *what*; Possessivum *whose*, (vel potius *who's*,) Quod tamen de Rebus rariùs usurpatur, sed potiùs *whereof*. *Who.*

Notandum autem Possessiva *my*, *thy*, *her*, *our*, *your*, *their*, tunc usurpari quando Substantivis conjunguntur; ut *this is my house*, hæc est mea domus: at *mine*, *thine*, *hers*, *ours*, *yours*, *theirs*, ubi Substantivum subintelligitur, ut *this house is mine*, domus hæc est mea: sed & *mine*, *thine*, dicimus nonnunquam ubi Substantivum exprimitur, sed solummodo ante Vocale; ut *my arm* vel *mine arm*, brachium meum. Nonnulli etiam *hern*, *ourn*, *yourn*, *hyn*, dicunt pro *hers*, *ours*, &c. sed barbarè, nec quisquam (credo) sic scribere solet.

Notandum item apud nos morem obtinuisse (sicut apud Gallos aliòsque nunc dierum) dum quis alium alloquitur, singularem licet, numerum tamen pluralem adhibendi; verùm tunc *you* dicimus, non *ye*. Singulari verò numero si quis alium compelleret, vel dedignantis illud esse solet, vel familiariter blandientis.

Hæc autem omnia Pronomina simul conspicienda proponit hæc Synopsis.

		Pronom. Primit. in statu.		Eorum Posses- siva.	
		Recto	Obliguo	Cum Sub- stantivo.	Sine Sub- stantivo.
Perf. 1.	Singularis	<i>I</i>	<i>me</i>	<i>my</i>	<i>mine</i>
	Pluralis	<i>Wee</i>	<i>us</i>	<i>our</i>	<i>ours</i>
Perf. 2.	Singularis.	<i>Thou</i>	<i>thee</i>	<i>thy</i>	<i>thine</i>
	Pluralis.	<i>Yee</i>	<i>you</i>	<i>your</i>	<i>yours</i>
Perf. 3.	Sin.	Maf.	<i>Hee</i>	<i>him</i>	<i>his</i>
		Fœ.	<i>Shee</i>	<i>her</i>	<i>her</i> <i>hers</i>
		Neu.	<i>It</i>		<i>Its</i>
	Pluralis.		<i>They</i>	<i>them</i>	<i>their</i> <i>theirs</i>
Interrogativum.	Personarũ.	<i>Wha</i>	<i>whom</i>	<i>whose</i>	
	Rerum.		<i>What</i>	<i>whereof</i>	

Demonstrativa *this, that, hic, ille*; pluraliter *these, those*. Item *the same idem*; & Relativum vel etiam Interrogativum *which* qui: nullâ ratione dicenda puto Pronomina, sed planè nomina Adjectiva.

Non enim pro nomine Substantivo poni solent, ut nempe ipsius locum suppleant, (quod in Pronominibus fieri debere ipsa Denominatio ostendit:) sed Substantivis adjiciuntur, eodem planè modo quo alia quælibet Adjectiva; ut *this man, that man, which man, the same man*, homo hic, ille, quis, idem. Si enim aliquando sine suis substantivis occurrant, quod quidem non rarò fit, ipsa tamen Substantiva subintelliguntur; prout in aliis ferè omnibus Adjectivis fieri solet. Dicimus enim, Latine *unus, multi, omnes, alii, docti, indocti, &c.* Anglicè, *one, many, all, others, the learned, the unlearned, &c.* omissis Substantivis: Nec tamen hæc Adjectiva in Pronominum numerum accenserì solent.

Relativum *which* qui, usurpatur etiam interrogativè; ut in aliis linguis fieri solet. *Which.*

Est autem nomen adjectivum.

De his autem notandum est, dici non rarò *hereof, thereof, whereof; hereby, thereby, whereby, &c.* pro *of this, of that, (of these, of those,) of which; by this, by that, (by these, by those,) by which, &c.*

Notandum item vocem *what* (interrogative, aut indefinite sumptam) aliquando Adjectivè poni; sed non eodem sensu quo inter Pronomina suprâ retulimus: Nam *what* pronomen, significat *Quid* (substantivè sumptum;) at *what* Adjectivum, potius est *qualis*; ut *what man*, qualis homo.

What.

Own.

Vox *own*, quæ possessivis non rarò ἐμ-
φαικῶς subjungitur, est planè nomen
Adjectivum, & valet Latinorum *Proprium*.

Sic *my own house, your own lands, Alexanders
own sword, &c.* [Mea ipsius domus, vestri ipsorum
fundi, Alexandri ipsius ensis, &c.] sunt ad ver-
bum *mea propria domus, vestri proprii fundi, Alex-
andri proprius gladius. &c.*

Self.

Vox *self*, pluraliter *selves*, quamvis e-
tiam Pronomen a quibusdam censeatur,
(quoniam ut plurimum per Latinum ipse
redditur;) est tamen planè nomen sub-
stantivum; cui quidem vix aliquod apud
Latinos Substantivum respondet, proximi-
mè tamen accedit vox *persona*, vel *propria
persona*.

Ut *my self, thy self, our selves, your selves, &c.*
[ego ipse, tu ipse, nos ipsi, vos ipsi, &c.] ad ver-
bum *mea persona, tua persona, nostræ personæ, vestræ
personæ, &c.* Fateor tamen *himself, itself, them-
selves*, vulgò dici pro *his-self, its-self, their-selves*;
at (interposito *own*) *his own self, its own self,
their own selves*, ipsius propria persona, illorum
propriæ personæ. Eodem sensu apud Græcos
Poetas occurrunt ἴς, βίη, καὶ ἑαυτοῦ; ut βίη Ἡ-
ερακλῆϊν, vel Ἡερακλῆϊ βίη, Hercules ipse,
vel, propria Herculis persona; *Hercule's self,
Hercules himself, Hercules's own self*. Sic illud
Psal. 99. 4. Ἰσχυρὸς ὁ βασιλεὺς ἰσχυρίαν ἀγαπᾷ,
robis Regis justitiam amat,
reddi non incommodè poterit, *the Kings self*
(vel

(vel the Kings Majesty) loveth righteousness; Rex ipse, Regia Majestas, Regis persona propria iustitiam amat.

CAP. VIII.

De Verbo.

Verborum flexio seu conjugatio, quæ in reliquis linguis maximam sortitur difficultatem, apud Anglos levissimo negotio peragitur.

Nos duo tantum habemus Tempora *Tempora.* in quovis verbo, Præsens & Præteritum imperfectum: Duo item Participia, Activum & Passivum, quæ planè Adjectiva sunt, aliorumq; Adjectivorum naturam omnino obtinent. Quod superest, verborum aliquot auxiliarium adjumento ferè totum perficitur.

Præsens, est ipsum thema; ut *Burn* uro: *Præsens.* Atq; illud innuit quod jam cum loquimur *præsens* est.

Præteritum Imperfectum themati regulariter adjungit *ed*, ut *Burned* urebam: *Præteritum Imperfectum.* Illud autem innuit quod illo quidem tempore (de quo fit sermo) *præsens* erat, seu (ut loquuntur) *in fieri.* Atq; eadem *Participiū Passivum.* etiam vox est Participium Passivum regulariter

gulariter formatum; ut *Burned* uſtus.

Præteriti Imperfecti, & Participii Paſſivi Anomalix poſt tradentur.

Activum.

Participium Activum themati adjungit *ing.* Ut *Burning* urens. Eadẽmq; vox Subſtantivè poſita eſt Nomen Verbale, atq; etiam Gerundiorum vices ſupplet, ut *in burning this* in urendo hoc, *in burning of this* in uſtione hujus.

Verbo Infinitè poſito præfigi ſolet particula *to.* (Quæ tamen nonnunquam omittitur; ut poſt dicetũr.)

Uſurpatur autem poſt alia (non pauca) verba, & Adjectiva; ut etiam ubi Subſtantivè ponitur: omnino ut Latinorum modus infinitivus.

Personæ.

Personarum & Numerorum diſtinctio, per præfixa nomina Perſonalia, (vel, in tertiâ perſonâ, alia quævis Subſtantiva,) inſtar Latinorum caſus nominativi, maximè indigitatur: ut *I burn* uro, *they burn* urunt.

In ſecundâ tamen perſonâ ſingulari, utriuſq; Temporis, additur terminatio *eſt;* & in tertiâ ſingulari, præſentis temporis, terminatio *eth,* vel ipſius loco *s,* (aut, ſi neceſſitas pronunciandi poſtulet, *es.*) *Thou burneſt,* *He burneth,* (vel *burns,*) *thou burneſt;* uris, urit, urebas.

Dicimus

Dicimus autem (a verbis auxiliariibus *will*, *shall*,) *wilt*, *shalt*, per syncopen pro *will'st*, *shall'st*: Item *hast*, *hath*, hoc est *ha'st* *ha'th*, pro *hav'st*, *hav'th*, (ut & *had* pro *hav'd*.) Et in verbis auxiliariibus *will*, *shall*, *may*, *can*, terminatio *eth*, prorsus omittitur.

Omittitur etiam utraq; terminatio in Imperando; &, post conjunctiones *if* si, *that* ut, *though*, *although* quamvis, *whether* utrum, & aliquando etiam post alia aliquot Conjunctiones & Adverbia; tunc scilicet ubi Latini modum Imperativum aut Subjunctivum adhiberent.

In Terminationibus *est*, *eth*, *ed*, (& *en*, de qua postea dicetur, ut & passim alias) vocalis *e*, ferè ad placitum, per Syncopen tollitur, (nisi forsitan asperitas pronunciandi aliquando impediatur;) ejusq; defectus, ubi opus est, Apostrophì notà innuitur; ut *plac'd* pro *placed* locatus; *burn'd*, *burnd*, pro *burned* ustus.

C A P. IX.

De verbis Auxiliariibus Mutilis.

Verbis infinitis (sed omisâ particulâ *Auxiliaria* 10) præponuntur hæc Verba Auxiliaria *Do*, *will*, *shall*, *may*, *can*, cum eorum Præteritis Imperfectis *Did* (pro *doed*,) *would*, *should*, (ab antiquis *wolle*, *sholle*,) *might* (olim *mought*,) *could*: Item *must* (quod extra tempus præsens non reperitur.)

Sed

(Sed & Verba *let* permitto, *bid* jubeo, *dare* audeo, *help* adjuvo, & fortasse alia nonnulla, (quasi essent verba Auxiliaria) præponuntur etiam verbis infinitis omisâ particulâ to.)

Hac autem verba auxiliaria, ideo *mutila* nominanda censeo, quoniam ultra tempus Præteritum Imperfectum non usurpantur: Participia nempe non habent, nec verba auxiliaria sibi præfixa admittunt.

Duo tamen *Do* ago, & *will* volo, quoniam depositâ auxiliarium naturâ non rarò ut verba Absoluta occurrunt, integrè formantur; nempe tam participia habent (*doing, done, willing, willed,*) quàm verba auxiliaria admittunt; ubi scilicet sunt verba absoluta, non autem ubi sunt Auxiliaria.

Do.

Do & *did* indicant emphaticè tempus Præsens, & Præteritum Imperfectum. *Uro, urebam; I burn, I burned,* vel (emphaticè) *I do burn, I did burn.*

Shall, will.

Shall & *will* indicant Futurum. *Uret It shall burn, it will burn.*

Quoniam autem extraneis satis est cognitu difficile, quando hoc vel illud dicendum est; (non enim promiscuè dicimus *shall* & *will*;) neq; tamen alii quos vidi ullas tradidere regulas quibus dirigantur: has ego tradere necessarium duxi, quas qui observaverit hac in re non aberrabit.

Quomodo differunt.

In primis personis *shall* simpliciter prædicentis est; *will*, quasi promittentis aut minantis.

In

In secundis & tertiis personis, *(shall promittentis est aut minantis, will simpliciter prædicentis.*

Uram, ures, uret, uremus, uretis, urent: *I shall burn, you will, (thou wilt,) he will, we shall, ye will, they will burn; nempe hoc futurum prædico: vel I will, you shall, (thou shalt) he shall, wee will, yee shall, they shall burn; nempe, hoc futurum spondeo, vel, faxo ut fit.*

Would & should illud indicant quod erat, vel esset, futurum: cum hoc tamen discrimine; *Would* voluntatem innuit seu agentis propensionem, *should* simpliciter futuritionem.

Urerem; urere debebam, deberem, volebam, vellem; *I should, or would, burn.*

May & can, cum eorum præteritis Imperfectis *might & could*, Potentiam innuunt: cum hoc tamen discrimine: *may & might* vel de Jure vel saltem de rei possibilitate dicuntur; at *can & could*, de viribus agentis.

Potsum (sive potis sum) urere, *I can burn*; poteram vel possem (potis eram vel essem) urere, *I could burn*: possum urere (nempe possibile est, aut licet,) *I may burn*; poteram vel possem urere (possibile vel licitum erat vel esset) *I might burn.*

Must

Must.

Must necessitatem innuit. Debeo, oportet, necesse est, urere, *I must burn.*

CAP. X.

De Verbis Auxiliariis Integris.

*Auxiliaria
integra.*

Alia duo verba auxiliaria *Have*, & *am* (seu *bee*,) Præponuntur Participiis Passivis; eodem planè modo quo aliis quibuscvis vel Adjectivis vel etiam Substantivis.

Eodem plane modo quo Gallorum *j'ay, je suis*; aliâq; ejusdem significationis in linguis aliis modernis; quibus hæc nostra respondent.

Integra vero ideo appello, quoniam non modo duo tempora (præsens & imperfectum,) sed & participia habent, & verba auxiliaria sibi præfixa admittunt (dummodo ipsa tamen adhuc maneat auxiliaria) non secus ac alia quævis Verba absoluta.

Auxiliaria tamen dico, quia non modò Præteritorum perfectorum & plusquam perfectorum omnium, sed & totius vocis Passivæ vices sustinent.

Have.

Have (participio passivo junctum) indicat Præteritum Perfectum; illud nempe quod nunc est præteritum, seu (ut loquuntur

quantur) in facto esse: *Had*, præteritum plusquam perfectum, illud nempe quod tunc erat præteritum, (eo scilicet tempore de quo fit sermo.)

Ussi *I have burned*, ufferam *I had burned*, ufsisse *to have burned*, *ἔχους* having burned, loquutus having sp ken. Sic *shall have*, *will have*, illud indicant quod erit præteritum; quod Græci fortasse per ipsorum paulo-post-futurum, vel mox-futurum exprimere possunt; Latini verò ægrius exprimunt nisi in verbis formæ Passivæ, ut loquutus ero, *I shall have spoken*, locutus essem, *I should have spoken*; nam *I shall have burned*, *It will have burned*, difficilius latine redditur, nisi forsitan *ussero*, *usserit*, tantundem significare dicamus: At *I should have burned*, *I would have burned*, Latine dicimus, *Ufssissem*, *ufsisse vellem*.

Am vel *bee* sum, (participio passivo *Am*, *Bee*. junctum) totius vocis Passivæ (ut loquuntur Latini) vices gerit.

Prout etiam in aliis nunc dierum linguis; & quidem ex parte in linguâ etiam Latinâ.

Est autem hoc verbum satis anomalum; & duplicem quidem formam habet.

In Præsentī { *Am*, *art*, *is*, pluraliter *are*.
 Bee, *bee'st*, *bee*, pluraliter *bee*.

In Præterito { *was*, *wast*, *was* } pluraliter
Imperfecto { *were*, *wert*, *were*, } *were*.

H

Infinitum

Infinitum *to be*. Participium Activum *being*; passivum *been*.

Prior forma (tam in Præsenti, quam in Præterito Imperfecto) illic plerumq; adhibetur ubi Latini modum Indicativum ponerent; alibi ferè semper secunda.

Uror, ustus sum, *I am burned*; si urar, si ustus sim, *if I be burned*; urebar, ustus eram, *I was burned*; quamvis urerer, quamvis ustus essem, *although I were burned*; ustus fui, *I have been burned*; ustus fueram, fuisset, *I had been burned*; urar, *I shall be burned*; ustus ero *I shall have been burned*; ustus essem, fuisset, *I should be burned, I should have been burned*; ustus esto *be burned*; uri *to be burned*; ustus esse vel fuisse *to have been burned*. &c.

CAP. XI.

De sede vocis Nominativæ & Accusativæ,
aliiq; ad Verborum syntaxin
spectantibus.

*Sedes vocis
Nominati-
væ.*

INterrogando & Imperando, vox Nominativa suo Verbo postponitur; (nempe Auxiliarium primo, si quod adfit; vel, si non adsit auxiliare, ipsi verbo Absoluto:) Alibi plerumq; (nec semper tamen) præponitur.

Ubi

Ubi autem *Imperando* dixi, etiam intelligendas vellem *Permissiones*, *Concessiones*, &c. quæ a Latinis per modum *Imperativum* efferuntur. *Uro, uris, urit, &c. I burn, thou burnest, he burneth, &c. vel I do burn &c. Uro? uris? urit? &c. Burn I? burnst thou? burneth he? &c. vel Do I burn? dost thou burn? doth he burn? &c. Uram, uras, urat, &c. vel ure, urito, &c. Burn I, burn thou, burn he, &c.*

Norandum autem quod ubi in secundis personis fit *Imperium* seu *Concessio*, vox nominativa sæpius omittitur; ut *Ure, urite, burn; pro burn thou, burn yee*. In reliquis verò personis fit sæpe *circumlocutio* per vocem *let* (*permitte, sine*,) ut *Uram, uras, uramus, urant, let me burn, let him burn, let us burn, let them burn*; hoc est ad verbum *sine me urere* (*permitte ut uram*) *sine eum urere*, &c. Quod ipsum quidem apud Latinos fit, nam cum *urat, uramus, &c.* (quæ sunt revera modi *Subjunctivi*) *Imperativè* usurpantur, ponuntur *ellipticè*, pro *esto ut urat, licet ut urat, licet urat, sine urtat*, aut alia ejusmodi formulâ.

Nec mirum sit, me primam personam singularem modi *Imperativi* recensuisse, quod pauci faciunt; nam qui hujusmodi formas *Imperativas* esse concesserit, [*Petam* quoties velit, nunquam obtinebit; *Petamus* quoties velimus, nunquam obtinebimus, &c.] *Ask he* (vel *let him ask*) *as oft as he will, he shall never obtain; &c.* idem etiam de hac; eadem ratione, concedere debet [*Petam* ego quoties velim, nunquam obtinebo;] *Ask I* (*let me ask*) *as oft as I will, I shall never obtain.*

Eadem ferè formâ nonnunquam *postpositio* vocis *Nominativæ*; (post *Præteritum Imperfe-*

atum, præsertim verborum auxiliarium,) supplet defectum conjunctionis *if* *si*. Si petiisset, obtinisset: *Had he asked, (pro if he had asked) hee had obtained.*

*Sedes vocis
Accusati-
væ.*

Vox Accusativa verbis Transitivity (nunc dierum) plerumq; postponitur; ut *Urit me, he burneth mee.*

At olim solebat sæpius præponi, *hee mee burneth, mee hee burneth;* prout adhuc apud Germanos & Belgas usu fit; & aliquando etiam apud Anglos, præsertim Poetas.

*Sedes particulae
Negativæ.*

Adverbium negandi *not* (non,) Verbo postponitur, (nempe auxiliari primo, si quod adsit, aut, si non adsit auxiliare, Verbo principali:) aliis tamen orationis partibus præfigi solet.

Non urebat, *it burned not, it did not burn:* non me *not mee;* me non-urebat *it burned me not, it burned-not mee, mee it burned-not;* non-me urebat *it burned not-me, me it burned not.*

*Latinorum
Participia
in rus &
dus.*

Latinorum Participia Futuri temporis (in *rus* & *dus*) nos plerumq; efferimus per Verbum Infinitum.

Præfixo tamen (aut per Ellipsin omissio) Adjectivo aptæ significationis; (vel aliquando Præpositione) ut fiat circumlocutio. Moriturus to *dy,* vel *about to dy* (quasi, circiter ipsum mori,) *ready*

ready to dy (mori paratus,) *like to dy* (morti vicinus, verisimiliter moriturus,) *condemned to dy*, (morti damnatus.) Sic, occidendus, *to be killed*, *ready to be killed*, *like to be killed*, aut aliâ non ab-
simili formâ.

Est (ut loquuntur) tertii adjecti, innuitur præfixâ voce *there*, & postpositâ voce Nominativâ. Ut *Est* (datur) calor in sole, *there is heat in the Sun*: Non sunt (non dantur) orbes solidi, (nulli dantur orbes solidi,) *there are no solid orbs*, &c.

Verba Impersonalia, propriè non habemus: sed quæ Latini Impersonaliter efferunt, nos efferimus personaliter, præfixâ voce Nominativâ *it*. Verba Impersonalia.

Placet, juvat, oportet me, virtuosum esse; *It pleaseth, it delighteth, it behoveth me, to be virtuous*. Ubi tamen si quis dicat [*virtuosum esse*] casum esse Nominativum verbis *placet, juvat, oportet*, ideòq; ipsa esse Personalia; ego neutiquam inficias ibo. Constructio Anglicana sic accipienda est, *To be virtuous, it pleaseth mee*; (virtuosum esse, id mihi placet:) Ubi, vel prior vox Nominativa (to be virtuous, virtuosum esse) absolute ponitur; vel posterior (*it*, id) redundat, saltem emphatica vel exegerica fit reduplicatio.

CAP. XII.

*De Verbis Anomalis.**Duo Præmonita.*

Restat ut de Verborum aliquot Anomaliâ pauca tradam. De quibus hæc duo primitus monenda sunt.

1. Tota quæ sequitur Anomalia non nisi Præteriti Imperfecti temporis, & Participii Passivi formationem spectat.

Nam in ipsis quidem Verbis Irregularibus nihil aliud irregulare est.

2. Tota illa quantacumq; Anomalia, Verba Exotica vix omnino attingit, sed illa sola quæ Nativa sunt.

Exotica verò illa appello quæ a Latinis, Gallicis, Italicis, Hispanicis, aut etiam Cambro-britannicis deduximus, quæ quidem multa sunt: Nativa verò illa voco quæ ab antiquâ linguâ Teutonicâ, seu Saxonica, originem ducunt; quæ quidem omnia sunt Monosyllaba, (aut saltem a Monosyllabis deducta,) & plerumq; nobis cum Germanis, Belgis, Danis, &c. communia sunt (levi saltem immutatione factâ,) quorum nempe sive Linguae sive Dialectus ejusdem cum nostrâ Anglicanâ sunt originis.

Ano-

Anomalia prima, quæ maximè generalis est, ex celeritate pronunciandi originem duxit: nempe, (post syncopen vocalis *e* in regulari terminatione *ed*, relicta consona *d* sæpissimè mutatur in *t*; quoties scilicet pronunciatio sic evadit expeditior. (Et quidem contractio potius dici fortasse poterit, quam Anomalia.)

Anomalie
Generales.

Nempe post *c*, *ch*, *sh*, *f*, *k*, *p*, & post consonas *s*, *th*, duriùs pronunciatas, & aliquando post *l*, *m*, *n*, *r*, modò præcedet vocalis brevis: hæ enim literæ faciliùs post se recipiunt *t* quam *d*. Ut, *plac't*, *fish't*, *wak't*, *dwel't*, *smel't*, &c. pro *plac'd*, *fish'd*, *wak'd*, *dwel'd*, *smell'd*, vel *placed*, *fished*, *waked*, *dwelled*, *smelled*, a Verbis *to place* loco, *to fish* piscor, *to wake* evigilo, *to dwell* habito, *to smell* olfacio.

Sed & vocalis longa præcedens non rarò abbreviatur, vel in cognatam breviorē transit, quæ & ipsa conducunt ad celeriorē pronunciationem. Sic *kept*, *slept*, *wept*, *crept*, *swept*, *leapt*, a verbis *to keep* servo, *to sleep* dormio, *to weep* fleo, *to creep* repo, *to sweep* verro, *to leap* salto.

At post consonas *b*, *g*, *v*, *z*, atq; *s*, *th*, molliùs prolutas; & *l*, *m*, *n*, *r*, præcedente vocali longâ: manet *d*: faciliùs enim coalescunt cum *d*, propter similem spiritûs ad nares directionem, quam cum *t*. Sic *liv'd*, *smil'd*, *raz'd*, *beleev'd*, &c. a verbis *to live* vivo, *to smile* subrideo, *to raze* deleo, *to believe* credo.

Nisi cum vocalis longa abbreviatur ante *l*, *m*, *n*, *r*; & ubi *b*, *v*, in *p*, *f*, sonusq; mollior literarum *s*, *th*, in earundem sonum duriorem transit.

Ut

Ut *felt*, *delt*, *dremt*, *ment*, *left*, *bereft*, *beleft*, &c. a Verbis *to feel* tactu sentio, *to deal* distribuo, *to dream* somnio, *to mean* intendo, *to leave* linquo, *to bereave* orbo, *to beleave* credo.

Ubi autem *d* vel *t* præcesserat, *litera* addititia *d* vel *t* (in hac contracta formâ) cum *d* vel *t* radicali in unam literam coalescunt. Nempe si *t* radicalis esset, coeunt in *t*; sin *d* esset radicalis, tum *vel* in *d* vel in *t* coeunt; prout hæc vel illa *litera* promptius proferri possit. Ut *read*, *led*, *spred*, *shed*, *dread*, *shred*, *tread*, *bid*, *hid*, *chid*, *fed*, *bled*, *bred*, *sped*, *strid*, *slid*, *rid*, &c. (ten potius *readd*, *bidd*, &c. quasi *read'd*, *bid'd*, &c.) a Verbis *to read* lego, *to lead* duco, *to spread* extendo, *to shed* effundo, *to dread* revereor, *to shread* minutim seco, *to tread* conculco, *to bid* jubeo, *to hide* abscondo, *to chide* objurgo, *to feed* pasco, *to bleed* sanguinem emitto, *to breed* parere, educare, *to speed* expedire, *to stride* passum extendo, *to slide* labor, *to ride* equito. Sic *cast*, *hurt*, *cost*, *burst*, *eat*, *beat*, *sweat*, *sit*, *quit*, *smit*, *writ*, *bit*, *hit*, *met*, *shot*, &c. (aut fortasse melius *eatt*, *bitt*, *bitt*, &c. quasi *eat't*, *bit't*, *hit't*,) a verbis *to cast* projicio, *to hurt* lædo, *to cost* confio, (de precio dictum,) *to burst* rumpo, *to eat* edo, *to beat* verbero, *to sweat* sudo, *to sit* sedeo, *to quit* libero, *to smite* percutio, *to write* scribo, *to bite* mordeo, *to hit* percutio, *to meet* occurro, *to shoot* ex machinâ projicio. Item *lent*, *sent*, *rent*, *girt*, &c. (pro *lend'd*, *send'd*, &c. vel *lendt*, *sendt*, &c.) a verbis *to lend* mutuo dare, *to send* mitto, *to rend* lacero, *to gird* cingo.

Verba autem hanc Anomaliam seu contractionem passa, admittunt ut plurimum etiam formam regularem, non minus eleganter quam hanc

hanc contractam; ut *placed*, *fished*, *beleaved*, *be-reaved*, *girded*, &c. vel *plac'd*, *fish'd*, &c. Nisi fortassis cacophonia nonnunquam impediatur syn-copen passa, (ut *gird'd*;) aut etiam (in Verbis frequentissimi usus) celeritas pronunciandi con-tractionem formam in quibusdam ut plurimum suadeat; unde *kept*, *wept*, ferè semper dicimus; *keeped*, *weeped*, rarius.

Anomalia secunda etiam frequens est, *Participia*
sed solummodò Participium Passivum *in en.*
spectat: Nempe Participium Passivum
olim sæpissimè formabatur in *en*: Cujus-
modi satis multa adhuc retinemus, præ-
sertim ubi Præteritum Imperfectum in-
signem aliquam anomalam patitur.
(Atque hæc quidem Altera Participii
Formatio, potiùs quam Anoma ia, non
incommode dici potest.)

Ut *been*, *taken*, *given*, *slay'n*, *know'n*, &c. a Ver-
bis *to be* esse, *to take* accipio, *to give* do, *to slay*
occido, *to know* cognosco.

Et quidem nonnunquam post Præteriti Im-
perfecti & Participii Passivi communem five
contractionem five anomalam, etiam hæc Partici-
pii Passivi peculiaris anomalia accedit. Scilicet tã
written, *bitten*, *eaten*, *beaten*, *hidden*, *chidden*, *shot-*
ten, *rotten*, *chosen*, *broken*, &c. quam *writt*, *bitt*,
eat, *beat*, *hidd*, *chidd*, *shott*, *rott*, *chose*, *broke*, &c.
in Participio Passivo (at non item in Præteriti-
to Imperfecto) promiscuè efferuntur; a ver-
bis *to write* scribo, *to bite* mordeo, *to eat* edo,
to beat verbero, *to hide* abscondo, *to chide* objur-
go,

go, to shoot projicio, to rot putresco, to choose eligo, to break frango; aliâque ejusmodi multa.

Item promiscuè formantur Participia *sow'n*, *shew'n*, *hew'n*, *m w'n*, *loaden*, *laden*; atque *sow'd*, *shew'd*, *hew'd*, *mow'd*, *loaded*, *laded*; a Verbis *to sow* sero, *to shew* ostendo, *to hew* dolo, *to mow* meto; *to load* vel *lade*, onero. Aliâque forsan aliquot similia.

Anomalix
Speciales.

Sunt & aliæ Anomalix non paucæ, præsertim in Præterito Imperfecto; sed quæ magis speciales sunt, nec quidem adeo multæ quam ut possint sigillatim recenseri.

Verba Auxiliaria, earumque anomaliam supra tradidimus. Alia sequuntur, quæ in suas classes distribuemus; præmissis illis quæ utrobique eandem vocem retinent, adjunctis deinde aliis quæ aliter in Præterito Imperfecto, aliter in Participio Passivo efferuntur.

I. *Win* lucro, *spin* neo, *begin* incipio, *swim* no, *strike* percutio, *stick* hæreo, *sing* cano, *sting* aculeis pungo, *sling* jacio, *ring* campanam pulso, *wring* torqueo, *spring* germino, *swing* pendulus agitor, *drink* bibo, *sink* mergor, *shrink* contrahor, *stink* foeteo, *hang* pendeo, *come* venio, *run* curro, *find* invenio, *bind* ligo, *grind* contero, *wind* convolvo; tam in Præterito Imperfecto, quam in Participio Passivo, dant *wonne*, *spun*, *begun*, *swum*, *struck*, *stuck*, *sung*, *stung*, *slung*, *rung*, *wrung*, *sprung*, *swung*, *drunk*, *sunk*, *shrunken*, *stunk*, *hung*, *come*, *run*, *found*, *bound*, *ground*, *wound*; Sed & eorum pleraque formantur etiam in Præterito Imperfecto per a, Ut *began*, *sang*, *rang*, *sprang*, *drank*, *came*,
ran;

ran; & quædam alia, sed rariùs. Quædam in Participio Passivo assumunt etiam *en*, ut *stricken*, *drunken*, *bounden*. Sed & utrobique forma analogæ ferè in omnibus retinetur, ut *spinned*, *swimmed*, &c.

2. *Fight* pugno, *teach* doceo, *reach* extendo, *seek* quero, *beseech* oro, *catch* capio, *buy* emo, *bring* affero, *think* cogito, *work* operor: faciunt *fought*, *taught*, *raught*, *fought*, *besought*, *caught*, *bought*, *brought*, *thought*, *wrought*. Sed & ex his non pauca analogiam retinent, ut *teached*, *reached*, *beseched*, *catched*, *worked*, &c.

3. *Take* capio, *shake* quatuo, *forsake* desero, *wake* (awake) evigilo, *stand* (olim *stead*) sto, *break* frango, *speak* loquor, *bear* fero, *pario*, *shear* tondeo, *swear* juro, *tear* lacero, *wear* induo, *tero*, *weave* texo, *cleave* hæreo, *cleave* (olim *clive*) findo, *strive* contendo, *thrive* direSCO, *drive* pello, *shine* splendo, *rise* surgo, *smite* percutio, *write* scribo, *bide* (abide) maneo, *ride* equito, *choose* (chuse) eligo, *tread* conculco, *get* acquiro, *beget* gigno, *forget* obliviscor, *seethe* coquo: faciunt utrobique *took*, *shook*, *forsook*, *wake*, *awake*, *stood*, *brake*, *spoke*, *bore*, *shore*, *swore*, *tore*, *wore*, *wove*, *clove*, *ströve*, *thröve*, *dröve*, *shöne*, *röse*, *smöte*, *wrote*, *böde*, *aböde*, *röde*, *chöse*, *trodd*, *gott*, *begott*, *forgott*, *sod*. Sed & utrobique dicimus etiam *thrive*, *rise*, *smitt*, *abidd*, *ridd*. In Præterito Imperfecto quædam etiam formantur per *a*, ut *brake*, *spake*, *bare*, *share*, *sware*, *tare*, *ware*, *gat*, *begat*, *forgat*, & fortasse quædam alia sed rariùs. In Participio Passivo formantur eorum non pauca etiam per *en*; ut *taken*, *shaken*, *forsaken*, *bröken*, *spöken*, *börn*, (*bör'n*) *shör'n*, *swör'n*, *tör'n*, *wör'n*, *wöven*, *clöven*, *thröven*, *dröven*, *rösen*, *smitten*, *written*, *ridden*, *chösen*, *trodden*, *gotten*, *begotten*, *forgotten*, *sodden*. Multa etiam utrobique

utrobique retinent analogiam, ut *waked, awaked, beared, sheared, weaved, cleaved, thrived, abided, choosed, seethed, &c.*

4. *Give* do, *bid* jubeo, *sit* sedeo; faciunt in Præterito Imperfecto *gave, bad, sate*: In Participio Passivo, *given, bidden, sitten*. Sed & utrobique *bidd, sitt*. Atque huc referenda sunt multa ex primâ & tertiâ classe, quæ formant præteritum imperfectum etiam in *a*.

5. *Draw* traho, *know* scio, *snow* ningit, *grow* cresco, *throw* jacio, *blow* flo, *crow* cano (instar galli,) *fly* volare, *slay* occido, *see* video, *ly* jaceo: faciunt Præterita Imperfecta *drew, knew, snow, grew, threw, blew, crew, flew, slew, saw, lay*; Participia Passiva per *en*, *draw'n, know'n, snow'n, grow'n, throw'n, blow'n, crow'n, flyen (flow'n,) slay'n, seen, ly'n, (lay'n,)* Sed & utrobique *draw'd, snow'd, throw'd, blow'd, crow'd*. At a *flee* fugio fit *fledd*. A *go* eo, fit *went* (ab antiquo *wend*) & participium *go'n*.

Suntque hæc (quæ memini) omnia linguæ Anglicanæ Verba Anomala: Alia vel nulla sunt vel certè paucissima.

C A P. XIII.

De Adverbiis, Conjunctionibus, Præpositionibus & Interjectionibus.

Adverbia.

ADverbia eandem sortiuntur naturam apud nos, quam apud Latinos, aliâsque gentes: Nempe non Verbis tantum, sed & aliis orationis partibus adjiciuntur.

Quorum

Quorum præcipua sequuntur.

Adverbia Temporis; Quando *when*, nunc *now*, tunc *then*, hodie *to-day*, cras *to-morrow*, heri *yester-day*, perpetuo *ever*, nunquam *never*, diu *long*, a great *while*, donec *till*, un-till, dudum *since*, agoe, antehac *here-to-fore*, posthac *here-after*, jam-jam *already*.

Numeri; Quoties *how-oft*, toties *so-oft*; semel *once*, bis *twice*, ter *thrice*, quater *four times*; sæpe, multoties, *oft*, *often*, *often-times*, *many-times*; raro *seldome*, semper *all-ways*, (quasi omnibus vicibus, a Cambrica voce *gwaith* vices.)

Ordinis; Primò *first*, deinde *after-ward*, proximè *next*, secundò *secondly*, tertio *thirdly*, ultimo *lastly*, tandem *at-last*, *at-length*, &c.

Loci; Ubi *where*, hîc *here*, illic *there*, ubique *everywhere*, nusquam *no-wh ere*, uspiâ *any-where*, alicubi *some-where*, alibi (alicubi alias) *some-where else*, *else where*; intus *with-in*, foris *with-out*: quò *whither*, hûc *hither*, illuc *thither*, aliquò *some-whether*, intro *in*, foras *out*: Quorsum *which way*, horsum *this way*, sursum *upward*, deorsum *downward*: Unde *whence*, (from *whence*,) hinc *hence*, inde *thence*: Simul *together*, seorsum *a-sunder*, in-sunder; prope *near*, hard-by; longè *far-off*.

Affirmandi; etiam *yea*, *yes*, I; forte *perhaps*; perchance, peradventure, *it may be*.

Negandi; Non (absolutè positum) *no*, (conjunctè positum) *not*.

Monstrandi; En, lo, *behold*.

Similitudinis, & Comparationis; Quàm, quomodo, *how*; sic, tam, *so*; ut *as*; quantum (quam multum) *how much*, magis *more*, minùs *lesse*, maximè *most*, minimè *least*, valdè *very*, *very-much*, omninò *altogether*, wholly; ferme *almost*, solummodo *onely*, but; potiùs *rather*, quàm *than*, vix *scarce*, àgrè *hardly*, bene *well*, malè *ill*, meliùs *better*, pejùs *worse*,
optimè

optimè *best*, pessimè *worst*, doctè *learnedly*, fortiter *valiantly*, citò *quickly*.

Reliqua fere Adverbia (& ex enumeratis non pauca) sunt vel Periphrases , ut, diu a *long while*, jamdudum a *great while ago*, sæpenumèrò *many times*, &c. Vel Præpositiones aut Adjectiva Adverbiascentia, ut antè *before*, prope *near*, præter *beside*, infra *under*, *below*, &c. multum *much*, parum *little*, magis *more*, &c. Vel denique a quibusvis ferè Adjectivis formantur, adjunctâ terminatione *ly*; ut doctè *learnedly*, fortiter *valiantly*, subitò (subitanè) *suddenly*, tertio *thirdly*, &c.

Conjunctiones.

Conjunctiones item eundem habent usum quem apud Latinos, aliòsque.

Quarum hæ sunt præcipuæ; Et *and*, quoque *also*, *likewise*, nec *nor*, *neither*, utrum *whether*, five *or*, *either*, sed *but*; nam *for*, quia *because*, quare *wherefore*, ergo *therefore*, si *if*, tum *then*, quamvis *though*, *all-though*, *not-withstanding*, tamen *yet*, ut *that*, quòd *that*, quum *seeing*, *since that*, *when as*, nisi *except*, *unlesse*, saltè *at-least*, vel *even*.

Si quis tamen harum aliquot voces potius Adverbia esse dicat; aut etiam ex Adverbiis aliquot ad Conjunctionum classem referre malit: non tanti est ut hac de re quis contendat, cùm, & apud Latinos, eadem non rarò vox nunc pro Adverbio, nunc pro Conjunctione censenda est. Neque forsan aliquod grave detrimentum patere-
mur, si tam Adverbia quam Conjunctiones & Interjectiones, ad eandem classem redigerentur. Est quidem nonnihil discriminis, sed leviusculum.

Præpositiones etiam eandem sortiuntur naturam quam in aliis linguis: Sed frequentiori apud Anglos usu occurrunt quam apud Latinos, ideo quòd nos Casuum discrimina non agnoscamus. Præpositiones.

Verùm de hisce quicquid dicendum erat, supra, ubi de Nomine Substantivo agebatur, tradidimus.

Interjectiones non ita multas habemus. *O, oh, ah, fi, ha ha he, s̄*, nobis sunt cum Latinis communes. *Heu alas*, dolentis est: *Vah iust* contemnentis: *Foh* fœtorem abominantis. *Væ wo*, potius nomen est. Interjectiones.

C A P. XIV.

De Etymologiâ.

Postquam singulas orationis partes seorsim consideravimus: operæ pretium esse duxi, earum aliquam inter se convenientiam & affinitatem observare; sive Etymologiam quâ una ab aliâ originem ducit.

Ex quolibet nomine Substantivo, aut Adjectivum
Substantivè Possessivum.

Substantivè posito, (five Singulâri five Plurali,) formatur Adjectivum Possessivum, addendo s. Ut supra dictum est.

Adjectivũ
Respectivũ.

Quodlibet etiam Substantivum, Adjectivè posito, degenerat in Adjectivum; quod Adjectivum Respectivum supra diximus.

Verbascentia.

Substantiva item non pauca, aut etiam Adjectiva, (& aliæ nonnunquam orationis partes,) Verbaliter posita, degenerant in Verba: Et innuunt ejusdem rei qualemcunque applicationem: Accedente tamen non rarò Vocalis productione, atque etiam Consonantis alleviatione.

Ut a house domus, to house (domum adhibere) in domum recipere: brasse æs, to braze obærare: glasse vitrum, to glaze vitrum applicare: grasse gramen, to grase gramine vesci: price precium, to prise æstimare: breath spiritus, to breathe spirare; shade, shadow, umbra; to shade, to shadow, obumbrare: a fish piscis, to fish piscari: oyl oleum, to oyl oleo oblinere: rule regula, regimen; to rule regulare, regere: love amor, to love amare: life vita, to live vivere: strife contentio, to strive contendere: Further ulterius, to further promoverè: forward antrorsum, to forward promoverè: hinder posterior, to hinder retardare. Atque infinita alia.

Nonnunquam tamen (præsertim Adjectivis) adjungitur terminatio en: Ut hast celeritas, to hast, to hasten accelerare: length longitudo, to lengthen

lengthen prolongare: *strength* vires, to *strengthen* vires addere: *short* breve, to *shorten* abbreviare: *fast* fixum, to *fasten* figere: *white* album, to *whiten* album reddere: *black* nigrum, to *blacken* denigrare: *hard* durum, to *harden* durum facere: *soft* molle, to *soften* mollire. Aliâque multa,

A Verbis autem (five hisce, five aliis *Participia*, quibuscunque) formantur *Participia*, nempe Passivum unum (additâ plerumque *Terminatio* *ed*, vel *en*;) alterum Activum, (adjunctâ semper terminatione *ing*) quod etiam, Substantivè positum, Gerundiorum & *Nominis Verbalis* (Actionem significantis) vices gerit. Ut supra ostensum est. At adjunctâ terminatione *er* fit Nomen Verbale Agentem significans.

To *hear* audio, *hear'd* auditum, *hearing* auditus, *auditio*, a *hearer* auditor. To *give* do, *given* datum, *giving* dans, *donatio*, a *giver* dator. Aliâque innumera, & ad libitum formata.

Ex Substantivis fiunt *Adjectiva Copia*, *Adjectiva* additâ terminatione *y*: factâ item nonnunquam, sed rariùs *Vocalis*, productione, & allevatione Consonantis.

A *lowse* pediculus, *lowsy* (pediculis scarens) pediculofus:

Iosus: *Wealth* divitiæ, *wealthy* (divitiis abundans) dives: *Health* sanitas, *healthy* (sanitate præditus) sanus: *Worth* valor, excellentia; *worthy* dignus, excellens: *Witt* ingenium, *witty* ingeniosus: *Water* aqua, *watery* aquosus: *Earth* terra, *earthy* terreus: *Wood* lignum, a *wood* sylva; *woody* lignosus, *sylvosus*: *Air* aer, *airy* aereus: *A heart* cor, *hearty* cordatus, fortis: Aliâque innumera. Huic terminationi respondet Germanorum terminatio *ig*.

Adjectiva plenitudinis in full.

Ex Substantivis fiunt *Adjectiva Plenitudinis* additâ terminatione *full*; hoc est, *plenus*.

Joy gaudium, *joyfull* lætus: *Fruit* fructus, *fruitfull* fructuosus: *Youth* juvenus, *youthfull* (juvenitâ plenus) juvenilis: *Care* cura, *carefull* sollicitus, diligens: *Use* usus, *usefull* utilis: *Delight* delectatio, *delightfull* jucundus, delectabilis: Aliâque multa.

In some.

Nonnunquam, eodem ferè sensu, sed cum aliqua diminutione, additur terminatio *some*, (hoc est, aliquid.) *Delight* delectatio, *delightsome* delectabilis, delectationem saltem mediocrem parens: *Game* lusus, *gamesome* hilaris, lufui proclivis: *Irk* tædet, *irksome* ingratus, molestus: *Burden* onus, *burdensome* onerosus: *Trouble* molestia, *troublesome* molestus: Aliâque ejusmodi.

Adjectiva inopia, seu defectus, in lesse.

Contra verò terminatio *lesse* Substantivis addita, *Adjectiva* facit *inopiam* significantia.

Ut *worthlesse* nullius precii: *wittlesse* ingenio vacuus:

vacuus : *heartlesse* dejectus, timidus, excors: *jy-lesse* gaudio planè destitutus: *carelesse* negligens: *uselesse* inutilis. Sic *comfort* consolatio, *comfort-lesse* consolatione destitutus: *sap succus*, *sap-lesse* succi *vacuus*: Aliâque quamplurima.

Idem etiam sæpissimè innuitur præ-
fixâ particulâ privativâ *in* adjectivis
quamplurimis; vel etiam *in*, sed hoc po-
sterius non nisi vocibus a Latinis dedu-
ctis, quæ eandem compositionem apud
Latinos admittunt.

Ut *pleasant* gratus, placidus, *unpleasant* ingra-
tus: *wise* sapiens, *unwise* insipiens: *profitable* u-
tilis, *unprofitable* inutilis: *patient* patiens, *impati-ent* impatiens: Sic *unworthy* indignus: *unhealthy*
non sanus: *unfruitfull* infrugiferus: *un-usefull*
inutilis: Aliâque multa.

Notandum tamen est, quod ut non omnia La-
tina ab *in* composita privationem significant; ita
nec omnia Anglicanâ per *in* scripta: Multa enim
a Gallis habemus, sed ut plurimum Latinæ origi-
nis, quæ per *in* vel *en*, promiscuè scribuntur, ubi
retinetur genuina significatio Latinæ præpositio-
nis *in*. Ut *ingenier* ingenero; *implant* implanto; *in-
grave* inculpo; aliâq; multa: quæ tamen etiam pro-
miscuè per *en* scribuntur, *engender*, *emplant*, *engrave*,
&c. ut & eorum participia *engendered*, *implanted*, *en-
graven*, &c. Et quidem oprandum esset (in ex-
teriorum gratiam) ut hujusmodi vocabula a Gal-
lis accepta, Gallorum *en* perpetuò retinerent, po-
tius quam ut restituatur Latinorum *in*, unde illud
en deductum est; ut omnis de illius particulâ

En.

significatione dubitatio tollatur. Nam particula *un* semper privativa est, *en* verò nunquam, at *in* nunc est nunc non est: in illis enim dictionibus quæ promiscuè per *in* & *en* scribuntur, non est privativa; in aliis ut plurimum privativa est, nempe quæ a Latinis pariter significantibus deductæ sunt.

Dis: mis:

Particulæ item præpositivæ *dis* & *mis*, (a Gallorum *des* & *mes* deductæ,) idem ferè significant quod *un*: Cum hoc tamen discrimine; *dis* potius Contrarietatem innuit quam Privationem, (respondet siquidem Latinorum præpositivæ *ni de* prout in compositione non raro usu patitur:) *mis*, quasi Errorem quendam insinuat, & per *male* vel *perperam* ut plurimum reddi potest. *To like* approbare, *to dislike* improbare: *honcu* honor, decus, *dishonour* dedecus: *to honour*, *to grace*, honorare, decorare: *to dishonour*, *to disgrace*, dedecorare: *to deign* dignor, *to disdain* dedignor: *chance* fortuna, casus, *mischance* infortunium: *to take* capere, *to mistake* errare, *perperam* accipere: *deed* opus, *mis-deed* male-factum. Aliæque hujusmodi.

Quæ a Latinis per *de*, vel *dis*, scriptis deducuntur, eandem quàm prius habebant significationem retinent: ut *dis* *inguis* distinguo, *dis* *tract* detraho: *dis* *fame* defamo, *detain* detineo, &c.

**Adjectiva
similitudi-
nis in ly.**

Terminatio *ly* Substantivis addita (& nonnunquam Adjectivis) Adjectiva format *Similitudinem* quandam seu convenientiam innuentia.

A giant gigas . giantly (giant-like) gigantinus : earth terra , earthy terrenus : heaven cœlum , heavenly cœlicus : world mundus , worldly mundanus : God Deus , godly pius , quasi Deo conformis : good bonus , goodly eximie staturæ seu magnitudinis , quasi καλοειδής . Aliaque similia . Respondet Germanorum & Belgarum terminationibus lich , lick .

Eadem terminatio *ly* Adiectivis addita format adverbia cognatæ significationis ; ut Latinorum , in *è , ô , & ter* . Ut suprà dictum est . *Adverbia similitudinis in ly .*

Terminatio *ish* Adiectivis præcipuè addita (sed & non rarò Substantivis) *Diminutionem* innuit . *Adiectiva Diminutiva , in ish .*

Green viridis , greenish subviridis : white albus , whitish albicans , subalbus : soft mollis , softish aliquantum mollis : a thief fur , thievish quasi fur , ad furandum proclivis : a wolf lupus , wolfish quasi lupus , lupinæ ferociæ proclivis : a child puer , childish puerilis . Aliaque multa , & ferè ad libitum formata .

Habemus tamen & alias diminutivorum formulas in Substantivis (sed rariùs occurrentes ;) ut *a hill mons , a hillock moniculus : a part pars , a parcell particula ; a cock gallus gallinaceus , a cockrell galliculus : a pike lucius piscis , a pickrell luciolus : a pòke saccus , a pocket sacculus (quæ terminatio Gallica est :) a lamb agnus , a lamkin agnellus : a goose anser , a goslin anserculus ; (quæ est terminatio Germanica :) aliæque , sed pauca , similia occurrunt .*

Substantiva Diminutiva .

*Abstracta,
in nesse.*

Ex Concretis Adjectivis fiunt Substantiva Abstracta, addita terminatione nesse.

White albus, *whitenesse* albedo: *hard* durus, *hardnesse* durities: *great* magnus, *greatnesse* magnitudo: *skillfull* peritus, *skillfullnesse* peritia, *unskillfullnesse* imperitia: aliâque infinita. Huic respondet Germanorum terminatio *heyt*.

In th.

Sunt tamen & alia Abstracta (partim ab Adjectivis partim a Verbis deducta) quæ fiunt adjectâ terminatione *th*: (levi nonnunquam immutatione simul factâ.)

Long longus, *length* longitudo: *strong* fortis, *validus*, *strength* vires, *fortitudo*: *broad*, *wide*, *latus*, *breadth*, *width*, *latitudo*: *deep* profundus, *depth* profunditas: *high* altus, *height* (seu potius *heighth*) *altitudo*: *true* verus, *truth* veritas: *warm* calidus, *warmth* calor: *dear* charus, *dearth* (caritas) fames: *slow* tardus, *slowth* tarditas, *desidia*: *merry* lætus, *mirth* lætitia: *hail* sanus, *health* sanitas: *well* benè, *weal* bonum, *wealth* divitiæ: *dry* ficcus, *drowth*, *droughth*, *dry'th*, *ficcitas*: *young* juvenis, *youth* juvenitus: Sic *Moon* Luna, *moneth* mensis: item *room* & *roomth* capacitas.

Quibus affines sunt voces quædam a Verbis deductæ; *dy* morior, *death* mors: *till* aro, *colò*: *tilth* cultura: *grow* cresco, *growth* incrementum: *mow* meto, *mow'th* (alicubi) messis: *steal* furor, *stealth* furtum: *bear* pario, *birth* partus: *hear* audio, *hear'th* auditus: *rue* luo, *ruth*, *luctus*: (quæ vox sæpè desuevit:) Sic *see* video, *sight* visus: *sigh* singultio, *sigh* (vel *sighth*) singultus:

flee

flee fugio, *fly* volo, *flight* fuga, *volatus*: *weigh* pondero, *weight* pondus: *fray* terrefacio, *fright* terror: *to draw* traho, *haurio*, *delineo*, *to drink* bibo; *draught* tractio, *haustus*, *delineatio*: *defray* solvo (a Gallico *frais*) *freight* naulus; quæ potiùs scribenda essent *flighth*, *sighth*, &c. prout a quibusdam etiam pronunciantur; nisi quod mos aliter plerumque obtinuerit, ne h his scriberetur.

Eandem formam retinent *faith* fides, *spight* malicia, *wreath* spira, *wrath* ira, *broth* jusculum, *moth* tinea, *foth* spuma, *breath* spiritus, *sooth* veritas, *worth* pretium, *light* lux, *laith* flamma, *wight* res, persona, (vox antiqua, unde) *nought* nihil, *ought* aliquid, aliæque forsan similia: quorum primitiva vel planè desueverunt, vel saltem rariùs occurrunt, & ferè latent: Descendunt fortè a *sey* (vel *foy*,) *spy*, *wry*, *wreak*, *brew*, *mow*, *fy*, *bray*, *say*, *work*, &c.

Ment, age.

Ment & *age* sunt terminationes planè Gallicæ; & idem apud nos innuunt ac apud illos; & vix omnino occurrunt nisi in vocibus a Gallis deductis; ut *commandement* mandatum, *usage* consuetudo, &c.

Sunt autem & aliæ apud nos voces affines, ab eodem quasi communi themate variè flexæ, cognatæ item significationis; prout in aliis linguis fieri solet.

Voces cognatæ.

Ut *to beat* ferio, *a bat* (*batoon*) baculum, *a bat-tel* pugna, prælium, *a beetle* malleus ligneus (quo cuneos ferimus) *a battle-door* feriterium, *to batter* feriendo comminuo, *batter* eduliorum quorundam materia (ex farinâ, aquâ, & ovis, frequenter spatulæ percussione commistis;) quæ omnia cognatæ

cognatæ sunt significationis. Sic *take* manu capio, *touch* tango, *tickl* (leviter tango) titillo, *tack* clavus cui aliquid appenditur, *tach* uncinæ, *tackle* armamenta navis: quæ omnia localem conjunctionem innuunt. Atque idem in aliis passim videtur.

*Soni rerum
indices.*

Notandum autem est, in vocibus linguæ nostræ nativis, magnam ut plurimum literarum reique significatæ consensum reperiri.

Adeoque literarum soni tenuiores, acutiores, craiiores, obtusiores, molliores, fortiores, clariiores, obscuriores, magisque striduli, &c. pares non rarò in rebus significatis affectus innuunt, & quidem plures nonnunquam in eadem voce licet monosyllabâ.

Str.

Sic voces a *Str* inchoatæ fortiores rei significatæ vires innuunt; ut *strong* fortis, *strength* vires, *strive* validè contendo, *strike* percutio, *struggle* luctor, *stretch* extendo, *strain* violenter extendo, *straight* rectum (quod nempe in longitudinem extenditur,) *strout* tumesco (distendor) quantum possum.

St.

St vires item, sed minores, innuunt; quantæ scilicet parta tuendo potius quam nova acquirendo sufficiunt: Ut *stand* sto, *stay* permaneo, *steady* immobilis, *steadfast* constans, *stout* pertinax, *sturdy* rigidè pertinax, *sick* hæreo, *stickle* auxiliis adsto, *stiff* inflexibilis, *stop* obfisto, obicem pono.

Thr.

Thr violentiorem motum innuunt: Ut *throw* projicio, *thrust* violenter trudo, *throng* constipo
(de

(de caterva dici solet,) *throb* violenter palpito
(de corde acerrimis doloribus agitato dicitur,) *through* penitus, per torum, &c.

Wr obliquitatem quandam seu distortionem innuunt; Ut *Wry* obliquum, *wreathe* contorqueo, *wrest* violenter distorqueo, *wrestle* colluctor, *wring* torqueo, *wrong* injuria, *wrinch* luxo, *wrench* (vox fere obsoleta) injuria violenter illata, *wriggle* sinuosè flecto, *wrangle* rixor, *wrinkle* ruga, *wrath* iracundia, *wrist* carpus, qui nempe quaquaversum, tam se quam alia, contorquet.

Wr.

Sw quasi silentem agitationem seu molliorem motum innuunt; Ut *sway* propendeo, *swim* no, *swing* pendulus agitor, *swift* celer, *sweet* dulcis, suavis, *switch* virgula flexilis, *swindge* virgulâ ferire; in quibus consonæ ferè omnes silentiores sunt & vocales tenuissimi soni.

Sw.

Nec multum differunt *Sm* in *smoothe* lævis, *smile* subrideo; *smite* idem significat quod *strike* ferio, sed mitior vox est; *smart* acrem dolorem significat, *a smart blow* propriè significat ejusmodi plagam quæ motu primitus silenti (quod indicant *sm*) ad acutam asperitatem procedit (quod indicant *ar*) subitanee finitam (quod indicat *t*;) seu, quæ tacito motu acriter pungit.

Sm.

Cl adhærentiam quandam seu tenacitatem innuunt; ut in *cleave* hæreo, *clay* argilla (terra tenax,) *cling* tenaciter adhæreo, *clime* (*clamber*) scando, *to clamb up* quasi argillâ obstipo, *clammy* viscidum, *clôse* contiguum, *to clôse* conjungere, *a clod* gleba (massula terræ durior,) *a clot* coagulatum quid, ut *a clot of blood* grumus sanguinis (sanguis coagulatus,) *a clutter* tumultuaria congeries, *a cluster* continuata congeries. &c.

Cl.

Sp.

Sp dissipationem quandam seu expansionem innuit; in *spread* expando, *spring* exfilio, *spring* furculus, *sprout* progermino, *sprinkle* dispergo, *split* findo, *splitter* schidium, (quod fissurâ separatur) *spill* effundo, *spitt* exspuo, *sputter* quasi spuito, *spatter* aspergo. &c.

Sl.

Sl quasi lapsum silentem seu minus observabilem motum innuit, in *slide* lentè labor, *slip* subito labor, *slippery* glaber, *slime* viscus tenue & glabrum, *slly* inobservatè astutus, *sleight* astutia, *slit* findo, *slow* tardus, *slack* latus, *slight* negligentius factum. &c.

ash, ùsh.

Item terminatio *ash* in *crash*, *rash*, *gash*, *flash*, *clash*, *lash*, *slash*, *plash*, *trash*, &c. clarius quiddam & acutius indicat. At *ùsh* in *crush*, *rush*, *gush*, *flush*, *blush*, *brush*, *hush*, *push*, obscurius quiddam & taciturnius innuit. Utrobique tamen motus celer & subitaneus innuitur.

ing.

Sic in *sling*, *sling*, *ding*, *swing*, *cling*, *sing*, *ting*, *wing*, *sting*, &c. tinnitus terminationis *ng* & acuties vocalis *i*, innuunt tenuissimi quasi motus seu tremoris continuationem, tandem quidem evanescentis non autem subito interrupti: At in *tink*, *wink*, *sink*, *clink*, *chink*, *think*, (in consonam mutam desinentibus) innuitur etiam exitus seu terminus subitaneus.

ink.

ingl, inkl.

Si accedat *l*, ut in *jingle*, *tingle*, *tinkle*, *mingle*, *sprinkle*, *twinkle*, innuitur quasi actum (minutorum) frequentia, seu frequens iteratio: Eademque actuum frequentia, sed minus subtilium (propter clariorem vocalem *a*,) innuitur in *jangle*, *tangle*, *spangle*, *mangle*, *wrangle*, *brangle*, *dangle*: Item in *mumble*, *grumble*, *jumble*, *tumble*, *stumble*, *rumble*, *crumble*, *fumble*, &c. sed simul obscurius quiddam seu obtusius innuit & obscurum, & confusam quasi convolutionem innuunt con-

angl.

umbl.

sonarum

sonarum congeries *mbl*, ut etiam in *ramble*, *scamble*, *scramble*, *wamble*, *amble*, &c.

In *nimble* vocalis acuties celeritatem innuit: In *sparkle* scintillo, *sp* dissipationem innuit, *ar* acutam crepitationem, *k* subitam interruptionem, *l* frequentem iterationem: & similiter in *sprinkle* nisi quod in subtilitatem dissipatarum guttularum innuat. *Thick* (crassum, obtusum,) *thin* (tenue, acutum,) eo differunt quod vox illa consona obtusa, hæc acuta, terminetur.

Pari modo in *squeek*, *squeak*, *squele*, *squall*, *braul*, *wraul*, *yaul*, *spaul*, *shreek*, *screek*, *shrill*, *sharp*, *shriv'l*, *wrinkle*, *crack*, *crash*, *clash*, *gnash*, *plash*, *crush*, *hush*, *hisse*, *fisse*, *whist*, *soft*, *jarr*, *hurl*, *curl*, *whirl*, *buz*, *bussle*, *spindle*, *dwingle*, *twine*, *twist*, aliisq; innumeris, ejusmodi sonorum cum rebus significatis convenientiam observare licet. Et hoc quidem tam frequenter ut vix ulla quam scio lingua hac in re huic nostræ æquiparanda videatur; Adeo ut in unâ plerumq; voce monosyllabâ (quales sunt nostræ ferè omnes, si flexionem demas,) illud signanter exprimitur, quod in linguis aliis nisi Compositis, aut Decompositis, aut longâ nonnunquam verborum periphrasi, vix aut ne vix explicari potest. Et quidem ex vocibus nostris nativis quamplurimæ hoc modo formantur; & ejusmodi longè plures olim fuisse non dubito, priusquam ingentis vocum Gallicarum sarraginis in linguam nostram intrusio multas nativas voces exilio dederit & oblivioni.

Voces a Latinis mutuatas multas habemus (& quidem fere omnes quæ nec monosyllabæ sunt, nec a monosyllabis formantur:) earum verò partem maximam Galli potius a Latinis acceperunt, & nos ab illis.

Voces Latine a Gal-
lis mutua-
te.

Nomina

Nomina.

Nomina (tam Substantiva quam Adjectiva) ex Latinis fiunt Anglica, abie-
ctâ plerumq; casuum obliquorum te-
minatione: interveniente non rarò levicu-
lâ aliqua permutatione, quæ Gallis ut
plurimum nobiscum communis est.

Uti Natura, gratia, clementia, synodus, ingeni-
osus, ingenuus, ornamentum, vitium, insans,
prudens, quies, unio, nectar, Honor, imago,
multitudo, maiestas, virtus, poema, poesis, phœ-
nix, audax, liberalis, specincus, possibilis, im-
placabilis, status, facies; &c. dant *Nature, grace,*
clemency, synod, ingenious, ingenuous, ornament, vice,
infant, prudent, quiet, union, nectar, honour, image,
multitude, majesty, vertue, poeme, poesy, phœnix, au-
dacious, liberal, specifical, possible, imp'acable, State,
(estate) face; Atq; ad has formas infinita alia &
olim formabantur, & formantur indies.

Ubi notabilior aliqua mutatio occurrit, eam
ut plurimum a Gallis accepimus; ut a Latinis,
Bonitas, leo, eleemosyna, eleemosynarius, tem-
pus, novus, extraneus, fons, mons, acris: fiunt
Gallica *Bonté, lion, almofne, almofner, temps, nieu,*
eftrange, fountaine, mountaigne, aigré: Unde An-
glica Bountty, lion, almes, alimner, & ambry, hoc
est alm'ry,) tense, new, strange, fountain, moun-
tain, eager.

In nostris *chamber, tender, cinder, &c.* a Lati-
nis *camera, tener, cinis, &c.* interpositionem lite-
rarum *b, & d,* habemus a Gallis qui scribunt
chambre, tendre, cendre, &c. pro *cham're, ten're,*
cen're, &c. ubi inter pronunciandum (primò for-
tasse non observantibus) se insinuarunt illæ li-
teræ post syncopen factam, & deinde etiam in
scrip-

scripturam (uteriam in *dissemble*, *resemble*, *assemble*, *humble*, *tremble*: &c. a *simulo*, *similis*, *simul*, *humilis*, *tremulus*; aliisq; multis:) Quale quid in Graecorum ἀνδρες, μέμβλωκα μεσημβρία, &c. & in Latinorum *sumptus*, *emptus*, *comptus*, &c. videtur.

Verba;

Verba quæ a Latinis mutuamus, formantur partim a *Præsenti Tempore*, partim a *Supinis*, abiectâ utrobique terminatione: cum levi insuper aliquando mutatione.

A *Præsenti* formantur, *extend* extendo; *spend*, *exspend*, expendo; *conduce* conduco, *despise* despicio; *approve* approbo; *conceive* concipio; *relinquish* relinquo *distinguish* distinguo; *diminish* diminuo; *replenish* repleo; *vanquish* vinco; *establish* stabiliō; *correspond* correspondeo; *contain* contineo; *administer* administro; *govern* gubernō; *concern* concerno, *certify* certifico; *reply* replicō; *multiply* multiplico; *supply* suppleo: Aliâq; innumera.

A *Supinis* formantur, *Supplicate* supplico; *demonstrate* demonstro; *dispose* dispono; *expatiate* expacior; *suppress* supprimo; *exempt* eximo; *collect* colligo; *consecrate* consecro; *imprecate* imprecor; *contract* contraho; *mix* misceo; *concoct* concoquo; *reject* rejicio; *exact* exigo, *afflict* affligo: Atq; alia quam plurima.

Ab utrisque etiam non rarò formantur apud nos verba; significatione tamen plerumque aliquantum diversâ; eorûmque unum ut plurimum a Latinis immediatè deducimus, alterum verò nonnisi mediantibus Gallis. Sic *compound*, *compôse*, *compono*; *expound*, *expose* expono; *refer*,

refer, relate refero, confer, collate confero; comprehend, comprife comprehendo; defer, delate defero; imply, implicate implico; speed, expedite expeditio; confound, confute confundo; Aliâq; ejusmodi non pauca.

Voces Gallica.

Sunt autem & alia aliquot tam nomina quam verba purè Gallica, a Latinis non deducta, quæ in nostram linguam transtulimus.

Ut *Garden* hortus, *garter* periscelis, *buckler* umbo, *to advance* promovere, *to cry* clamare, *to plead* causam agere, aliâque; a Gallicis *jardin, jartier, bouclier, avancer, cryer, plaider, &c.* Quanquam reverâ non adeo multæ sint in ipsâ linguâ Gallicanâ voces purè Gallicæ; illius enim linguæ pars longè maxima est Latinæ originis.

Voces Teutonica.

Multas autem voces quæ nobis cum Germanis ferè sunt communes, dubium est an prisca olim Teutones a Latinis, an hi ab illis, aut deniq; utriq; ab eodem communi fonte, acceperint.

Ut *Wine* vinum, *Wind* ventus, *went* veni, *way* via, *wall* vallum, *wallow* volvo, *wooll* vellus, *will* volo, *worm* vermis, *worth* virtus, *day* dies, *draw* traho, *rame* domo, *Saxum*, yoke jugum, *Zeug*, earth terra, *eg*, over upper super, *am sum* eiµè, *break* frango *fly* volo, *blow* flo, aliâq; ejusmodi innumera. Linguam enim Teutonicam, ipsâ Latinâ antiquiorem esse, non dubito

dubito: Neq; magis dubitandum est, linguam Latinam, quæ non modò a Græcâ, præsertim Æolicâ, sed & ab aliis vicinis linguis (puta Oscâ aliisve, quæ jam olim desueverunt adeo ut vix eorum vestigia supersint) magnam verborum faraginem confarcinavit, etiam a Teutonicâ non pauca accepisse. Certum est linguam Anglicanam, Germanicam, aliasque linguas a Teutonicâ oriundas, non pauca retinere a Græcis deducta, quæ Latina lingua non agnoscit, ut *path*, *pfad*, *semita*: *ax*, *achs*, *securis*: *mit* cum; *ford*, *pfurd*, *vadum*; *daughter*, *tochter*, *filia*; *mickle* multum, magnum; aliâq; similia: a Græcis *πάτθ*, *ἀξίη*, *μετὰ*, *πόρθ*, *πορθμός*, *δυατήρ*, *μεγάλθ*, &c. Cum autem hæc immediatè a Græcis acceperint, sine interventu linguæ Latinæ: quidni & alia etiam immediatè inde fluxisse putanda sint, quamvis & apud Latinos pariter reperiantur. Atq; hæc de Erymologia linguæ nostræ tradidisse sufficiat.

CAP. XV.

De Poesi.

Poesis Anglicana, ut plurimum Rhythmica est: ut & apud vicinas gentes omnes.

Observatur præsertim numerus syllabarum; non prorsus tamen neglectâ quantitate.

Metri genera sunt varia; & quidem ad arbitrium poetarum quotidie nova exoriuntur.

Notandum

Notandum autem (præsertim peregrinis) Poetas nostros, ut & aliarum Gentium, maximam plerumq; sibi libertatem assumere in vocabulis transponendis, ab eâ seriè quam in solutâ oratione obtinere solent.

F I N I S.

